

SPEAKER : "A theih phawt chuan nangmahni lam tak mi zawng zawng nen inremin awm rawh u".

Rom 12:18

Zawhna leh chhanna hun kan hmang ang a. Starred Question 201-na zawt turin Member zahawm tak Pu R. Lalzirliana i lo sawm ang.

PU R. LALZIRLIANA : Pu Speaker, Starred Question 201-na, Food, Civil Supplies & Consumer Affairs Department changtu Minister zahawm tak chhan atan - (a) Saitualah hian KVI tan hmun neih a ni a, mahse, he hmun hi a ruaka awmin Food, Civil Supplies & Consumer Affairs Department-in FCI Godown emaw, Supply Godown hrim hrim pawh an sakna tura ruahman a ni a. He hmunah hian Godown sak tumna hi a awm tak tak em ? (b) Sak tumna awm ta se, engtika sak tak tak tum nge a nih ? (c) Kumin 2008 chhung hian sak tum a ni em ? tih kha zawt e.

SPEAKER : A chhang turin Food, Civil Supplies & Consumer Affairs Department changtu Minister zahawm tak Pu K. Sangthuama ilo sawm ang.

PU K. SANGTHUAMA MINISTER : Pu Speaker, kan MLA zahawm tak Pu R. Lalzirliana zawhna chhanna chu - (a) Saitual KVI ram hi Food, Civil Supplies & Consumer Affairs hnenah Godown sakna atan KVI hotuten hmun min pe a. FCI Godown hmun tur a ni lova, Supply Godown hmun tur zawk a ni. He hmunah hian Godown sak tawh a ni. (b) Godown sak belhna tur hi Central-ah pawisa dil belh mek a ni. (c) Pawisa kan neih hun hunah sak tum a ni.

PU R. LALZIRLIANA : Pu Speaker, zawh belhna. Helaia Godown sak hi FCI Godown sakna atan hian a itawm hlein ka hria a. A chhan chu khaw chhak lam zawng zawng leh hmar lam hemi Biate tlangdung leh a chhak lam zawng zawng tan hian kawngte a piang a, ruahte a

lo sur leh ang a, khangah khan Seling Lei tlahniam tihte, Bung Bungalow quarry tihte. khang zawng zawng khan min dang nasa thin a. Chuvang chuan helaiiah hian Godown lian zawk sak tumna hi awm sela, a theih lawm ni tih kha ka han zawh belh leh duh mai a ni e.

PU LALRINLIANA SAILO : Pu Speaker, FCI atang hian Hill State Transport Subsidy hi engzat chiah nge ? A chiah ka hriat loh avangin vaibelchhe 7 vel niin ka hria. Engvangin nge kha kha hman a nih ?

Lawngtlai lamah sawn nuai 240 chuangte Transport carrying bill hi a tang hlawmin report ka dawng a. Tun tum kan Session hi kan zawhna chhanna a inaglo nuai mai a. Ba kan neilo tihte, kha lam kha chu ka thlur thui lo ang a. Carrying Bill pek danah hian fimkhur a thain ka hria, party induhsakna ang lutuk te, kan thianpa pakhat phei chu nuai 60 chuang a nei a, nuai 8 pek a ni a, 48 chuang a la nei a, challan lei hi kan Minister hian challan lei turin a tir em ni ? 3% in tihte kha mi pakhat chuan Sorkarna hi a inthlakna hun tur thla 6/7 vel chauh a nih tawh bawk avangin ka nghak mai ang e, a lo ti ni awm a ni a. Amah pawh 3% an bill ngei a ni.

Tin, Pi Hmingdailovi tih leh Pi Zothanmawii pawh Pi Lalenpuii tih hi additional atan nuai 50 pek thak a ni a, carrying contractor bill, Lawngtlai atanga challan an lak ni leh a zat leh motor No. leh load an lak ni kha min hriih thei em ?

SPEAKER : Kan zawhna kha FCI Godown sak leh sak loh thu a ni a, relevant lo lai a tamin ka hria. Minister i lo sawm teh ang.

**PU K. SANGTHUAMA
MINISTER** : Pu Speaker. Saitual bialtu zawhna kha khilai khi Godown atan pawh kan it khawp mai a. KVI khian ram an nei zau a, kan dil a, Saituala kan Godown tunhma atanga kan neih khi SDO Civil ta a ni a, chhuak turin min nawr chhen mai si a. Chuvangin, kan hmun neih, khilala remchang pakhat khi duhthu a sam lo deuh hlek si a, Keifang ram ami khi min pe mai teh u. kan ti a, khitilaiah remchang tak a awm a, tunah kan sa a, khilai hmun khi FCI lam te pawh hi la dawr zel ni ta se, FCI hi an theih chuan a zau thei sang bera hmalak pawh hi kan duhpui tho a. Engpawh nisc, heng hi chu hun kal zel turah kan lo la en ang a, thil tih theih a nih chuan

khawchhak zawng zawng tan khian thil tha tak tur a ni a, rawtna pawh kha tha ka ti. (Interruption..... a sak tawh khi engtikah nge luah a nih ang ?) A sak tawh khi luah theih mai chu kan duh a, chuvangin, a rang thei ang bera tih kan lo tum ang nge.

Tin, Transport subsidy chungchang hi chu ti mai hi chuan a chhan mai theih loh ang a. Facts & Figure hi sawisual a awl a, chuvang chuan chhan mai kha kan theilo ni ta sela. Tin, hemi bill chungchang pawh hi helai zawhna nen hian a inkar hlat em mai a, helaiah hian hriat engmah tunah ka nei mai lo tih kha ka chhanna ni mai rawh se.

PU LALRINLIANA SAILO : Pu Speaker, a nih Pi Zothanmawii te ho bill/challan an nawr ni leh challan number leh a ni, motor nen, kha kha tun nilo hian a ziakin min pe thei angem le ? Khawngaih takin.

PU K. SANGTHUAMA MINISTER : Engnge i zawhna kalhmang kha ka hrethiam lo khawp mai a, an buhfai phurh tih nge ni ?

PU LALRINLIANA SAILO : Pu Speaker, ka hrihfhiah dawn em ni ? Minister zahawm tak zawhna a ni a, Pi Zothanmawii te, Pi Lalropuii te ho hianin additional-ah carrying contractor bill kha thei tak miin nuai 50 an hma bik a, cheng nuai 73 hi mi 26 in an insem a sawlamah. Tichuan, an ni hian nuai 50 an insem a, ka'n sawi duh zawk chu heng ang, Pi Zothanmawii. Pi Lalropuii ho rawn dah ni leh thla hi sawlaih seniority list-in engkim tihfel thlap a ni a, carrying ho kha. Heng mite load lak ni leh lak ni leh challan awm ni an hre miah si lova, carrying contractor-ten carrying billl an rawn la hmiah hmiah si a. chu chu a challan hi kan hre duh a ni. Lawngtlai atanga load and lak ni, a zat, motor number leh challan number khawngaih takin min hrih thei angem ? a fiah em ?

PU K. SANGTHUAMA MINISTER : Pu Speaker, tunah chuan khang kha ka hre mai theilo a, bill pe tur chuan order kan siam vek a, kum bithliah nen, tah hian bill zawng zawng a awm vek a,

nakinah ka office-ah lokal la, lo en dun ila. chiang takin kan endun dawn nia. Chu chu ka chhanna nise. ti mai chuan ka chhang zo thei mai lo a ni.

SPEAKER : Awle, a original zawhna nen khan a inhlat deuh a, in rin lohna lam hi zawng chhan a har ve bawk a nia.

Awle nichin khan sawisual ka nei a, Starred Question 221 ka ti a, 201 zawk a ni e. Tunah Starred Question 202-na zawt turin Pu H. Rohluna i sawm ang.

PU H. ROHLUNA : Pu Speaker, ka Starred Question No. 202-na, LAD Minister zahawm tak chhan atan Village Council Draft Bill hi peihfel a ni tawh em ? tih ka zawt e.

SPEAKER : Chhang turin LAD Minister zahawm tak Pu Lalrinchhana i lo sawm ang.

PU LALRINCHHANA MINISTER : Pu Speaker, a zawhna chhanna chu - Village Council Draft Bill hi peihfel a la ni lo tih a ni a, tlemin hrilhfiah deuh ila.

Village Council dan kan neih lai hi siamthat a tul a ni tiin kum 2003 lam atang khan ngaihtuahna hman a ni a. Kum 2005 atangin active zawka kalpui a ni a. Nikum lamah kha chuan peihfel a, cabinet-ah putluha peihfel mai tura kan inggaih hnuah Municipality dan a lo piang leh ta si a. Chu chuan Municipality danin urban area chhunga Village Council-te kha a rawn thiat leh dawn ta bawk si a, chu chuan kan dan lo buatsaih sa kha a rawn tibuai ta tlat mai a. Chu chu a nih avangin en that turin pekkir leh a ni a. Tunah hian Directorate-ah ngaihtuah turin dah a ni a, a siamthatna kha buatsaih chhoh mek a ni a. chu chu a kalphung a ni e.

PU H. ROHLUNA : Pu Speaker, Mizoram Village Council Draft Bill hi Minister zahawm takin a sawi ang khan Panchayati Raj leh Mizo hnam dante

enmila a tha lai lakkhawma buatsaiha peihfel tep a nih thu he department changtu Minister zahawm tak, a hmasa zawk hnen atangin Session-ah kan ngaithla fo thin a. Law Department pawhin an rel tawh tih a ni a, 2006-ah khan, nikum Budget Session-ah khan Municipality nen dan nen enmil leh deuh a nga: a, ti khan a sawi a, kan peih har lovang, kan peih tep ti tho khan a sawi a. Municipality dan a lo din tak avanga he harsatna lo thleng chhuanlam hi chhuanlam tlingah a ngaih theih em ? tih hi ka zawh belh duh a. A chhan chu kum 1 lai Municipality Council, Municipality Acts kan neih tawh hnuah pawh hian kumkhat lai a tla leh tawh a, chumi hnuah pawh peih theih a la ni ta lova. Chuvangin, kan Minister changtu hmasa zawkin, peihfel tep, Session apianga ti reng, chubakah Member-te pawhin kan ngaihpawimawh avangin Session apiangin kan sawi tam ber a ni thin a, LAD demand-ah hi chuan wawiin thlengin peihfel a la ni ta chuang lova. Chuvangin, a enkawl lo tur hian an enkawl rei lutuk ta em ni ? tihte pawh hi ngaihtuahnaah a awm thei. Tuna kan V/C dan neih lai pheih chu "The Lushai Hill District Village Council Acts, 1953" a ni a, a hming atang reng hian Museum emaw, Archive-ah emaw dah mai chi tawh ni hian ka hria a. Tunlai khawvel nunphung nen pawh hian a inmil tawh lo hrim hrim a ni. Chuvangin, kan Sorkar hian hei hi thapui thawhin ngaihtuahna hman zawk sela a thain ka hria a. Tuna kan nihphungah hian he dan hi chuan min khuap zo tawh lo a ni. Chuvangin, kan Sorkar hian chak lehzualin hma lain V/C inthlan leh hma hian he Bill hi hman theih turin a tipuitling hman a ngem ? tih ka zawh belh duh a. Heti em ema kan Sorkar hian a ngaihtah hi democracy bulthut hi a hlamchhiah lutuk deuh a ni lo maw ? tih ka zawh belh duh baw k a.

Nikum Budget Session-a Ratu bialtu zahawm tak zawhna chhannaah khan Village Council Advisory Board din a nih hian Member pathum (3) Ruling party atangin heng post atan hian a ruat ang, Vice Chairman, Treasurer leh Asstt. Secretary, tih a ni a. He Jan hi Ruling party tih kher hi engtik lai atanga kan lo hman nge ni a ? hei hi dan thalo tak niin ka hria a, a bias in ka hria a, helai hi siamthat ngai lai chu niin ka hria, Sorkarna changtu hi chuan a duh chuan a mi duh chu a dah thei a, mahse, dan a Ruling party atangin tih kher kher awm hi chu dan thalo tak niin ka hria. Chuvangin kan Sorkar hian hei hi a ennawn leh thei angem ? tih ka zawh belh baw k e.

PU H. LIANSILOVA : Pu Speaker, ka lawm e. Village Council Draft Act Bill buatsaih dan chanchin ka hria a, tin, kan ramah a bikin kan intellectual leh circle hrang hrang atangin Panchayati Raj anga kalte pawh duhna leh tul tihna a lian hle tawh tih kan hria a. Chutih rual erawh chuan, tunhma Sorkar kal tawhah pawh khan, a zir bing leh administrative reform ang deuhthe pawh zir an awm tawh a. Chutah chuan kan dinhmun ang, a special bikna leh kan mamawhna tur si a Panchayati Raj ang diak diak lo deuha kal hi kan kalphung tur ni awma sawi lei hmuhchhuah niin ka hria a. Chutih laiah chuan, hei Village Council dante a thara han buatsaih tur a nihah

hian, Panchayati Raj hrula han kal leh kan ram mil tur kan mamawh anga kal tur hianin, a Draft stage-ah chuan consultation hi zau deuh zawk, ngaihndan zau deuh zawka khawn leh hi a la tha lawm ni ?

Tichuan, kan ngaihthlak tak ang khanin kan Village Council hi a grass-root level-ah kan democratic constitution pawimawh ber a ni si a. Tin, chutihrualin kan custom-te leh kan tradition chhawmtu Lal lal laia kan inenkawlna chhawmtu a nihna chen a awm a. Chuvang chuan, Village Council-a kan inenkawlna hi a pawimawh hle mai a, zau deuh zawka ngaihndan leh duhdan inrawna consultation zau deuh a tihte hi a la inhawng thei em ? Chutianga mumal tak kan neih hnuah chuan, dan thiam hian, dan hre ho hianin Mizoram mipui duhdan leh mamawh kan han sawichhuah kha dan hianin rawn siamchhuak se a thain ka ring a. Chutiang atan chuan consultation zau zawk deuhthe hi a la awm thei lawm ni ? tih kha. an la peih lo rau rau chuanin ka'n zawt a ni e.

PU LALDUHOMA

: Pu Speaker, kan Village Council Act hi a hlui tawh zia leh a thar kan mamawh ziate chu kan pawm tlang vek a. Circular leh order chi hrang hrang department atanga an pek chhuah hian a nung a ni mai a. Session apiangin he Bill hi a lo luh kan beisei ziah a. Business Advisory Committee kan thut pawhin kan beisei ziah a, a tak tak hian a lo thleng lo ziah a. A chhan tuna kan han ngaihthlak kha municipal kan neih dawn avangin tihdanglam a ngai tih a ni a. Kha kha convincing ka ti lova, Municipal Act kan nei tawh a. Municipal Area chung a mite hman tur a ni mai a ni. Tuna Village Council Act kan nei thar tur hi chu Village Council-te hman tur a ni mai a ni. A area a inang lova, hmangtu tur mihring pawh a inang lova, chumi inkaihhnawih ang leh harsatna leh muangchanna thlentu anga sawi hi pawm har kati deuh hlek a. Engnge Sorkar hian hemi nilo, muangchan duhna chban an neih tak hi House hi min hrilh thei em tih ka zawt duh a.

Tin, chuloah chuan Village Council Election Rules pawh kha tun V/C Election hnuhnung berah khan kan hmang hman dawn ni awm takin he House hi hrilh a ni a. A hluih chuan miin ballot paper tak tak an ak chhuak a, a tak takin vote an leiin an hralh a, vote lei sual pawh a awm lova, ballot paper tak tak ahchhuah theih a nih avangin, khatiang system kha kan hman chung chuan vote lei leh hralh hi a bang dawn lova. Chuvang chuan, a system hi i thlak ang u, kanti a, kan thlak dawn e, an ti a. Hei pawh hi hman theihin a awm tawh em ? Inthlan lo awm leh turah hian system tha zawk hmang hian heng vote lei leh hralh hi theih tawh loh tur hian kan kalpui tak zet dawn em ? Sorkar a inpeih dawn em ? tih ka zawt duh bawk a.

A hnuhnung berah chuan, nichina kan ngaihthlak tak ang khan he kan Act thar neih tur hi Panchayati Raj hnuaijah a tih theih a. Sixth Schedule hnuaijah pawh hian kan duh chuan power sang zawk kan pe

thei tho mai a, a eng zawk hnuaiah hian nge kan tih ang, a engnge tha zawk ang, eng chin hi nge power kan pek ang tihte hi chu kumkhuaa kan hman tur dan kan duang dawn a nih chuan zau zawka consultation neih a tha a ni. Tu hriatpui loha department leh ini tlem tein kan ram pumpui hman tur dan an rawn duang leh ringawt thin hi ni lovin, opposition lam mite pawh confidence-ah min hnehin thu tlang law law ila, Sixth Schedule hnuaia kan kal hian a him zawk em ? Panchayati Raj kan hman hi a tha zawk em ? tihte hi concensus neiin Sorkar hian min kalpui thei lawm ni ? tha deuh law lawa duan hi chance a la awm em ? tih ka zawt duh a ni.

SPEAKER : Chhang turin Minister i lo sawm ang.

PU LALRINCHHANA MINISTER : Pu Speaker, LAD hi thla thum awrh ka la enkawl a, ka la zir hman lo khawp mai a. Tin, hun kal ta a Minister hmasain a lo chhan dan hrang hrang kan Member ten in rawn sawi pawh kha a dik tih ka hriatpui a.

Engpawh nise, a tlangpuiin he thil hi ngun zawkin ka rawn enpui ang a, tah chuanin Village Council dan hi a rang thei ang bera siamfel a nih theihna turin leh Village Council kan inthlan hunah phei chuan a Rules pawh election rules pawh hi hman theih a nih theihna turin theihtawp chhuahin hma ka rawn la ang a. Tin, Panchayati Raj kalphung pawh hemiah hian engemaw tia siamrem tlan dan a awm em tih ngaihtuahna pawh theihtawpin a tul anga inrawn zau zawkin hmalak kan rawn tum ang e. Chu chu a tlangpui thuin ka chhan dan ni mai se, a huam awmin ka hria.

SPEAKER : Starred Question 203-na zawt turin Member zahawm tak Pu Sailothanga Sailo ilo sawm ang.

PU SAILOTHANGA SAILO : Pu Speaker, Starred Question 203-na, Home Minister zahawm tak chhan atan (a) Mizoram Police IR Bn. hrang hrang Mizoram chhunga awmte huam telin kumtina an TA/DA mamawh engzat vei nge ? (b) A tlangpuiin pawisa engzat nge pek an nih thin ? (c) Vawiin thlenga Sorkarin an TA/DA bill engzatnge a la bat sak ? tih ka zawt e.

SPEAKER : Awle, chhang turin Home Department changtu Minister zahawm tak Pu Tawnluia sawm ang.

PU TAWNLUIA MINISTER : Pu Speaker, member zahawm tak Kawnpui bialtu zawhna chhanna - (a) Mizoram Police IR Bn. hrang hrang Mizoram chhunga awm huam telin kumtin an TA/DA mamawh zat chu Rs. 350 lakhs.

(b) TA/DA atana kumtina pawisa pek zat chu a tlangpuiin Rs. 199.76 lakhs a ni.
(c) Vawiin thlenga Sorkarin an TA/DA bills a la bat sak zat chu Rs. 151.65 lakhs a ni.

SPEAKER : Zawhna neitu kha han ko hmasa ila, Pu Sailothanga Sailo.

PU SAILOTHANGA SAILO : Pu Speaker, ka lawm e. Kan Police-te hi an indaih lo khawp mai a. an hah em em a, chutih lain Police-ah pawh a chi hran hran lal deuhte, hnuai deuhte leh lal lo deuhte an awm a, an inpawlh nuai a. An TA/DA thehluh thin hi an nghak rei thei khawp mai a. Kan Minister zahawm tak chhanah khan nuai 350 vel Police TA/DA atan hian mamawh nia sawi a ni a. Chutihlai chuan nuai 350 mamawh a nih lain nuai 200 vel pein nuai 50 a la bang tihna a ni a. Pu Speaker, kan Police an hah a, an indaih lo a, a thim a var thlu lovin Mizoram chhung leh pawn him theih nan tui taka kan mut lai pawhin min veng reng a ni a. Chutih lain an mamawh ngawih ngawih TA/DA kumkhat han bat sak chu thudang nise, a continuously-a nuai 60 emaw 100 emaw bat kumkhua reng mai kha a fello kati a, Sorkar hi inenfiain tun hnuah chuan Police TA/DA hi ngaipawimawh lehzuat atan ka ngenpui nise.

Pu Speaker, ka zawhbelhna tawite chu Police TA/DA bill batte hi engtikah nge Sorkar hian pektlak a tum ang tih leh Police TA/DA atan hian hei chu min chhang tawh e, pakhat kha ni mai teh se. Pu Speaker, kan Sorkar hian tuna kan zawhna leh sawite kha Police TA/DA bill bat thin ngaipawimawhin a rangthei anga pek tlak tum turin ka ngenpui a ni e, ka lawm e.

PU LALHMINGTHANGA : Pu Speaker, zawh belhna, ka zawt hnem tawh khawp mai a. term 3 vel ka zawt chho a ni a, mahse, ka zawt leh ang a, a

relevant thovin ka ring a, kan Minister pawhin min chhang theiin ka ring. Kan Police-te service condition hi improved a ngai kan tih kha, kan pawm theuh a, kan sawina reng rengah hian. Tunhnia lam chuan keimahni manual pawh kan nei lova. Assam manual 1910 ehho vel a mi kha rin chhoh zel a ni a. Chuvangin, heng hian min dang, nakinah keimahni own manual kan neih hunah chuan kan la ti tha ang tih kha a ni thin a. Chunga ka zawh fo thin kha chu, an Rifle allowance-te, Dhobi allowance leh Keep allowance-te, ration money-te hi tihpun a tul tawh a ni. A tlem lutuk a, Rs. 4, Rs. 5, Rs. 15 lek lek te a ni a. Ration money-ah pheh chuan station khat, market khata bazar tlang vek tho, price level inang khat vek, Assam Rifles-in thlatin Rs. 750/- an hmuh laiin keini hian Rs. 350/- vel chauh a ni a. Hengah hian kan thum that loh chuan anmahni tan incentives a awmlo em em a, tih kha ka'n zawt thin a.

A dltu ber, khatilaia breakthrough siamna atan Sorkarin a chhuanlam thin kha chu, Mizoram Police manual neih loh vang tih kha a ni a, tunah chuan manual kan nei ta si a, khang ho kha tihsan theih tawh a ni angem ? Tin, tuna price escalation level ang hian siamthat sak theih an ni angem ? tih ka zawt e.

PU LAL THANHAWLA : Pu Speaker, hei, MLA zahawm tak Pu Zira hian a zawt tawh thin a, chhanna mumal kan la dawng lova. A bial Tawizo-ah khian Police Outpost hawn a ni em ? Hawn nise, engzatnge an strength ? Hawn nilo ta sela, engatinge an awm reng ? Enge an hna ? Hmundangah kan indaih lo an tih lai siin engatinge an awm reng ? tih ka zawt e.

PU ZODINTLUANGA : Pu Speaker, zawhbelhna. Health Department-in Toilet Van nuai 7 vela an lei kha tunah Lungleiah sawn singkhat velin a auction a, vai thirchhe zuarin an la vak vak a, kan Police Department-in Toilet Van an lei ve teuh kha engti anga tihral ve nge an tum le ? pakhatna nise.

Pahnihna atan - Hmanni Chakma Autonomous District Council inthlanna a kan Police ten AK-47 an tihbo kha hmuh leh a ni tawh em ? tih ka zawt e.

PU LALRINLIANA SAILO : Pu Speaker, zawhbelhna. Rifle Allowance chungchang kan zawt thin a, tunah hian

Police hnuai IV Grade-te dinhmun hi buaithlak deuh mai a awm ve a. Hei indona hmunahte pawh an kal ve a, Chhatishgarh-ah te Ration hi an dawng ve tlat lo mai a, an nunna atan risk a sang ve tho mai si, tunah kan dawn danin Chhatishgarh-ah te pawh khuan inang tlang pet petin Ration money an contribute-a, an thawhkhawm a, tin, Outpost-a an kalin hmun ralti leh hmun hlauhawm tho a ni a, tin, IV Grade-te pawh hi 24 hrs. a nihna lai a awm ve tho mai a. An Ration money hi a tih ve theih em le ? An dinhmun thlir hian awm ve hlein a lang a, tih kha ka han zawt a ni.

SPEAKER : A relevant lemlo te pawh kha a tam a, chhan theih ang ang chhang turin Minister ilo sawm leh ang.

PU TAWNLUIA MINISTER : Pu Speaker, zawh belhna, TA/DA bat engtikah nge pek theih a nih ang tih hi Pu Speaker, a fiah zawk nan tawi tein ka'n sawi ang a. Hei kumin chhovah hianin pay increase a awm a, chumi avang chuan nidanga kan saving eng eng emaw kha pay-ah khan Rs. 700,055/- kha kan pay adjustment-ah khan khatiang khan nidanga khaliiaa tlem kan save theih kha a kal tak avangin kuminah hian hemi TA/DA Financial Year tawpa adjustment kan siam thin kha kan siam remchang thei ta lova. Rs. 151/- lakhs kha tunah hian la pek loh kan nei a, hei hi tun financial year kumtharah hian a rang thei ang berin kan PIQ pawhin relevant document-te nena convincingly-a presentation finance-a siam turin an buatsaih mek a, hei chu kan theih anga clear rang thei turin kan inbuatsaih a ni tih kha kan chhanna ni sela.

Tin, Rifle allowance, Ration allowance-te hi tihpun theih a ni em tih hi, keini pawhin kan study reng a, kan duh a, kan tum bawk a. Amaherawhchu, pay structure-te engemaw kha ti hian tunah hian kan kalchho a, kumin chho phei kha chu tiang khan hun kan hmang a. Kan hriat theuh angin tunah hian a tlangpuiah chuan pay pawh han tihfel a ni ta deuh duak a, la tihfel loh zualpui tlem la awmte pawh chu tunah hian committee pangngaiin a en chho mek a ni a. Hei hi chu keini pawhin kan ngaihtuah lai leh kan ngaih pawimawh em em allowance hrang hrang hi tihpun theih kan duh, kan tum lai mek a ni tih kha kan chhanna ni sela.

Tin, Grade IV chungchang kha, nia, Ration money-te nen khan a in connect deuh a. Chhatishgarh-a kan Grade IV kalte hian ration allowance hi Rs. 1134.83 an Commandant-te lak dan hi an la ve a ni. Tin, Police-ah hian Grade IV hi combatise an nih loh chuan department dang a Grade IV te nen an mawhphurhna leh kalhmang tur a kha a dang chuang lova, tunah hian kan la combatise si loh avangin Grade IV-te hian khatiang allowance dang neuh neuh

han pek ve dawn khan tlemin rokhawlhna deuh hlek kan nei a. Kum 2004 pawh khan PHQ hianin Sorkarah rawtna an siam a, tunah hian Border Outpost-ah hianin post hrang hrang kan nei a, chutah chuanin 50/60 hi Grade IV hi duty an awm ve reng a. Chungah chuan Outpost-a awm na na na hi chu ration allowance kan tih angte pawh hi pek ve a tha lawm ni tiin rawtna a awm a. Hemi hi tunah hianin approval a awm chiah loh pawhin tunah hian hei hi tlem chuanin kan duhsakna kan lan tirna duh em em a ni tih kha kan han sawi duh a ni a. Chutiang ang bawk chuanin hemi zawnah hianin Compensatory Allowance nge kan tih anga Compensatory Pay, hemi Police Inspector atanga a hnuai lam Constable tena kumkhatah thla 13 hlawh an lak ang kha anni pawh hian pek theih an ni em tih lai chu, chumi obedience an nih leh nih loh kha a principle a decide loh chuan thil thifel thiam a har viau a ni tih kha kan han sawi ni selangin.

Tin, tunah hianin kan ration money pangngai hi Rs. 350/- thlatin a ni a, keini pawhin tunlaia thil man to zelte, India ramah tunah phei chuanin chawlhkar 59 inflation hi ti hian a chho zawngin a kal tawh a ni tih kan hria a, chutih karah chuan hlawhte, allowance neuh neuh hi ennawn chu a ngai chiang hle a ni tih kha chu kan hria a, kan duhsak theuh ang khan helai pawh hi kan lo en turah ngai ta ila, a tha ang a.

Tin, Tawizo-ah Outpost a awm em ? tih kha chu, 'awmlo' tih kha a ni e, kan chhanna.

PU R. LALZIRLIANA : Pu Speaker, khalaiah khan khawngaihin, kha kha a relevant lo in ti a nih pawhin party-in officer thenkhat kan hman duh thil tisuat thei lo ang maia dan chung a len tir hi a fel lovin ka hria a. Chuvangin Tawizo-a Police engemaw zat awm rengte khi an TA/DA engzat nge bat sak an nih tih kha ka'n zawt nawn leh a ni.

PU TAWNLUIA MINISTER : Bat sak kan neih zat ka hre lo.

PU SAILOTHANGA SAILO : Pu Speaker, khawngaihin, ka zawh leh duh tak chu, kan Minister zahawm tak hian sawi chakawm tak pawh a ni theiin ka ring a. Chhatishgarh-a kan sipai huaisen thi tate luman kha engemaw a thlen chin tih hi hriat a va chakawm leh ve mawle, sawi theih ka nei si lova. Pu Speaker, sawi theih a awm em le ? tih kha ka'n hre leh duh mang e.

PU ZODINTLUANGA : Pu Speaker, ka zawhna AK-47 bo leh Toilet Van tihral kha min chhang thei angem le ?

SPEAKER : Pu Sailothanga khan zawh belhna a rawn raise-a. Pu Zodintluanga'n a lo sawi tawh kha a rawn tinawn leh a.

PU R. LALZIRLIANA : Pu Speaker, a zawh belhna lawk khawngaih, Khatia bat sak an awm Tawizo ami a hriat loh chuan mimal hnathawka TA/DA pek hi Sorkarin an bat em ni ? tih kha ka zawt leh e.

PU LALRINLIANA SAILO : Pu Speaker, khawngaih takin a theih em ? Engatinge Session apiang maia Tawizo-a Police awm chungchang hi sawilan a nih ziah a, kan Police Officer-te hi kan chhuan tehluul nen. Hetiang ang dan bawhchhia hi sawi nawn a ngaih fo mai le ? Vawiinah hian sawifel teh ang u.

SPEAKER : A chhan theih ang anga chhang turin Minister i sawm leh ang.

**PU TAWNLUIA
MINITER** : Pu Speaker, AK-47 bo kha kan chhui mek a, a tibotu pawh hi suspend a niin khatiang khan tunah hian chhui lai mek a ni tih kha ka'n chhanna a ni a. Toilet Van pawh kha Sorkarin tihdan tur GAD lam atanga instruction kan hmuh angin kha kha chu enzui turah ngai ta ila, a tha ang a. Tin, hemi Chhatishgarh-a kan Sipai huaisen boral tate, a bik takin ral kuta thite, mi sawm chhawmdawlina tur kha Central atangin cheng nuai 10, Chhatishgarh atangin cheng nuai 5 leh Mizoram Sorkar atangin cheng nuai 3 tih leh heta Mizoram Police atanga Life Insurance-a an dah cheng nuai 2, khami kha a engamah kha tunah chuan la pek tak a la ni lova. Formality a tam em em a, kan DGP pakhat hi tunah hian hemi buaipui hian Chhatishgarh-ah te, Delhi-ah te, kan thang tir mek a, chutiang ang chuan a rang thei ang bera pek kan tum a. Mizoram Sorkar ami pawh

hi tunah hian pawisa kumtharah hi chuan Rehabilitation Department RR atangin Finance-ah hianin an lo dil rang dawn a. Chutiang ang chuan hma kan lo la mek e.

SPEAKER : 204-na, zawt turin Pu Andrew Lalherliana i sawm ang.

PU ANDREW LALHERLIANA : Pu Speaker, ka lawm e. Starred Question No. 204-na, kan Minister zahawm tak Taxation Department changtu chhan atan, NBCC te leh World Bank hnuai Contractor-te hian VAT Registration an nei em ? tih hi ka zawt e.

SPEAKER : Chhang turin Taxation Department changtu Minister zahawm tak Pu B. Lalthlengliana sawm ang.

**PU B. LALTHLENGLIANA
MINISTER** : Pu Speaker, Khawzawl bialtu MLA zahawm tak Pu Andrew Lalherliana zawhna chhanna chu hei hi a ni. Nei e, NBCC te leh World Bank hnathawk contractor-te hian Mizoram Value Added Tax Act, 2005 hnuai Registration an nei a, NBCC hnuai hian mi 52 in an nei a, World Bank hnuai hian 5 in an nei a, an vaiin mi 57 an ni a. Pu Speaker, NBCC hnuai ami 52 te chu 1-naah chuaninterruption.....

SPEAKER : A pawm theih chuan a awlsam zawk, hun a hek lo zawk, hun a hek lo zawng ange. Pu Andrew-a zawh belhna maw ?

PU ANDREW LALHERLIANA : Pu Speaker, ka lawm e. Kha an lo in register reng mai a ni a, a lawmawm hle mai a. Hei list of contractors who are not registered under VAT Act tihah hian, 2005 - 2007 khan list ka hmu dul mai a, hemi hi a nia nakinah pawh kan Minister zahawm tak ka pe thei tho ang a.

Mahse, hemi aia pawimawh zawk chu 2007 -- 2008 inkarah hian a tam mai a, thahnemngai ten i zu chhui chhuak thei lawm mi an ti a, Taxation Office-ah ka zu kal a, khatah khan Officer ten min la pe thei rih lova. Amaherawhchu, hetiang contract hnathawkte leh supplier-te tam tak hi VAT registration nei hmasa si lova contract pek ngawt mai department atang hian a tam a ni tih kha a chiang em em a ni. Chulaiah chuan ka zawhbelh duhna chu hetiang hi a ni a. Hei a bik takin vai supplier-te suitcase keng, lokalte hian department atang hian hming lem Mizo hmingin supply contract-te an hmu thin a ni. An han hmuh zawh hian an hmuh hnuah khan supply contract an hmuhte hmang khar a letling zawngin VAT registration kha an zu dil thin a ni. Tahchuan, an hnu thin a, amaherawhchu, hming lem Mizo emaw hming dang daihte a nih avang khan, khata running bill an han hmuh atang khan tlema zawng chauh VAT an pe a ni. Tahchuan, final bill an lak hian an tlanbo leh daih thin a, chuvang chuan, Mizoram Sorkar hian vai chhiah pek tur tam tak kan hmuh tur kan hmu thin lova. A chhan chu, Registration la hmasa lo leh nei hmasa lova contract pek a awm thin vang a ni a. Hemi hi a check theih lawm ni ? Tin, hming lem Mizo hmingte hauh a, hetiang hmu thinte, heng hi a pawl em em a ni. VAT registration dik tak nei, Mizoram sumdawnge hian an hna, an mahni ina an deserve zawk an chan phah zawk thin avangin Department hrang hrang hetiang pe thinte hi a check dan mechanism tha deuh a awm thei lo maw ? tih kha ka zawhna a ni a. Tin, a thei falte phei chuan vai contract-te hetiang vai supplier-te hian khatiang khan hna an hmuh zawhah hian Registration an dil a, an dil pah hian chumi atan chuan, Inner Line permit kum 2 valid neite hi an hmu thei tlat a nih chu. Chuvang chuan, kan Mizoram invenhimna, kan Dan pawimawh tak Inner Line Regulation System-te pawh hi an tidal zo anga, hetiang an ti a nih chuan a tawpah hian Central khuan min la cancel sak ang tih pawh a hlauhawm a ni. Chuvang chuan, hetiang misuse hi a awm theih lohna turin chhiah pek dan kawng hung changah VAT Registration-te hi fel takin Department hrang hrangah te hian Registration fel tak Mizoram bonafide residence-te chauhina hmuh theihna tur zawng hian a siam theih lawm ni ? tih kha kan zawt tel duh a ni e. Ka lawm e.

SPEAKER : Pu Saikapthianga a phar hmasa deuhhle k a.

PU SAIKAPTHIANGA : Pu Speaker, zawhbelhna. Kan MLA zahawm tak Saitual bialtuin a rawn zawh belhna kha zawhbelh leh deuh ka duh a. Khawzawl a ni zawk e. Hnamdang contractor tena Mizo hming an hauh hi hun rei tak atang khan Sorkar ang pawhin kan problem niin a lang a, kan thianten an zawt thui deuh thin baw k a, ka'n zawt thui ve deuh ang a. A hminga Minister kan nih ve lai khan, Chambers of Commerce hotute nen kan inkawm a, hnamdang supply in pe fo mai a, min ti a. Ka hriat ve chinah chuan hnamdang hi pakhatmah ka pe lova, kati a. An han sawi a, kan han en a, Mizo hming kha an lo hauh vek mai a. Hei hi Chambers of Commerce tena in hma ve tur a ni dawn lawm ni ? kati a. An

hma zel dawn kha chuan ka hre ta chuang lova. Tuna ka hmaa Member zahawm takin arawn sawi tel Mizo hming an hming a, advance-te an la a, an tlanbo leh daih a tih ang chi leh thildang dang harsatna a awm loh nan hnamdang supplier emaw contractor an ni emaw Mizo hming an hauh hi power of attorney fel tak neiin an hawh nge ? anmahni inkara inbiakremna hian an inhawh mai thin tih kha zawhna pakhat nise. Pahnihna atan chuan, hnamdang sumdawng mi supplier emaw, contractor emawina Mizo hming an hawh hrim hrim hi danin a phal a nih pawhin power of attorney fel tak nei hian an hming thei lawm ni ? Chutiang nei lo chu eng Department mah hian hna hi an pelo thei mai lawm ni ? tih ka'n zawt belh a ni.

PU LALHMINGTHANGA : Pu Speaker, VAT avoid thintute kha avoid theih loha siamna tur atan hian kan Sorkar hian a hna neitu Department hrang hrang P.W.D. a ni emaw, P.H.E. a ni emaw, Electric Department a ni emaw, engpawh nise. tender an chhan dawn khan condition pakhat hian VAT registration certificate an produce tur a ni tih kha an insist/phut tawh em ? Tin, la phut loh a nih chuan chu chu phut tumna Sorkarin a nei em ? tih kha ka'n zawh duh lai chu a ni mai e.

SPEAKER : Chhang turin Minister i lo sawm ang.

**PU B. LALTHLEGLIANA
MINISTER** : Pu Speaker, a zawhna neitu rawn zawhna kha hming list a tih kha, Non-Mizo a nih ka ring a, hming list tam deuh ka hmu i tih kha. Kha kha chu tuna kan kawl bak hi kei chuan ka hre hauh lo mai a. Khatiing hming list tam takte an lo awm a nih phei chuanin, min rawn pe sela, kan VAT registration-a in register lo a nih phei chuanin keini tan hnathawh awlsam tak a nih ka ring a. Khatiing hming list tam tak a awm a nih chuanin min han pe se a lawmawm khawp ang.

Chuan, an zawhna kha a inang deuh tlangpui a. BINAMI hi kan buaipui deuh ber chu a ni. Hei hi Kawrthah bialtu zahawm takin arawn sawi ang khan, Opposition MLA kan nih ve lai khan kan buaipui, heng hi zawnchhuah a tha lawm ni ? tih kha a ni a. Amaherawhchu, eng Sorkarah pawh a harsa tlang a ni maithei a, keini Taxation Department bik tan phei chuan kha kha kan purview a va nih chiah loh avangin harsatna chen a awm a.

Amaherawhchu, helaiah hian kan sawi duh chu, Mizote hi Mizo kan nihna leh Kristian kan nihnaah hian rinawm tlang ila chuan, heng zawng zawng, vawiina kan buaipui hi thil buaipui ngai lova awm thei tur niin ka hmu a. Khatianga check-tute pawhin an han check dawn a, vai nitin zing atanga tlai thelmg thu hote pawh check dawn niah hi chuan Mizo nu emaw pa emaw an lo thu leh fai vek si a, document han en ila. Mizo vek kha a lo ni leh si a. Khalai thil kha Kawthah bialtuin hnamdang hoin an hman dawn a, power of attorney a nei em tih lai kha, tih theih chu ni sela chuan a him phian mai awm mange kati a. Chuti a nih loh chuan. helai hi a harsa khawp mai a, keini Taxation indaih lo tak atang chuan a harsa a.

Tin, vai, supplier tih chungchang hi nia, tuna Lunglei South bialtu zahawm takin a rawn sawi ang khan, a petuten an lo pek miao si kha chuanin keini Taxation Department atang kha chuanin.....

PU LALHMINGTHANGA : Kan Minister zahawm tak khanin "Nia, a petutena an lo pek miao si kha chuanin" a tih lai tak kha a awm ta a. Hetah Tax Department atang zawk khan, Department concern theuhah khan coordination tha zawk siamin 'hetia tih nise' tia thutlukna Sorkar level atanga siam khan a fel thei mai turah ngai ta ila, chuti a nih loh chuanin khami certificate nei silo khan an dil a, an avoid leh mai thin kha a ni ta a. A Department-te ni ta sengin, a Tax Department-in khami VAT insist-na kha a awm si loh kha chuanin khami phut lemlo khan an le pe leh mai thin kha niin a lang ta a. A solution tur ber laia kha 'a titu kan ni lo' tih lai hi Sorkar anga pumkhata thil tiza tlang nih chu a ngai a ni lawm ni?

PU B. LALTHLENGLIANA : Pu Speaker, kan chhang ang e. Registration atang ringawt kha chuanin Pu Speaker, check a har mai thei a, keini Department-in kan duh dan tak chuan supply emaw contract emaw VAT hnuai in register lote hna pek dawn a nih chuan VAT clearance certificate nei phawt sela.

PU LALHMINGTHANGA : Chu chu ania, ka sawi kha, amaherawhchu, initiative kha a tax kha department khan lak hmasak ni ta se, Department-ah khan.

PU B. LALTHLENGLIANA : Pu Speaker, khalai kha kan chhang ang e. Hei hi chu kan department hian kan tih tur, kan hnaah ka ngai a. Amaherawhchu, khalai kha a work erawh chu ka hrelo a. Kan lo ti lo a nih pheih kha chuan kha kha chu kan tih ngei ngei turah ngai ila, a thain ka ring a.

Tin, Non-Tribal registration pek chungchang hi zawhna zawttu khanin tawi te chu a rawn sawiin ka hria a. Heng Non-Tribal-te hian VAT dan hnuaiiah registration an neihna tur chuan Sorkarin section 85 hnuaiiah thuneihna a nei angin condition a siam a, chumi condition ang chuan tu pawhin Mizorama a lo luhin Bengal Eastern Frontier Regulation 1873 hnuaiia pek Inner Line Permit neih ngai a nih chuan, ILP sumdawinna atan bik a nei tur a ni tih a ni. Sumdawinna atana ILP kum 2 chung neite chu kan lo register mai a, kum 2 validity a neih chuan. Mahse, ILP kum 2 validity a neih kha a tawp a, ILP petuten an extend theih loh chuan, keini hnuaiia registration kha automatic-in kan lo thaibo ve leh mai a. Kha kha kan kal dan tlangpui a ni. A pawng a puiin keinin kan lo pe mai lo a, kan dana awm angin, ILP kum 2 chung validity neite erawh chu an rawn dil a, hna an neih chuan kan pe mai a ni. Tikhan a tlangpui chu a chhang thei mai em ?

PU ANDREW LALHERLIANA : Pu Speaker, kan zawh belh leh phawt teh ang. Ka zawhna lai tak, Supplier-te an zalen em em hi a nihna takah chuan khap theih a ni. Taxation atang pawhin danah section 85-naah khan chiang takin Lunglei South bialtu zahawm takin a sawi ang khan, Tax Clearance Certificate an nei ngei ngei tur a ni. Mahse, khang laiah khan kan soft lui tlat a, vai contractor-te nen hian hnungthak inhih tawmin, Mizoram sum kan ineitawm a ni. Tah chuan, helai dan hi kan hmang tha duh lo tlat mai leh kan khauh duh tlat lo hi kan problem a ni tlat a ni. Strict zawkin tunah hian hma a lak theih lawm ni tih ka zawt duh a ni. A ne ne ral dawn tlat.

PU B. LALTHLENGLIANA : Pu Speaker, kan ne ne a ni lova, clearance phut ni sela heng hi chu a reh vek mai ang kan han ti a, mahse, department lamin khalai kha kan lokal chak pui tawk lo leh department dangin min coordinate tawk lo a nih chuan kha kha chu chak lehzuah zawkin kan lo kalpui ang a. A chhan chu, keini chuan dan en rengin dan hnuaiiah hei hi kan ti a, dan bawhchhiatna kan nei lo a, chutih laia tax avoid zawnga tal tum mi engemaw zat chu Mizo zingah pawh an awm ve tho a, chutiang chu a

nih avangin a zavai hian felfai tak chuan thawktute kan indaih tawh loh avangin kan la ti thei rih lo a ni a. VAT clearance certificate neite chauh supply hna pe tura kan tih kha department dang a pe theitu ten an lo zawm tawh lo a nih chuan chak leh zual zawkin kan lo en dawn nia.

SPEAKER : Pakhat hi la leh hram ang aw, Siarred Question No. 205-na zawt turin Member zahawm tak Pu Liansuama ka sawm e.

PU LIANSUAMA : Pu Speaker, zawhna 205-na (a) Engtikah nge Mizoram Municipal Act siamthar kha hman theih a nih ang ? (b) Aizawl Municipal Council nei tur hian ward-te thenfel a ni tawh em ?

PU AICHHINGA MINISTER : Pu Speaker, Phuldungsei bialtu zahawm tak Pu Suama zawhna chhanna chu (a) Mizoram Municipality Act. 2007 hi Mizoram Governor-in ni 16.4.2007 khan assent a pe a, amaherawhchu, he Act hi hman theiha siam turin rule engemaw zat siam a ngai a, chumi tello chuan hemi Act hi chu hman theih mai a nilo. Rule pawimawh zual chu tun Assembly-ah hian Member ten kan ngaihtuah tura rawn putluh mek a ni. (b) Ward thenfel a la ni lova, thenfel tura hmalak mek a ni. Khami chungchang thu kha waviinah pawh hian House dawhkanah kan rawn dah dawn a ni.

PU LIANSUAMA : Pu Speaker, tunkum chhung hianin Aizawl leh Lunglei Municipal Council emaw. Board pawh ni sela. kan inthlang hman engem ? Chung dante chu peihfelin tun calendar year chhung hian inthlan hman kan inbeisei em ?

PU AICHHINGA MINISTER : Pu Speaker, Member zanawm takin a rawn zawhbelhna kha, Urban Development ka lakna hi a la rei lova, in hriat angin thla hnih emaw thlathum chauh a ni a. Chumi

chhung chuan theihtawpin kan inbuatsaih a, dante pawh hi kan han buatsaih a, tunah Assembly-in min pass sak a. House-a dah tur ang angte kan dahfel hnuah hian tih tur kan la nei fova, kan hriat theih angin State Election Commission-te Finance Commission-te hi a awm loh chuan Municipal Council emaw Municipal Board kha a tih ngawt theih lova, chungte chu tunah hian kan ti leh dawn a, siam tur kan la nei zel mai a. chuyang chuan, kan hman angem ka hre lova, tum chu kan tum ve khawp e, tih kha ka chhanna ni mai se.

LAYING OF PAPERS

SPEAKER : Zawnha leh chhanna kan zo va, List of Business-ah kan kal ang a, chumi hmair, vawiin kan thutkhawmnaah hianin kan House Leader, Chief Minister zahawm tak Pu Zoramthanga chu Delhi-ah Sorkar thilpawimawh tia kal a ngaih avangin leave a rawn dil a. Tin, ka awm loh chhunga ka ai lo awh turin Pu Tawnluia nise ka ti a, tiin ziakin a rawn thlen a. Kan remti mai lawm ni ?

Tin, Minister zahawm tak Pu H. Vanlalauva a khawsik awmna avangin a lokal thei lo bawk a, ziakin leave a rawn dil a, kan remtihsak thei mai lawm ni ? A lawmawm e. Tunah chuan laying of papers a ni a, Minister zahawm tak Pu Aichhinga "The Mizoram Municipalities Delimitation of Works Rules, 2008" House dawhkanah lay turin ilo sawm ang.

PU AICHHINGA MINISTER : Pu Speaker, i phalna leh House remtihnain "The Mizoram Municipalities Delimitation Work Rules, 2008" hi he House dawhkanah ka rawn lay e.

SPEAKER : A copy han sem ni sela a tha ang e. Tunah Minister zahawm tak Pu Tawnluia, A copy of correction of reply to Starred Question No. 29 asked by Pu Lalrinliana Sailo on 17.3.2008 House dawhkanah lay turin i lo sawm ang.

**PU TAWNLUIA
MINISTER** : Pu Speaker, i remtihna leh House remtihna correction of reply to Starred Question No. 29 asked by Pu Lalrinliana Sailo on 17.3.2008 copy House dawhkanah ka lay e.

SPEAKER : A copy kha han sent nisela a tha ang e. Chuan, Dr. Lalzama, Minister zahawm tak "The Mizoram Excise, Narcotic Wine Rules, 2008" House-ah lay turin i lo sawm ang.

**Dr. LALZAMA
MINISTER** : Pu Speaker, i Remtihna leh House phalnain "The Mizoram Excise and Narcotic Wine Rules, 2008" chu House dawhkanah hian karawn lay e.

SPEAKER : A copy kha han sem nisela. Pu H. Liansailova, Chairman zahawm tak Subject Committee-IV "A copy of Statement of Acts action taken against by Subject-IV further recommendation relating to Trade and Commerce Department, House dawhkanah laid turin i sawm ang.

PU H. LIANSILOVA : Pu Speaker, i remtihna leh House zahawm takah hian Subject-IV Committee, 2nd report further recommendation-a Sorkarin action a lak dan statement ka rawn present e, ka lawm e.

SPEAKER : A lawmawm e. A copy kha han sem ni sela. Business kan khawih tawh thung ang a. Vawinah kan hriat theuh angin Bill pahnih, Amendment pakhat leh original Bill pakhat kan nei leh a. Tuna Minister zahawm tak Pu Aichhinga, Aizawl Development Authority (Amendment) Bill, 2008" House-a a introduced tawh kha House ngaihtuah phalna han dil sela a tha ang e.

LEGISLATIVE BUSINESS

PU AICHHINGA MINISTER : Pu Speaker, kan Aizawl Development Authority Act, 2005, number nine of 2005 (No. 9 of 2009) Amendment Bill ka rawn putluh hi he House-in min ngaihtuah sak turin ka rawn dil e.

SPEAKER : Minister zahawm takin a Bill ngaihtuah a rawn dil a, kan remti em ? kan remti a, tunah a Bill chu rawn move nghal sela a tha a nge.

PU AICHHINGA MINISTER : Pu Speaker, kan Bill hi kan ngaihtuah mai chuan thil harsa lo tak turah ka ngai a, kan sawifiah ang a. Kan Member-te pawhin in hriatthiam mai ka ring a. Hemi statement of object and reason-ah khan chiang takin a inziak a, kan Aizawl Development Authority Acts, 2005 kan pass lai khan tuna kan Urban Development hi a la piang lova, a la function loh avangin ADA-ah hian member ni ve turin a tu a mah kha Urban Development tuna ADA kengtu Department nisi kha member-ah khan pakhatmah an lang ve lova, chuvangin tuna a pian tak hnu hian an tel ve hi tul riaua hriatna a awm ta a. Chumi chu kan Director-te, kan Secretary-te hi member-ah lut ve ta se, tih rawtna mai a ni a, thil har lo te turah kan ngai a.

Tin, chumi piah lamah chuan, helaiah amendment, section - I ah khan lo lang leh chu, NGO te kha an tel vena niawm tak lang kha a awm a, kan dan dingliah member-ah kha kha kha an tel lova, chulaiah chuan official thenkhat kha an lo lang a, chung official thenkhat lo langte chu allowance hmu turin meeting nikhuaa allowance hmu thei turin an lo siam lehngal a, chung lai chu thlakthleng zawkin YMA emaw kan NGO ho khan hemi allowance hi hmu thei zawk se tih lai kha a rawn sawi chiang ni maiin a lang a. Chulai te chu amend ngai lai chu ni maiin a lang a. Tin, kan tarlan tawh ang khan member thenkhat helaiah lang tur awm tak, lang silo kha rawn khung tel an ni hlawm a. Chung chu vawinah hian kan Danah hian khung ni tase, tiin kan rawn propose a ni mai a, zuk chhiar khan a chiang vek maiin ka hria a. Chuvang chuan pawm har lo turah kan ngai a. He kan House zahawm tak hian min pawm sak turin ka'n move a ni.

SPEAKER : Tikhan, a rawn move ta a, a langa tawi ringawt pawh hi sawi tur a tam chuang lo tihna a ni lova, sei deuh pawh hi a chang chuan sawi tur a tam lo thei a. Engpawh ni sela, kan sawiho ang a, engtiangin nge kan sawiho ang, a sawitu bik deuh kan insiam ang nge ? tikhan, nidanga kan tihdan pangngaiin Member tinten minute 10, kan ti dawn nge ? vawiin chu minute 5 kan ti dawn nge ? engtingge tha ber ang ?

PU ANDREW LALHERLIANA : Pu Speaker, hemi amendment chungchangah hi chuan minute 5 ti ila, cha pawh chu kan sawi vek duh kher lo maithei a, a dawtah hian erawh chuan a pangngai pawhin a kalpui theih tawh mahna. A sawi duh tan minute 5 velah ti ila a tawh mai lo maw ?

SPEAKER : Kha, rawtna fum'fe a awm a, tha kan ti tlang mai em ?

PU H. RAMMAWI MINISTER : Pu Speaker, a hmasa pawh khan kan Opposition Leader zahawm tak pawh khan rawtna kha a siam a, Bill tih dan turte pawh he House hian convention tha deuh deuh hi kan nei a, Budget pharh nia kan han bang mai zelte hi state dang pawh hian min entawn chhoh zel hi ka ring a. Tun tumah pawh hian kan han tichhin a, vai sawi loh deuh khan kan ti a, helamah chuti zat, lehlamah chuti zat, ti ang deuhthe khan kan kal a. Khang kha zir chho ila a tha viauin ka ring a. Amendment Bill bakah hian hemi amend bill-ah pawh hian a sawitu insiam mah ila, keini lamah 4 emaw 5 emaw insiam mai ila, lehlamah chutiang chuan zir chho ila, tha kan ti khawp mai. Pu Speaker nang pawh i rilru ni chuan ka'n ring deuh hlek a.

PU LALHMINGTHANGA : Pu Speaker, ka'n sawi ve leh teh ang. Khalai kha kan Parliamentary Minister-in a rawn sawi kha, GPC-ah pawh khan helai proportional representation hi kan sawi a, mahse, a object-tu ka ni a, hei khatah khan. A chhan chu kan Legislature Party strench-te a inang lo a, entirnan, pahnih chauh awmte tan chuanin 50% kan ni mai a, pakhatin a sawi khan, chang bik ang khan kan lang a.

Chuvang chuanin Members 40 chauh kan ni a, minute 5 den dena kan tih kha chuanin tupawh hian a duh apiangin a sawi theih ni mai se.

Amaherawhchu, kan sawi kim leh chuang lova, kha kha kan convention chu a ni zawk a, tuna kan Parliamentary Minister-in a rawn kha chu kan ti dawn a nih pawhin convention ni hauh lovah khan, engnge ni kan kal dan thar emaw kha a ni tawh zawkin a lang a. Chuvang chuanin keini Legislature Party tenau deuh te tan chuanin 100% a kan sawi theih kha kan duh riau mai a. Amaherawhchu, pahnih chauh kan ni a, chutiang chuan ZNP te pawh 100% kha pahnih chauh a ni ang a, helai hi chu zalen deuh khanin kalpui leh mai langin, kan convention rei tawh tak kha khatiang kha he House-ah chuan a ni.

Parliament-ah te chuanin Member 500 chuang an ni a, chuvang chuanin proportional representation vela khatia action siam kha a ngai hrim hrim a. Amaherawhchu, keini Member 40 chauh awmnaah hi chuan Minister ho kha 12 an han paih leh phei chuanin 28 vel hi khatianga englo kha chu kan ni mai a. Chuvang chuan, kan tihdan pangngai kha a tha lawm ni ? tih kha ka'n rawt a nih chu.

SPEAKER : Ni e, Budget General Discussion leh Demand Grant han sawite chuan, mahni bial han sawi luh tal kha a tul thin a. Bill-ah hi chuan a tul vak lo laite pawh a awm tho a.

Amaherawhchu, senior Member-in minute 5 den den i sawi ang, tia Pu Andrew rawtna kha a trawn thlawp a, a sawi pawh kan sawi keim kher duh nang mawle.

Vawiin atan chuan hemi Amendment bikah chuan minute 5 den den nei turin inggai ang aw. Tunge han sawi tan ang ? Pu Andrew Lalherliana, minute 4-naah warning bell ni sela, minute 1 a dawtah conclude hram tum ila.

PU ANDREW LALHERLIANA : Pu Speaker, ka sawi rei lovang a. Hei ka'n sawi duh chu Aizawl Development Authority hi a nihna takah chuanin kan Urban Local Body kan siam tur, Municipal Body duplicate mai hi a ni a, a nihna takah chuan amendment rawt laite hi han sawisel vak tur phei chu a awm lem lo. Amaherawhchu, hemi ADA hi chak takin kan kalpui a, chutih laiin Municipality lamgpang hi kan theihngihilhin kan muangchang riau mai a. A lan dan tak chuan he Sorkar hnuaiah hi chuan Municipality Body hi kan inthlang hman dawn lo niin a lang a ni. Chuvang chuan kan ngaihpawimawh danah hian he Sorkarin mipui aiawh Sorkar, khawpui Sorkar hi a ngaihpawimawh lovin ka hria a, pawl kati a ni.

Tin, muangchang taka Municipality a rawn kalpui dante leh he Aizawl Development Authority a amendment ang hi chu rang taka kalpui a ni leh bawk si a. Hei, tun lawka Municipality chungchang thu Delimitation kan tihah te pawh hian dik tak chuan ngaihtuahna fumfe kan hmang lo a ni tih tilang chiang em em tu chu Urban Local Body inthlanna tur, Delimitation siam tur khan District Magistrate-in draft kha a rawn siam ang a, chumi chu Govt. approved mai turin tih a ni. Delimitation Committee emaw, Delimitation Commission emaw hi puithu taka siam a Urban Local Body hi tihtakzeta kalpui a ngaih lai hian a lehlam pangah hian kan ngai ho lutukin ka hria a. Chuvangin vawiinah hian he Sorkar kalphungah hian engatinge maw he Sorkar hnathawkte ringawt awmkhawmna tur Aizawl Development Authority hi kan dah pawimawh a, mipui aiawh zawk roelna lampang hi kan ngaihpawimawh loh aw? tih hi ka sawichhuak duh tlat a ni. Khami a nih avang khan, hawh u, kei ka ngaihdan chuan Aizawl Development Authority hi zawi zawiin i ral tir ang u, ral sela, chuti chuan, a dik tak mipui aiawh Urban Local Body Municipality hi i siam vat mai teh ang u, kati a ni.

Tunhnaiah pawh khan Jawahar Lal Nehru Urban Renewal Programme hnuaia pawisa kha Tripertite Agreement sign phawt a, lakchhuah tur a ni a, state Sorkar aiawh leh central Sorkar aiawh leh Urban Local Body-te pathumin an sign tur kha, a sign-tu tur he Municipality hi siam si lo hian he Aizawl Development Authority aiawh hi kan sign tir mai niin a lang tlat a ni. Hei vang hian, kei chu ka hmuh dan chuan, hetia kan tih hi symbolic taka ka hmuh danah chuan engatinge mipui aiawh ngaihpawimawh lova, Sorkar Officer-te leh khatiang ho Department Head lakkhawmte nena roel hi nuam kan tih em em mai chu aw? kati a ni. Khami a nih avang khan he bill hi a principle-in representative Government kalh a ni tlat mai a, kei chu a princi-ple-in Aizawl Development Authority Bill hi chu pass ka chak lova, ka tui lo tlat mai a ni. Chuvang chuan vawiinni pawh hian hei hi ka sawichhuah duhna chhan a ni. Minute 5 bak ka kal lovang ka tih kha. Chuvangin khawngaih takin, hawh u, Aizawl Development Authority hi chu zawi zawia a ral dan ngaihtuah ila, vawiinah Amendment kan tih pawn pass ila, amaherawhchu, rang takin Municipal Body (Municipal Council) hi siam vat ila, din ila, chutah mipui aiawh chuan Aizawl khawpui hi enkawl rawh se, chumi enkawl zarah chuan ADA hi zawi zawiin a ral dan tur ngaihtuah zawk ila, tichuan, Mizoram mipui hian democracy kalphungah hian hma kan sawn zawk ang tih ka ring tlat a, khalai te kha ka sawi duh a. Pu Speaker, hun min pek avangin ka lawm e.

PU LALDUHOMA

: Pu Speaker, kan ramin a mamawh tak zawk, a ngaihtuaktu pawl pawh committee hial dina an lo aupui thin chu khawpui chung inawpna thar neih hi a ni a. India constitution amendment thar pawh khan a

ngaihpawimawh leh a tinzawn ber pawh a ni a. Chuvang chuan, kan Legislature party atang hian Municipal Bill kan pulut tawh a, kan Sorkar hian a duh lova, min hnawl

sak a ni. Dik chiah chuan tuna kan Sorkar hi chuan khawpui chhung democracy dungzuia inawpna rebawl hi a duh miah lova, an duh loh zia pawh prove theihin he House chhungah hian an tilang tawh a ni. Chutia min hnawh sak hnuah chuan JNNURM Scheme a lokal a, pawisa a tam si a, chu pawisa chu an it si a, Municipal a awm loh chuan an hmang thei dawn si lova, ram hmangaih vang ni lovin, pawisa it vangin Municipal Bill kha hreh takin an paih hnu kha an pulut leh a. Keini chuan lawm takin kan thlawp a, kan pass-pui leh mai a ni. Chumi hnuah pawh chuan chu Urban Local Body lo piang tur chu a nihna ang taka Parliament leh constitution-in a tum anga kalpui duh lovin, democratic principle palzutin official-tenen chauha sum kha chalai an duh avangin Aizawl Development Authority lamah an kal ta zawk a, chulamah chuan an chak em em a, hma an la zung zung a, Municipal lamah chuan an muang em em a, wawiini thlengin a Rules tlem te tein an rawn phawrh zeuh zeuh a, kan hman hun tur pawh an la sawi theilo. Chuvang chuan, kan Sorkar hian a hreh ngawih ngawih a, tuna amendment pawh hian a tum tak chu, Municipal lama official-te kha Municipal an nih anga hman tangkai lohva Aizawl Development Authority member an nihna ang zawnga elected body tel lova, kalpui chiah hi he Amendment Bill hian a tum a ni.

Chuvang chuan, he Amendment Bill hian a tum tak zawk chu, a phena thil awm hi a ni a, chu chu thil thalo tak a ni. Thil phurawm loh tak a ni, keini tan hian. A nihna angin kan duh a nih chuan Municipal Body hi din thuai thuai ila, kalpui thuai thuai ila, function thuai thuai se a ni ringawt. Aizawl Development Authority hi a vaiin repeal tawp ila, a ni ringawt mai a ni. Ram kan hmangaih a nih takzet chuan, kan khawpui hi enkawl kan chak tazet a nih chuan, chu chu harsatna kan tawh loh dan tur a ni, fund kan dawn that theihna tur pawh a ni. Chuti ni lova, a hminga helaia a Act siam ringawt a, hman hleih theih lova delay delay leh si a, a aia hman an tum tlat, mipui thlan lal miah lo tena sum an chalai dan tur ngaihtuahna tluang tak mai he Sorkarah a kal char char mai a, wawiin ni kan thleng hi kei chu pawl kati takzet a, a zahthlak pawh kati.

Tichuan, Department thar Urban Development Department-a hotute pawh kha lawm takin ADA ah hian he Amendment hian a senglut ang a, Urban Development-a an nihna ang kha chu an thuneihna exercise hlei thei si lovin, ADA lamah thu nei takin an siam ang a, ADA zawk hian Aizawl hi a enkawl dawn a ni. He Urban Local Body hi chu a function tak tak dawn lo, an tum chhungin an function tir miah lovang. Chuvangin, hetiang a intih intih hi a tha kati lova, mahse, kalpui luh an tum tlat si chuan. ADA zawk hi an duh ngawih ngawih a, Municipal hi a taka function tir an tum lo tlat a nih si chuan, Urban Local Body-a a official-te ADA-a an va awm ve theihna tur kawng lo awm hi chu a tul kati tho mai. An tilui tlat a nih si chuan he ADA hi an ni tel lova a kal a nih chuan an tela a kal khan a tak taka thawktu tur zawk an nih avangin a tul kati a. Experience tha an lo neihna turte pawh a ni ang a, ka zuk object tlur lova, mahse, a idea, a principle hi anti-democratic proposal a ni a, grass root level planning leh democracy palzut zawng leh corruption pawh a awl zawk daihna tur zawng ngat ngata Sorkar a kal hi pawl kati a. kan pass-pui a nih pawhin, rilru na tak chhungin kan pass-pui ang. Ka lawm e.

PU R. KHAWPUITHANGA : Pu Speaker, he Bill hi kan hmuh angin Aizawl Development Authority-a a famkim lohna lai tihfamkimna tur a ni a, kan hmuh angin Secretary leh Director-te Member an nih theihna turte leh sum an khawihnaah tha zawka account an kawh dan tur rawtna an siamte hi hmasawna tur tha tak a ni a. Aizawl Development Authority hi a siamtu kan ni a. 13.12.2006-ah din a ni a, House-in a din a ni, hmalak chhoh zel a ni a, thil thui tak siam a ni tawh a. Municipality-te pawh lo la kal sela, chung hun atan pawha tangkai tur tam tak hma an lo la a ni. Building Regulation-te pawh hman mai theih turin an buatsaih tawh a, Aizawl Master Plan-te pawh hi India Institute of Kharagpur ruaiin tunah hian sum tam tak sengin nakin zel atana Aizawl khawpuia chak zawka a lo than theihna turin keimahni siam ngei ADA hian hma an la a. Chuvang chuan, mipui siam ADA a ni a. Amaherawhchu, tun dinhmun atan erawh chuan representative an member-ah an awmlo chauh a ni mai a, an ni hian uluk takin Mizoram khawpui hrang hrangte pawh lo fangin Delhi, Chennai leh Guwahati-te Urban Development Authority-te neiin ADA an awm ang chiahin an kalpui tho tho a ni a. Municipality awm chungin an kal dun a ni, tun thleng hian. Chu chu a nih avangin nakin zela a kal dun leh dun loh hi chu thudang ni sela, keimahni hi a siam theitu leh a repeal theitu kan ni a, chuvang chuan, tun dinhmunah hi chuan an rawn rawt hi a pawimawh em em a, an kal tuan theihna tur atan.

Tin, chubakah, thil tha deuh deuh tihte an nei a, tunhna maia ding an ni a, Aizawl City Park-ah Rokunga lungdawh, nuai 13 man an han din turte hi kan hriat theuh angin, thil ropui takah ka ngai a. Ch. Chhunga Bus Terminal-te pawh hmanruaa hmangin an han keng chho dawn a ni a, tin, chihruah chuan, municipality-te pawh he Sorkar hian a din a ni a, chuvangin, Aizawl khawpui hmasawna tur atan Aizawl mai ni lovin, municipal council-te leh a dang dangte khawpuia a awm theihna turin heng hi hmalak tawh a ni a. Chumi atan inthlanna kha chu tunah hian dan tesep a ngaih avangin khangte te te kha thil la awm ngailo a awm tura siamah hian hmanhmawh taka thil tih theih a nih loh avangin Department-in uluk deuhin ward area turte engkim tunah hian an buatsaih a, tunah hian zir chawpin thil an ti a ni a. Chuvang chuanin Sorkarina ngaihsak lo anga kan ti hi a fello viauin ka hria. A din a hunah chuan a rawn ding mai ang. ADA leh Municipality a kalkawp a thalo zawk tih a nih chuan amendment emaw, repeal emaw chu he House thu thu hi a ni alawm. Chuvang chuan, tunah chuan dan tesepte kha peih a la nih loh avangin municipality hi a nihna takin a la kal lo chauh a ni a. Chuvang chuan, Pu Speaker, tun ami hi hmalakna hi a tha em em a, Building Regulation-te pawh hi municipality hian ti daw: sela, rei tak inthlan nen a nih kha chuan hun a duh hle. Amaherawhchu, hman mai theih tura an peih tate hi a tha em em a ni. Vawiinah hei hi lungruah taka pass ka rawtpui a ni e.

PU LALRINLIANA SAILO : Pu Speaker, vawiina bill lo lut hi a nihna

phung ang ngau ngau an rawn frame danah chuan a tha mai a. Amaherawhchu, he ADA chungchang hi hun hmasa lamah kan sawi tawh a, ka term-naah chuan rilphir ang ka ti a. Tul reng reng lo, mi tina ve thei tho si, tangkaina reng reng neilo rilphir ang. Tunah pawh hian pass-pui hi a chakawm loh hlein ka hria a, a chhan chu kan sawi tawh thin a. Article Amendment 104-na te, 172, 173 chhoah chiang takin a rawn sawi a. Mipui thlan leh mipui kutthlakte lo chuan sum an khawih theih loh dan tur a rawn sawi a.

Tin, Jawahar Lal Nehru Urban National Mission fel tak hman dan tur sawi a ni a, a rawn ruahman a, chumiah pawh chuan vaibelchhe sang tel hman tur kan nei a ni. Chu chu kan ngaihthlak tawh ang khan a hman dan tur an ngaihtuah avangin hetiang thil hi a lo piang mai a ni a. Duplicacy mai mai a ni, Urban development a lo awm a, municipality kha a tul ngawih ngawih a ni a. Indian constitution-in a provide si avangin, hetiang kan ngaihtuah leh hi hun a uiawm hlein ka hria a. JNNURM-ah pawh tha takin heng quide line for basic to the urban poor tihte Housing leh slum development programme-te a siam a. Heng ang hi a dik tak chuan municipal neiha han tih chu a tha zawk hle a ni. Mipuiin an chhawr zawk chiang bal dawn a ni.

Tin, 12th Finance Commission award-ah pawh 10 crore kha municipality-ah a awm a ni. Khangte kha a lapse theilo a nih chuan a tha mai a. Mahse, pawisa hman tur kha hman zung zung zawk awm a ni a, khang kha hman tangkai ni ta se, a dang a lokal zung zung zawk ang. Chu chu Aizawl mipui wawiina chep taka kan awm te, leh devel'op-a awmze nei taka thlun nan a tangkai em em dawn a. Mahse, kan pehhel kual a, tam tak sawinaah chuan, ADA hi Pay Commission kan siam hi fel tak, tha tak, mahse, pay commission siam kan hman leh duh loh avangin tlawn lungawina anga a post pawh hi sawi rik a awm a ni. Chutiang vel mai mai chu ADA hi a ni a, a ngaihsan awm loh lutuk ringawt a ni. Chuvang chuan, tun hnuah kan Sorkar hian engemaw pehhel kual mipui tana pawisa emaw development lokal tur plan fel tak neihna tur ti lova, pehhel kual engemaw tih hi a tha kati lo hrim hrim a. ADA tlukupi hi chu Town and Country Planning pawh kha ding sa a ni a, enhancement mai tur a ni a, khangte pawh kha, chuvangin hei hi tul lo tawp mai kan ngaihtuah a ni a, a pawimawh ber chu mipui dinhmun leh Aizawl khawpui dinhmun chep ziate, harsat ziate, sawn a ngai em tihte ngaihtuahna tak tak awm lovin, a tak taka thinlunga veina awm lovin a pawisa hmanna tur JNNURM pawisaa lokal central-in vaibelchhe tam tak lokal hmanna tura thlah ringawt a, duh duha monopolised, pum hmawm tumna avanga lo piang chhuak mai mai niin ka hria a, a ho em a ni. Chuvang chuan, nikum lamah pawh, kum hmasa lamah pawh ka sawi a, rilphir ang lek a ni ka tih kha, ka thinlung tak tak a ni. Tangkaina a awm lo reng reng, min tina ve thei tho, min tihnat hmian paih daih ila a tha lawm ni, ka lawm e.

PU LALHMINGTHANGA

: Pu Speaker, kan amendment bill hi kan thian ten an sawi ang khan a principle-in thil

in duplicate mai mai tur ni hian hmana original bill kan passed pawhin kan sawi tawh kha a ni a. Mipuiin kan duh ber hi chu leh India constitution pawhin a enshrine ngei hi a democratic body municipal corporation emaw council emaw kha a ni a. Chuta tan chuan dan kan passed reng tawh a, Aizawl Authority Body ding ve tlat hi democratic process sah bona ni khan a ngaih loh theih lova. Han ding dun ta se, an ramri pawh a inkhak ngei dawnin a lang a. Municipal Body hi lo awm ta se, kha kha chu elected body a ni dawn ta a, people representative nei a ni dawn a, khami ten an hnathawhna tur pawh hei hian nasa takin a dal sa ang tih a rin theih tlat a. Hun lokal chho zelah chuan vawiina kan proceedings-a Member ten kan ngaihdan pawh hi record that a, remchangah chuan tu Sorkar pawh lo nise, la review leh atan a tha khawpin ka ring a. Chu chu i vei lam a mite khan an sawi Chiang Hle tawh a ni.

Tin, a kalhmangah pawh hian statement of object and reasons tihah pawh hian khatiang lai thil spirit thenkhat rawn lang thei kha a awm deuh mai maiin ka hria a, a word han hmanahte hianin para khatnaah khan hetiang hian Aizawl Development Authority first meeting ni 25 January, 2007-a neih chuan Urban Development and Poverty Alleviation Department-a Secretary leh Director-te member-a dah thar leh clause o zero o.....section 3 te leh thi dang sub-section 6 leh 7 of section 3-ah te hian siamthat turin a lo approved ta a ni tih kha, 'approved' tih hi hetah hian a hmang a. Tin, helaiah hian ABC tia an pekthlak zelnaah khan 'approved' tih bawk khan hemi paragraph 2-naah khan Disaster Management and Rehabilitation Department-te chu sub-section 3 of section 3-ah Authority member zingah tel ve turin approved a tih, khami approved-tu kha ADA meeting 20.7.2007 ami tho kha an ni tih kha a rawn tarlang a, thu leh hla pawh hi hemi House tan hi chuan a ngainatawm chiah lo a ni. engatinge an mahni khan approved tawh kha duplicate seal ang deuha keini min hman tum a, helaiah hian amendment-ah an rawn putluh leh si ? A authority hrim hrim hi he House atanga Act siam a ni a, ADA hi, chu meeting-in a proposed pawh nilo, approved tawh hetilai a loh theih loha nemngheh tawh anga min lo thehluh sak ringawtah pawh hian thil inthup a kha chu a rawn tilang viau a. Proposed ti se chuan, kha kha a appropriate viau a ni, rawtna nita sela, an ni approved sa diam kha House tan khan a insulting em em mai a, kan thuneihna kha, a siamtu kan ni a, keimahni hrin a ni a. Chuvang chuan a Parliamentary word lo em em mai a. heng pawh hi. Hei hian thil thui tak, a chhungriila thil awm, influence a nasat ziate leh democratic representation ang thil kha heng pawisa tam tak, Jawahar Lal Nehru Urban Development Mission lokal turte sabotage-na tur kawng hi a hawi ang tih kha a rinhlelh theih em em mai a. Chuvang chuan, ban tam zawng khan kan in vote thla leh mai emaw a ni ang a, duh loh tlat thu phei chu an tihluh tlat chuan a awmlo ang a. Amaherawhchu, a chhungril hi chu a hrisel lo a ni.

Chuvang chuan, election-te a hnai a, hei, eng Sorkar nge ding leh dawn kan hre lova, Pathianin Sorkar min pek ang angte chuan vawiina kan discussion-a kan thilung hria hian heng hi chu review leh a tha khawpin ka hria a, chu chu Pu Speaker, ka han sawilang ve duh pakhat chu a ni e. Ka lawm e.

PU R. LALZIRLIANA

:

Pu Speaker, hei vawiina kan thusawi, The Aizawl Development Authority Amendment Bill, 2008 hi helaia amendment section lakchhuahte hi chu han object tur pawh chu

a awm chuang lova, a thaah ka ngai a.

Chutiang a nih lai chuan section 19-ah te, hengte hi enge a awmzia hi a tul nge, a eng hi nge a zuk luahlan ka hrethiam vak lova. Aizawl Development Authority-in sum a hmuh, a dehchuahte chu State Bank of India a ni emaw, Bank dangah current account-in a suma enkawl thei ang tihte hi. Hemi tel emaw, tello pawh hian enge ni a danglamna tehchiam ka hre ve phak mang lova. Minister zahawm tak hian nakinah min han hrilhfiah sela. A luahlan lai turah pawh chuan eng dan nge lo awm ta a kha.

Tin, a 2-naah chuan, nichina kan ngaihthlak tawh ang khan, Aizawl khawpui hi a mawhphurtu mumal bik deuh hlek siana neih hi central Sorkarin a duh dan a ni a. Chuta tan chuan Urban Local Body kha mipui thlan ngei a duh a ni. Municipality kan la neih loh avangin nikum lam khan Aizawl V/C te LAD hian a kokhawm a, ka lo hriat danin. Tahchuan, an thuneihna kha LAD-ah an pelet ta vek a, chu an peklet chuan he JNNURM sum hi khawih thei turah Sorkarin an beisei a, mahse, central Sorkarin a lo pawm lo tawp mai a. Chutiang a nih avang chuan Municipality Act hi nikum khan chawplehchilhin ti ila, kan pass ta rum rum a ni tih kan hria a ni.

Amaherawhchu, he Municipality Act hi eng eng emaw ken neuh neuh a lo nei ve a, kuminah hian, hei tunah pawh hian a eng eng emaw kan han pass leh chauh chu a ni mai si a. Hei hianin Aizawl khawpui chhung cheina tura JNNURM pawisa Rs. 1477 lakhs lai kha khawih tir kan tum ta em ni? ADA hi tih ang tlukin a zuk ngaih theihin ka hria a. Municipality kan la neih loh tlat avangin hei hi a khawih theih chuang dawn em ni tih kha keia ngaihndan chu a ni a. Chutiang a nih lai chuan kan Sorkar hian ADA hotute hi an mahni appoint a ni a, a hotupa ber pawh Chief Minister a lo nih si chuan, khalaiah khanin he Rs. 1477 lakhs lai khawih hi a chakawm em em mai a. Chuvang chuan tuna kan amendment han thlir hian he sum khawih thei tur hian thil tih a awm niin a lang a, hei hi a paw hlein ka hria a. Central Sorkarin sum min rawn pek, a nihna tur lo anga kan hman hian corruption practice a ni ber lawm ni aw tih chu kei ka ngaihtuahnaah hian a awm ve a ni. Chuvangin, Pu Speaker, hei 2008 inthlan hma hi chuan municipality hi han inthlang dawn ta ilang chuan, kan Sorkar tan hian a huphurhawm em em a, vawiinnia Budget Session kan neih tawp berah hian Sorkar chu a bet em em a ni tih hi mipui, a lo thlirtute leh he House chhungah ngei pawh hian kan hria a. A vital point deuh leh Law & Order-te leh thil sensitive deuh, kuthnathawktute lam hawi reng reng kan Sorkar Minister-ten chhan theih pakhatmah an neilo bawk si a. Chuvangin inthlan hi kan nei ngam dawn lova, he sum kan hman thei lo tura Sorkarin engemaw Dan tesez zawk a rawn buaipui a rawn buaipui mai hi Pu Speaker, paw h kati khawp mai. Chu chu ka'n sawi ve duh a ni.

SPEAKER : Sawi duh kan la awm em? Kan awm loh chuan Minister ka sawm anga, han wine-up sela, a nih aw, Minister wine-up-a pass han dil nghal turin ka sawm e.

**PU AICHHINGA
MINISTER** : Pu Speaker, kan Member ten an han sawi a, nia, ngaihdan thui tak a awm thei a. Aizawl Development Authority chungchang thua khah ngaihdan engemaw chen kha an han sawi a, an ngaihdan tak tak a nih ka ring hran lova, a siamtu pawh keimahni kan ni a, kan siam a ni a.

Tin, ADA hi municipal administration kengtu tur atana dah a nilo hrim hrim a, hemi tur hi chu tunah hian hei kan buatsaih a tunah hian, Municipal Authority siam turin dan kan siam mek zel a ni a, dan awm lo chuan municipality hi han ti ringawt ila, Municipal Board emaw Municipal Council emaw, Municipal roreltu kha han din ngawt dawn ila a behchhan dan a awm si loh kha chuan a tih theih baw si lova. Chuvang chuan, khami kan Act neih tawh hmang khan a hnuaiah Rules chi hrang hrang tunah hian kan han tichho mek zel a ni a. Chuvang chuan, khami kha neih ngei tumin tan kan la a, kan tan lakna erawh chu a muang in tih chuan dikna chin thui deuh a awm a. A chhan chu, hei Urban Development Department han siam tharte pawh hi Department tharte a ni a, Dan siam hi a lo har khawp a, rin aiin. Tunah pawh kan han siam a, kan dan siam engemaw zat chu Assembly-ah pawh kan han pulut a, ka sawi ang khan la siam belh ngai kan la nei zel a.

Election Commission-te, tin, Finance Commission-te kan siam belh kha a la ngai zel a ni a. Chuvang chuanin dan awm lova Municipal Council din ngawt kha a tih theih baw si lova, chumi tur chuan kan inbuatsaih a ni a. Hemi kan ADA hi chu, nia, a awm a, kan siam tho a ni a. Tin, mi khawpuahte pawh Delhi-ah te pawh DDA-te pawh a awm thova, chungte leh an Municipal Board kha an indo chuang lem lova, an kal tlang thei thova. Tin, chumi chu a lo indo ta a nih chuan keimahni hi a repeal theitu kan ni tho a, nakinah kan han kalchho ang a, tin, pawisa hmang tura ruahmanna (Pu Andrew Lalherliana : Pu Speaker, kan Minister zahawm tak hriat atan, Delhi-a Development Authority khu municipal nen khuan an in clash-a, an buaipui an buaipui an ngai a ni, tih kha ka'n sawi ve duh zawk a ni).

Nia, a dik chin pawh a awm ang a. Amaherawhchu, keinia chuanin Authority kan pek dan dante pawh a ni ang a. Tuna amendment kan rawn dilah pawh hian an ni hi executive ang system-a siam a nilo hrim hrim a, tunah hian an awm phungah hian zu enchiang ila, Aizawl khawpui development-a kal theihna tur atana eng eng emaw ruahmantu ang an ni tlangpui a.

Tunah hian execution zawngin hna an thawk dawn lo hrim hrim a, kan ADA te hian. Tuna kan hman dan chinah phei hi chuan Aizawl khawpui enkawlna tur atana kan dan tur pawimawh siamtu an ni tlangpui a. Chumi chu an nih dan phung a ni a, khami lekkawhtuah pawh khan kan hman a zeng pawh a ni chuang lova. Chuvang chuan, a hlauhawmna tur lai kha tuna a lan dan maiah hi chuan a awm lova, a reoreltu leh dan kengkawhtu tur a chu Municipal Council kha a la ni tho tho dawn a ni. Chumi siam chhuak tur chuan tunah hian kan inbuatsaih a ni a. Chuvang chuan hemi kan ADA leh Municipal of Council tura hi harsatna a lo awm ta a nih chuan keimahni tho hi repeal theitu kan ni a lawm, paih leh mai theitu kan ni a, kan la ngaihtuah leh turah ngai ta ila.

Tunah erawh chuan Pu Speaker, hemi kan dan hmanlaih te hian han famkim lo lai a awm a, nichina Pu Zira'n a han sawi a kha Municipal of Council-in a bank-a saving account an hawn theihna tur kha an mahni hi entirnan, independent function ang deuh hlekin an kal ve avangin an mahni pawisa kha bank-ah khan an lo kawh him ve theihna tur dan kha a awm loh kha chuanin, an tan khan buaithlak a awm a, kan dan hmasaah khan a awm loh avangin khalai kha an rawn dah mai niawm takin kan ngai deuh mai a. Ka hrilhfhah thiam chiah loh laite pawh a awm ang e. A enga pawh nisela, tuna kan dan amendment kan han dil hi chu thil mawl te a ni a, kan Urban Development—a kan Secretary-te, kan Director-te kha an hnua piang an nih avang khanin khami committee-ah khan an lang ve ta lova. Chuvang chuan an ni hi lut ve se, tih kan rawn rawtna a ni a.

Tin, chubakah chuan department thenkhat kha, khalai lut ve awm tak a kha, lut ve se tihna kha a ni a. Tin, chubakah chuan YMA-te leh hemi kan NGO te hi lut ve se, anni hianin sitting niah khan lawmman pawh la se tih ang zawng deuh hlek khan a rawn ruahman a ni deuh mai a. Chuvang chuan, tuntumah chuan a dan hi a mah ADA hi kan nei si a, kan repeal bawh si lova, a dan hi mumal zawka kan hman theih nan hemi kan dan hmanlai, amend ngai lai tlemte hi min amend sak turin he House hi ka'n ngen a. Tin, helaia approved an rawn chhut hi nia, nichin khan kan Lunglei bialtu MLA zahawm tak khan a han sawi kha a dik khawp a, approved tih kha a dik tawh lo viau a, dik chiah chuan, khami committee khan an lo tithlu ve tih ang deuh chauh a ni a, approve theitu tak chu a nilo turah ngai ila. Engpawh ni sela, tihsual palh a ni mai awm mange, kati helai hi, ka lo enchiang hranpa hauh lo a ni. Awle, Pu Speaker, he ka amendment han dil hi House zahawm takin min pass sak turin ka'n dil a ni e.

SPEAKER

: Awle, Bill neitu Minister zahawm takin kan sawihona te khaikhawmin pass a rawn dil a, Lunglei South bialtu zahawm tak sawi kha a dik chiah mai a, approve tih tawngkam helaia hman hi a remlo khawp a.

Amaherawhchu, kan Minister hi kan hriat theuh angin a taksa lam hi a chak lova, a

enngun lo te pawh a ni thei a, appove theite chu nise anmahnin an ti anga, heta lo luh kha a ngailo hrim hrim a. Chuvangin Bill-ah reng reng kan wording hman hi kan fimkhur a ngai a, official hetah a neitu department-te, a VAT tu Law Department te pawh tun aini fimkhur leh zual sela a lawmawm khawp ang. Hei hi Bill body phei chu nisela, pawm theih loh tur chiah keipawn ka ngai a, chuvangin, department neitu, bill neitu department leh a VAT tute khatiang department hrang hrang kha tunhnuah chuan fimkhur leh zual thei se a lawmawm khawp ang. Awle, tikhan kan sawi tawh ang khan Minister-in a Amendment Bill hi pass a rawn dil a, clause by clause in kan la ang a. Amendment of section III hi pass remti apiangin 'remti' tiru le. remti lo kan awm chuan 'remti lo' tiru le. Awle, Amendment of Section III hi House-in lungrual takin a pass-a, hei hi bill-a tel a ni. Tunah Amendment of Section 19-na hi pass remti apiangin 'remti' tiru le, remti lo chuan 'remti lo' tiru le. Le. Amendment of Section 19-na hi House-in lungrual takin a pass a ni. Hei hi bill-a tel a ni.

Tunah chuan, Preamble Enacting Formula leh Short Title te hi pass remti apiangin 'remti' tiru le, remti lo kan awm chuan 'remti lo' tiru le. Awle, Preamble Enacting Formula, clause I short title hi House-in lungrual takin a pass a ni. Hei hi bill-a tel a ni.

Awle, he House zahawm tak hian Aizawl Development Authority Amendment Bill, 2008 hi lungrual takin a pass a ni.

Aw, tunah chuan, Vigilance Department lampang bill 'The Mizoram Transparency Procurement Bill' House-ah introduce tawh kha a copy kan nei vekin ka ring a, hei hi House-ah ngaihtuah a ni leh ang a. He Department changtu hi kan sawi tawh ang khan Chief Minister a ni a, mahse, a awm loh avangin Minister zahawm tak Pu Tawnluia a authorised-a, tunah Minister zahawm tak Pu Tawnluia 'The Mizoram Transparency in Public Procurement Bill, 2008' hi House-ah ngaihtuah phalna han dil sela a tha ang e.

PU TAWNLUIA : Pu Speaker, ka lawm e. Mizoram Transparency in Public Procurement Bill, 2008 hi House-ah ngaihtuah ka han dil e.

SPEAKER : Minister zahawm takin a Bill ngaihtuah a han dil a, kan remti em ? Le. kan remti a, a lawmawm e. Tunah ngaihtuah turin rawn move sela a tha ang e.

**PU TAWNLUIA
MINISTER**

: Pu Speaker, ka lawm e. Hei, vawiina 'The Mizoram Transparency in Public Procurement Bill, 2008 House-a ngaihtuah tura ka rawn pharh min pawmpuia, vawiinah hian ka rawn move theih dawn avangin ka lawm a. In

hriat theuh angin, Sorkarin bungrua leh mamawh tul lei tur thil tam tak kan nei a, chumi kan leinaa felfai taka kalphungte kan neih theihna turin leh tuna kan neih sa, department-ina kan neiht te te nilo hian a hranpain tiang hianin Assembly-in Bill hi ngaihtuahin pass chuan Act-te a lo ni ang a, chumi hnuai atang chuanin a tul angin Rules-te pawh la siam a ni ang a, tiin Sorkarin ngaihtuahna thar a nei a, chu chu vawiinah hian he Bill hi Bill thar tak, keini pawhina kan zir vawikhatna a nih avanga kan tihfiah that tawh loh pawh hemi la laah hi chuan a awm thei a. Amaherawhchu, a tul leh pawimawh em zawk avang erawh chuan Sorkarin vawiinah hian Assembly-ah he Bill putlul tha tiin kan rawn pulut a ni a. Hei hianin a Bill hming khan a sawi chiang khawp mai a, 'The Mizoram Transparency in Public Procurement Bill, 2008 kan tih khanin a tum ber chu Sorkarin bungrua kan lei dawn emaw, construction works kan thawh dawn emaw, a phal dawn emaw, a langtlang tlat (transparency) taka tender-te chhuah a, tin, a thawktu tur kan thlan danahte felfai tha tak leh dik taka kan kalpui theih nan dan mumal tak siar. tha a ti a, chumi dan chu tuna Bill kan rawn putlul hi kan rawn ruahman chu a ni ta a ni.

Tiang chuanin, khami dan hnuaihan khanin a kengkawhtu hrang hrang kha a awm a, kan hmuh ang khan han chhiar khanin helamah chuan thil khirh lutuk lovin a hriatfiah theih viau pawhin a lang a. Pu Speaker, a kengkawhtu pawimawh deuhah kha chuanin heng 'procuring authority' kan han tih pawh kha, khami tender emaw purchase/quotation i ti ang, quotation/tender emaw han chhuahtu tur a authority department hrang hrangah khan kha kha chu ruat tur tihna mai ang khan a lang thei a ni a.

Chutah chuanin, Sorkarah chuanin department-te pawh a ni ang a, tin, local authority emaw Board emaw Corporation-te pawh khatiang ang khan a awm a, khang hrang hrang a kha procuring authority an han tih a kha a ni a, direction-ah khan a awm nual a. Chuanin, a tender-tu accepting authority pawh kha section 9-ah khan siam a ni a, chutiang chuanin, tender procuring officer tih pawh kha section 7-ah han sawifiah leh tarlan kha a ni a.

A awmzia chu tender-tu emaw quotation call tur emaw khatiang thil Sorkarin mamawh a neih chuan chuta lo ngaihtuatu turte chu an ni ta a. Tender-tu tur, a chhuahtu turte, tin, a lo pawm theitu turte, kha an ni a. Khatah khanin Sorkarin khatiang khanin tuna Department officer hrang thliah thliah a ti mai lo ang deuh khan ruahmanna khalaiah khan thuneitute pawh an siam a ni tih kan hmu a. Tin, khatiang khan nimahse, chutianga kan kalpui theih nan chuan khang bill kha an han chhawpchhuah chung khanin kha dan khanin exception hetiang ngailo ti ila, a khawih loh tur eng eng emaw te pawh kha khalaiah khanin an siam a, chung chu Sorkarin a chhiatnate chu calamity leh disaster te a puan hun

chhung khan khangah khan chuanin chutianga han tih kha a formality a tam lutuk a, thil han kalkual kha a thui lutuk theih avangin khatianga thilah kha chuanin tlemin huam loh kha a tha zawk ang a, tih ngaihdan awmin hemi 'natural calamity' chungchangah 'disaster' chungchangah kha chuanin huam tel loh tih lamah paih duh duh an tihna tur ni lovin a dan pangngai kha chu a awm tho a, kha kha a ni a. Tin, bungrua lei tur emaw kuthnathawh duh emaw khami company emaw form-in emaw pakhat chauhin a siam emaw a nih chauhin an thawh theih tur hna bik, hei chu proprietary right kan ti emaw ni, engnge ni ? tawngkam dik taka kha ka hre chiah lo a, pakhat chauh a nih kha chuanin tender kher lo pawhin quotation call kher lo pawhin tih ni se tih dante kha an awm a. Tin, kan duh rei tur emaw, kan thawh tur kha Sorkar department emaw, eng authority emaw statutory board emaw anmahni chauha siam leh thawh theih a nih chuan, khang kha, titur dang awmlo na na na, siamtu dang awmlo na na na kha chu khang kha chu tender-a tikual dup lovin tih theih ni sela tih ang kha. Tin, Sorkar department hna lei tur emaw, a hna hlut zawng kha Rs. 10,000/- hnuai lam a nihin Local Authority emaw Central emaw scheme or project a nihin emaw sikul sakte a nihin Rs. 50,000/- chin an thawk maithei ang a, tin, hnadang atan erawh chuan Rs. 1,00,000/- chin an thawk thei ang, (ADC) Autonomous District Council emaw anmahni ang chi kha a huam dawn a ni a, khami amount limit chhungahte khan heng hi chu a hrana heng ho hian, tin, V/C ten emaw, ADC emaw a hnuai mite khan emaw, tin, local bodies kan la nei ang a, chungte chu khawih mai sela tih angte exceptional khan a tel a.

Tin, kan bungraw lei tur kha DGS and D rate, contract a nih chuan kha kha tender emaw quotation call kher emaw ngailo sela, hei hi unexceptional khan a tel bawk a, chuanin khang kha thil chi hrang hrang kha a awm a.

Tin, Animals leh Agriculture products MAMCO-in a leite, hruai hngang Mau MAMCO-in a leite leh Cocoon, Sorkarin a leite Sorkarin allocation ruahmana a lei dan turte chu khatianga va zenpui kher lo khan khang kha a nihna ang khan kal ta sela, tih ang khan siam a ni a.

Chuanin, exceptance of tender an ti a, khatianga ang khan a procedure te te pawh kha an awm chho a. Tin, hetah hian chuan bungrua kan lei turte kha state level-ah chuan Department Secretary aia hnuai lo emaw, state tender bulletin officer, District-ah chuan Bawrhshapin khatianga ang appoint-te, authority ti mai ang, officer khan tender leh khatianga kha an chhuah ang a, tiangkhan chipchiar deuh hlek khan khang kha kan sawi a.

Tichuan, kan Member zahawm tak tak ten he bill hi tha min tihpui a, principle-ah chuan min tihpui hle ang tih ka ring a. Amaherawhchu, a clause te te lai erawh kha chuan kan vawikhatna a nih avangin keini pawhin kimlo lai chu a awm maithei a, a bul tanna atan chuan hei hi han pass phawt mai uila, chuan kan siam phuisui zel ang a tih angin, tiang hian kan rawn keng chho a ni a. A tum tak chu a pawimawh leh tul kan tihna chu a ni a, Sorkarin

bungrua kan lei turte leh construction hnaa bungraw mamawhte leh tender tur thil, quotation call ngaite kha mumal taka tender-te quotation-te chhuah a lo nih a, a chhuahtu turte pawh felfai taka tiin, a thlan danah pawh felfai tha zawkin mumal taka siam chhuah a nih theihna turin Sorkarin kan thil mamawh leh tul, hna tul kan thawh tur angah te transparency-a awm theihna turin Mizoram Transparency in Public Procurement Bill, 2008 hi ka rawn pharhin House-in min pawmpui turin ka han move a ni e. Ka lawm e.

SPEAKER : Bill neitu aiawhin Minister zahawm tak Pu Tawnluia'n The Mizoram Transparency in Public Procurement Bill, 2008 chu a rawn move ta a, kan ngaihtuah ho ang a. Nichina kan sawi ang deuh khan Member tinte kha 10 minutes inpe ila a tha mai em ? Kan sawi duh vek kher lo maithei a. Tunge sawi hmasa ang ? Pu H. Liansailova.

PU H. LIANSILOVA : Pu Speaker, ka lawm e. Sawi tur tam pawh ka nei lova, mahse, kan inngahnaah hun kan khawhral zel ang tih hlauin kan chetzia kan en khan ka lo ding mai a ni a. A hmasaa ka sawi duh chu hetiang Dan hi kan mamawh tawh a ni tih tun Assembly chhung pawh hian sawilan a ni fo tawh a. Tin, private member thahnem ngaite pawhin attempt pawh an rawn nei tawhin ka hria a. Mahse, hei Sorkar lam atangin The Mizoram Transparency in Public Procurement Bill, 2008 hi ngaihtuah theiha a lo chhuak ta hi a lawmawm kati a, hmasawna lamah a ngaih theihin ka hria. A chhung thu han en hian thil thar danglam lutuk erawh a awm lo, tuna Government-in dan a hman lai leh a kalpui mek, a tlangpuia lakkhawm, Vigilance Department atanga tihphung tur anga rawn chhep ni deuh maiin ka hria. Mahse, a that chu a tha khawp thoin ka hria. A dan hi chipchiar zawkin Rules ten a la rawn thuah ang a, tuna kan kalpui mek kan dan hote hi a then chu dan Legislation ang tak pawha kan neih loh, amaherawhchu, Rules leh executive instruction emaw, standing order emaw hmangin kan inkalpui tlangpui nite pawhin a lang a. Chuvang chuan, hetiang keimahniin public procurement atana Dan a hranpaa kan han siam hi a tha kati mai a, a chhung han luh chipchiara helai section hi han tih vel tur pawh ka hre lem lova. Amaherawhchu, sawi ka duh chu Public Procurement-ah a tender invite leh tender pawm emaw khalai process tluka pawimawh ti ila, a niang chu, Delivery of Goods tak lai kha, helaiah hian a lang ta lova, tunah hian public procurement kan tih, contractor kan in appoint-nate, supplier kan in appoint-nate (Speaker : khawngaihin, Chair kan inthlak e) zawng zawng han thlir let hian a tender chhan danahte tin, tender accept danah te, engemaw han sawisel chu awm bawh mahse, chu aia la pawimawh zawk mah chu, a material emaw, service emaw, a taka deliver a nih chiah khan kan buai chu a ni ber zawk a, chu chu kan procurement fail-na lai ber chu niin ka hria a.

Entirnan, tui pipe kan lo lei ta a, DGSD contract rate pawh lo ni ta sela, a delivery-ah tak khan tender kan peka agreement kan sign ang chiah kha a ni em ? A sample leh quantity-ahte, chutiang chuan PAC-ah pawh hian question tam tak chhan fel hleih theih loh te pawh a awm tawhin ka hria a. Tin, chu lovah chuan, tul manglo lei teuhte pawh hi a awm thei bawk a, thil dah chhiat mai maite pawh. Tin, Agriculture leh Allied Department-ahte pawh thlai chite, tin, Fishery-ah te pawh Sangha chite, khang supply-ah khan tender kan chhuah emaw, a source pakhat, specialised source emaw monopolised source atanga kan lak pawhin a procurement kha chu kalphung neiin a kal mai a. Amaherawhchu, a tak takah a service emaw, a material tender-ah emaw tender-a agreement sign ang chiah kha a thleng em tih hi public-a kan question lian tak chu a ni thin a. Chulai chu he kan danah hian a lang tel lo hi lang tel se, chiang sela a tha hlein ka hria, chu chu a famkim lohna lai niin ka hria a. A Rule lam atangin kha kha rawn thum that pawh nise a act lamah hian rahchhan tur a neih loh chuan a chak tawh lo deuh fo thin a. Chu chu ka ngaihpawimawh lai a ni a. Heng buhfai supply chungchangah pawh a ni a, tin, contract kan inpek chungchangah pawh a tender koh danah leh kan invite danah hi chuan langtlang deuh a nihna chin awm mahselangin, a tak takah chuan heng zawng zawngah hian a thil emaw service emaw a dawngtu tena an lo dawna lai tak hi kan kuakrawna lai hnawhkhah ngai ni berin a lang a, chu chu wawiina kan bill ngaihtuahah hian a lo tel chiang fak se a tha mang e tih ka'n sawilang duh a.

Tin, a dawt leha chuan, a supply-tu pawhin, hnathawktu pawhin hna a thawh atanga a service emaw a material a deliver tur tak a deliver-a pawm a nih tawh chuan pawm a nih atang emaw, supply a nih atanga mode of payment-ah hian a supply-tute leh hnathawk tutein harsatna an tawh a, helaiah hian corruption lian tak a awm thei fo niin a lang a. Chuvang chuan, hei pawh hi a mode of payment emaw kha lo tel sela chuan a famkim lehzual awm mange kati a. Entirnan, kawng laitu chuanin work order pek leh agreement sign khan kawng a lai a, a lai zova, pawisa awmsa budget-a awmsa a inlah tir a nih chuan a bill nawr chhuak tura a vir a vir kual hi a ngailo hrim hrimin ka hria a. Mahse, hengah hian kan contractor-te hi kan tibuai em em a, an pawisa tam tham tak hi vah velna leh chung an bill ngaihtuah a nih theihna turin eng level hrang hrangah hian tawh tawh a ngai niin a lang a, zep thu a awm lova, chutiang chuan supply thilah pawh hian a ni tho mai a.

Tin, buhfai phurh mante pawh kan ngaihtuah a. kan ngaithla tawh a, a tak tak engchen nge chu ka hie lo a, mahse, sawi tur chu a awm a ni. Kum engemaw zat bill ba tawh harsa taka lo nghak tawhte an awm laiin, a serial number-a kal aiin engemawa nawr chaktute kawngka hawna lai remchang lo awm fo angte pawh hi dan theihna turin a mode of payment hi awm se a tha hlein ka hria a. Chung chu wawiina kan dan siamah hian khami pahnih, delivery of goods and services leh mode of payment kha kan bill-ah hian a main act-ah hianin tel turin bill-ah hian lo tel sela a tha lehzual tur a ni a.

A tawpna ber atan ka'n sawi duh chu, RTI a awm a, mahse, kan hman danah hian zawh chhuah ngei ngei kher ngaia office-ah department zawng zawng kan function ta mai hi chu RTI tum ni lovin ka hria a, transparency hi pro-active-in kan kal zawk tur a ni a, tunah hi chuan kherchhuah a ti ngai zawk mah a RTI hian, kan hriat theih mai tur kha a tibo ta mah mah em ? Sorkarah, vantlangah, V/C ah pawh department atanga work order chhuak reng reng hi transparent a ni vek tur a ni a. RTI hman kher ngai tur anga kan ngaihtuahna lo awm ta hial hi a pawh hlein ka hria a, chuvang chuan transparent-a kan kalna turah hian mipui tana tha tur leh remchanna siam sak zawnga kan danah pawh ngaihtuahna kan hman a pawimawh hlein ka hria.

PU ANDREW LALHERLIANA :

Pu Deputy Speaker, ka lawm e. Hun laklawh a ni bawk a, khawngaih takin min lo chhuah zalen deuh la ka duh dawn a ni. Vawina kan bill pass tur hi a pawimawh em em a, amaherawhchu, a pawimawh kan

tih rualin hman thei tawh lo dinhmuna kan din hnuah kan tichho emaw tih mai turin kan han pass tur hi sa tahchhuak pek a ang lek lek ka hria. Transparency in Public Procurement leh Right to Information Act hi Sorkar, diktak leh langtlang taka a kal theihna tur atana dan pawimawh tak a nih zia chu kan hriain ka ring a. He dan hi Sorkarin dik taka a hman chuan department hnuia supply leh contract hna reng reng, engkim langtlang theiah duhsak bik nei lova fair taka thil kalpuina tur dan a nih chu kan hre theuh a, a pawimawh em em a ni. Chuvangin he Sorkar term a rawn intan tirh pawh khan ka ngaihpawimawh em avangin Budget Session hmasaber 19.3.2004 kan Resolution-in Transparency in Public Procurement Act leh RTI hi Mizoramah hman ve ni rawh se tih ka move a ni. Kha kha hnawl a ni a, mahse, RTI chu central atanga barh luih avangin loh theih lohvin kan hman a, kan hman chu a ni ve ta mai a. tunhnai lawkah kan duh aia thui miin information an rawn lakchhuah tak avangin Police Department-ah phei chuan lakchhuah theih loh turin a transparency tiboin Police investigation report a bikin Helte nena dealing chungchang thute pawh dilchhuah theih a ni tawh dawn lo a ni, kan khar leh ta nghan a.

Right to Information Act pawh hi a nihna takah chuan central pek sa hi a lehlamin kan lo laksak tihna a ni, a pawh khawp mai. Engpawh nise, Right to Information Act chu khatiang kha a ni a. Transparency in Public Procurement Act chu kan pass duh ta lova, kan duh ang tawkin kum 2004 atangin kan che chho tak tak a ni a, contract leh hna awm zawng zawng mai a fair e, fair lo e, ngaihtuah lovin kan han pumbilh chho ta tak tak mai a, 3% te, vai hnen atang phei chuan 10% te lain, helaiyah hian kan chawm bawk a, kan hawp bawk a, Mizorama contract awm zawng-zawng mai hi kan chuh chho ta vak mai a ni. Khami avang khan kan Sorkar programme pawimawh tak tak Referral Hospital-te, Aizawl Water Supply Scheme Phase-II pawh kha a dik tak chuan kan ti khaw lova, a nih tur ang ni lovin, kan piansual tir vek a ni. Engatinge kan tih chuan, Transparency in

Public Procurement Act hi kan pass duh lova, min dangtu nia kan hriat avangin sapatal kan duh a, kan pass duh lo a ni. Chutiang chuan, kan kalpui nasa em em mai a, vawiinah hian kan hausa tawk ta, kan ti nge ni, kan Sorkar dawn ta lo bawk a, thil tha i hnutchhiah teh ang u, kanti ve deuh nge ni, ka hre lova, term tawpah Budget Session hnukung berah Transparency in Public Procurement Act chu i pass teh ang u tiin a rawn rawt ve leh ta a ni, Se bo hnua Se kawngkhar pawh a angin ka hria. Sorkarin a hman theih hun chhung zawnga pass duh lova, a tawpah, term tawpah kan pass a ni. Engpawh nise, hei hi thangtharte tan zawngin a la tha ange, tih rilru puin pass turah ngaihsak ila, chutiang rilru chuan ngaihtuah chho mai ila, a thain ka ring a ni.

Transparency in Public Procurement Act-ah hian ka sawi duh chu, a transparent tur a ni tih pialamah hian a fair tur a ni tih hi vawiin hian ka sawi duh lai a ni bawk. Hei a chhunga han luhchilh hian transparency in public procurement act-in a ken tur ang bul tha tak chu a rawn tan ve a "from the date of commencement of this Act no procuring authorities shall procure goods or services except by inviting tenders" tihte hi chu tha tak a ni.

Tin, kal chho zel ila, tender ko tur bulleting officer tihte tawng han thlak ta a ni mai a, Sorkar department tih aiah te khan Procuring Authority tihte hman a ni a, Sorkar Officer tender inviting leh lo accept tute, khatianga lo buaipuitu tur Scrutiny Officer-te kha a hmingin authority tiin kan thlak chho vel a. Engpawh nise, kalphung tur a nihnaah chuan a pawl lem lovah ngai ta ila. Amaherawhchu, dik taka Sorkara supply hnate contract hna zawng zawng procurement hi fair taka a kal tir duh dawn chuan helai hi ka sawi duh a ni. Procuring Authority-ina tender inviting authority leh tender accepting authority appoint-na tur hi a pawimawh a, hei hi tender chungchang thua decision lo latu tur kha a an ni. Helaiah hian Sorkar Officer-te kan han dah leh tawp mai thin a, kan duhzawng leh kan control theih Officer-te department key position-ah kan han dah a, appointment kan pe a, chumite hmang chuan kan duh ang tawk a kan zu control leh thinna atang hian fairness hi a awm tak tak thei lova, fairness a awm theih dawn chuan hemi appoint chungchang thua hian tender inviting authority phak 4-na clause 9-nain a sawi hi hetiang zawng hian siam ta ila a tha lo maw kati a. "The Procuring Authorities shall by order constitute tender inviting and accepting committee comprising of not less than three members who are chosen :- 1(pakhatna), from among the person with technical knowledge on the concerned procurement goods. 2(pahnih), From a reputed academic community. 3(pathumna), from reputed and accepted public leader who are from non-political organisation ti ta ila. Chutah chuan technical mi leh academic mi academician, miropui leh non-political public leader-te kha tel ngei ngei turin tender accepting authority-ah hian committee ang zawngin din ta ila a fair dawn a ni. Anni khan tender kha a nihna ang takin an exam ang a, chu chu tlingtlak a nih leh nih loh an en ang a, tlingtlak a nih chuan pawm mai tur an ni. Khang ang mihring influence theih loh kan telh kha chuan a influence thei dawn tawh lova, dan dik takin a kal dawn niin ka hria.

Khatiang zawng khan tender inviting leh tender accepting authority appoint chungchang thua khan politics a influence theih loh mihring an tel ve ngei ngeina turin authority mimal pakhata dah lovin committee-a dah ngei nise chuan a fair ngei ngei ang. Chumi a nih chuan, a transparent baww anga, a fair baww dawn a ni. Chutiang a nih chuan, Sor'kar hi a kalsual thei lovang. Vawinah chuan tender hi ko thin mahse, kha tender accepting authority-a mihring pakhat kan dah a, mahse, kha kha a chunglam atangin kan rawn control leh si a, "chu chu, kha kha i lo thlang tur a ni" "khami kha i lo reject tur a ni" tiin kan zuk control thin avangin tender hi a fair tak tak theilo, anni khan engemaw chhuanlam siamin a reject-na tur leh disqualify-na tur kha loh theih lohvin pute order kha an lo tih char char a ngai a ni. Mahse, tender accepting committee hi hemi hnuaiah hian din ta se chuan chu committee hnuaiah chuan non-political body reputed person leaders an tel dawn ta a ni. Heng ho telna hnuaiah chuan committee-in an han ngaihtuah ang a, "kha contractors kha lo appoint rawh" a tih theih dawn tawh lo a ni. Academician-te chuan tha an tih angin an kal mai ang, technical mi diktak chuan "hemi hi pu ten duh mahse, a qualified lo" an ti mai ang. Tin, Public Leader Politics-in a influence zawh loh mihringte kha awm ta se, chutiang a nih chuan a nihna ang takin tender kha scrutinise a ni ang a, accept a ni ang a, transparent taka tihlan hnuaiah miin fel takin contract hna a deserve-ten an hmu tawh dawn a ni. Engti kawng zawng mahin a influence theih dawn tawh lova, khatiang zawnga a kal theihna tur law lawin a body hi siam ta se, a political influence theihna tur zawng zawng corridor hi hawh u, i khar ang u.

He bill buatsaih hi han en hian Karnataka Transparency in Public Procurement Bill copy, Mizorama a tul ang lai lai thlak kha a ang tlat a ni. Amaherawhchu, a lehlamah chuanin, a tha ve tho a lawm, kati a. Amaherawhchu, duhthusam zawng a tling lo a ni e.

Dik taka politics a influence tur kawng a la inhawng tho a ni tih kha kan sawi a ni. Ka lawm e Pu Speaker.

DEPUTY SPEAKER : Hei minute 3/4 bawr vel ala awm a, kan Member zahawm tak Pu Zodintluanga hi a phar vu mai a, hemi chhung hian khami pello tawkin i chhung khung thei angem ? I theih dawn chuan ka sawm che ang a, amaherawhchu, kan pello turah ngai ila a tha ang e. Pu Zodintluanga.

PU ZODINTLUANGA : Pu Deputy Speaker, ka lawm e. Hei nichina kan hma amiten an sawi ang khan, kan Bill pass hi Sor'kar tawp dawn lamah, nakum lamah kum 5 dang kan hmanng dawn tawh lo a mi ? tih ang deuha rawn move niin a lang a. that an tum tlai hnahnawh a ni si a.

Pu Deputy Speaker, kan bill en hian, a paper work deuh ringawt mai hi a ni a, a pawimawh zual deuh, entirnan, actual requirement kan mamawh loh ang an lei nasat lutuk thinte, khatiang ti ho hremnate kha han awm thei selang chuan a thain ka hria a. Tin, Delivery of Goods, nichina kan Aizawl North-II bialtu zahawm takin a rawn sawi ang khan, kha bungrua rawn thleng a taka a chhia leh a tha lo receive-tute leh a payment dante kha felfai takin awm selang chuan a kimin ka ring a. Chuti a nih loh chuan kan hriat fo, tukin zingah pawh zawhna kan zawh, kan mamawh miah loh kan lei thin, 'Toilet Van' tunah Health Department phei chuan cheng nuai 7 vela an lei kha Rs. 10,000/- velin an zuar a ni, thirchhe zuar hnenah.

Nichinah kan Home Minister zahawm takin, helai Home-in an leite pawh kha tihral an han tum leh ta a, tin, hei kan mamawh loh ang chi, kan lei bakah nichina delivery of goods-a, a pawimawh leh pawimawh loh kan tih kha, vawiina Health Department-in Mobile Clinic an leiah hian Lungleia an thawn pheiah chuan Sorkar hnathawkten awm ngei tura an rin Endoscopy, Endoscope khawl, a chhunga awm tura an ngaihte khe a chhungah a awmlo, tih angte min rawh phone phei leh tawh a. Khatiang ang khan a lo receive-tute leh a supply-tu leh a requirement-te hi kan inenchian a tul em em a.

Hei kan sawi tawh thin a, Police Modernisation-te kan Mamit bialtuin a lawm em em, sawi nuam a tih hi a ni a. Police Modernisation-a thil mamawh lo manto tak taka kan lei thin angte hi, Pu Deputy Speaker, khami venna tur kha tunah hian a awmlo a ni.

Hei Agriculture Department-ah pawh han sawi ila, Alu chi chhia, Alu chi a tha lo khulalah Vaivakawnah a chhia return leh, Minister pawn a farmer-te hnena chin tlak loh a pekchhuah ngam loh vaibelchhe tam tak senga an leite hi, vawiinah chuan khatiang venna tur a awm miah lo hi a paw kati a. Hei, vawiin tlaihte pawh Pu Deputy Speaker khang ang supply, a tha lo, a kim lote, an supply a, insiamremna tur atan vawiin zanah hian Department tam tak chu an tlaivar leh thak dawn a ni. Thil diklo an tih avangin thil dik ang ni sela felfai takin mode of payment felfai tak leh a deliver-tu leh a lo receive-tute leh a mamawh dan, a requirement siamtu ten khatiang felfai taka an tih chuan zanin anga tlaivar mup mup a, zanin anga in tih chuk chukte hi a awm dawn lova. Chuvang chuan, kan bill hi a tlai a, Sorkar tla tur lampang tuna an siam nimahsela, a la famkim tawk lovin ka hria a, Pu Deputy Speaker, hei hi siamthat leh chu a la tulin ka hria. Ka lawm e.

DEPUTY SPEAKER

: Awle, a hmang thiam khawp mai. Hei dar 1 chiah chiah a ni a, kan chawl rih anga, chawhnu dar 2-ah kan discussion kan chhunzawm leh dawn nia. I chawl rih ang.

2:00 PM

DEPUTY SPEAKER : Awle, kan dan siam rorel kan chhonzawm leh ang a. Tunge a bul han tan dawn le. Pu H. Rohluna.

PU H. ROHLUNA : Pu Deputy Speaker, ka lawm e. Hei waviina kan Bill sawiho Transparency in Public Procurement Bill, 2008 hi a chung han en hi chuan han sawisel tur em em a awm pawhin ka hrelo a. Amaherawhchu, a Bill hi term tawp dawn hnaiha han tih atan chuan ka ui deuh hlek a, a tha viau a, chutihrual chuan tunhma deuh atang khan lo nei ni ta ila, sum tam tak kan safe mai awm mange tih ka ngaihtuah a, Budget hnuhung ber Member thenkhat ten an sawi tawh ang khan a putluch atan chuan a uiawm khawpin ka hria a.

Tin, chutihrual chuan hei inthlan awm leh tur term lehah chuan kan hmang hman tawh chuang lovang a, chuvang chuan, tuna kan last chance-ah hian midang kan hrek nen i ti teh ang tihte a awm thei emaw ni tih rum rum a awl a. Amaherawhchu, engtingge a puluttu lam hian ngaihtuahna an neih tih chu ka hre lova. Tin, waviinah hian a changtu Minister, kan Chief Minister zahawm tak a awm lova, tin, Official lam pawh hi, a ni a awm loh hi chuan, a hotu lawk lam tal hi awm se chu a thaah ka ngai deuh a. A chhan chu, a changtu lo berin kan deliberation-te an ngaihthlak hian a Official lam tak pawhin lo chhinchhiah turte pawh an neiin ka ring a. Helaiah hi chuan a Official lam pawh duhthusam ang hi chuan an awm thalo deuh mange kati a, ka sawilang duh a.

Tichuan, hei corruption dona hmanrua atana tangkai tak tur a ni a, he transparency in public procurement bill hi. Chuvang chuan a hman danah leh a nih dan phung hi a bill-te kan pass-a, Act-te a nih hnuah hi chuan hei hi a nihna ang taka kan hman a, tin, a Rules siam hunah pawh hian kan ram tana tha tur zawng ngaihtuahna thinlung pua kan kalpui chuan kan ram tan hian tha takin thil hei hian a rawn hringchhuak ang tih ka beisei a, chu chu ka'n sawi hmasa duh a.

Tichuan, hei Department hrang hrangin procurement-te leh contract hnate hi an ti tam a, he House zahawm takah pawh hian kan sawi hnem tawh a. Hei Police Modernisation chungchanga supply thilah te, tin, Agriculture-a thlai chi supply nasa lutuk mai, mipuiin kan mamawh, lo neitu tena an mamawh bak niawm khawp anga supply tih ang chite. Tin, quality thalo tak tak hman tlak loh te, Aieng chi pawh House-ah kan sawi hnem tawh a, quintal engemaw zat tam tham tak kha mumal lo deuha supply-te a awm a, chu chu

khawtinah, thingtlangah te zin ila, kawtchhuahah te, a motor trip trip-a paihte a awm a ni. Hengte avang hian kan Sorkar hian uluk taka heng supply thil leh procurement an tih reng rengah hian an kalpui a ngai a ni tih chu tlang hriat a ni a. Thil supply reng reng hi a lo received-tu, Member thenkhat ten an sawi ang khan, a pawimawh hlein ka hria a. A chhan chu a dan tha tak nei mah ila, a lo received-tuin a received that loh chuan leh a quality an maintain loh chuan thil tha he dan hian a hring chhuak chuang lovang tih ka ring a. Chuvangin, a hremna dan hi helaiah hianin a received-tu hremna dan hi section engemaw tak hi chu belh ni ta se chuan a famkim lehzualin ka ring. Chuti a nih loh chuan, vawiina kan hlawhchhamna tlangpui chu a quality tender an chhan laia a sample an pek ang nilo. lo received-tu ten an received tel hian thil kal diklo a awm thin a, hei hi kan ram tan thil thalo tak a nih avangin a pawimawh hlein ka hria a.

Mode of Payment-ah pawh hian a pawimawh khawpin ka hria. A bik takin tuna Sorkar phoi chuan, contractor,, register contractor ni lemlote pawh, supplier ni lemlote pawh kha nasa takin kan House Leader-in a sawi ang khan contractor sing chuang kan mamawh dawn a ni tih a sawite kha a takin an chantir em tihte kha. Party-a hotu ni tawh phawt chuanin hna an hmu emaw tih mai tur hi a ni a. Chuvang chuan, a payment laiah pawh hian thingtlang ami, an huatthu lovah, mawl ve tak takte an ni a, hengah hian harsatna tam tak an tawk thin a. Tun aia felfai deuh hleka miin hna an thawh a, tha taka an ti a nih chuan, an thawh hlawh an hmuhna turah hian felfai taka pek lehna tur dan pawh hi zeh tel dan awm sela chuan, tun aia mipui tan a tha zawk mai awm mange, tih ka ngaihtuah a. Tiang chuan, kan Sorkarin procurement a tih ang chi reng rengah hian leh contract hna a semah hian percent a lak dan pawh kan hria a. Hengte pawh hi kan House Leader pawhin helai House-ah ngei pawh 3% an lak thute pawh a sawi tawh a. Hetiang a nih hi chuan kan ram tan heng zawng zawngte hi tun aia felfai zawk leh tha zawka kan neih theihna turin he dan hi a famkim lo, a famkim taw lo deuh a nih pawhin kan lo pass a, Act a lo nih tawh hnuah pawh hian a thalo lai deuh te hi chu siamthat zung zunga kan ram tana devine kan kenkawh theihna atante, tin, corruption hluar ta lutuk mai leh a tawng thei apiangin corruption hi kan sawi tawh emaw tih mai tur hi a ni a. Mi zawng zawngin kan dolet theih nan hmanraw tangkai taka he Bill kan sawiho hi kan hman theih nan nakinah a kengkawhtu kan Sorkar lam pawhin anrawn kalpui ka duh takzet a.

Tiang chuan, kan ram siamna atana thil pawimawh tak leh kan ram tana thil tha tak tur a ni a. A Bill hetiang Sorkarin a lo buatsaih hrim hrim hi chu a hun thuhlaah te term tawp dawn hnaih a ni kan han timai pawh a, a nihna takah chuan kan ram tante he Bill hi Act a lo nih tawh hnua kan hman hunah chuan thil tha tak tur a ni tih erawh hi chu ka sawilang duh a.

Tichuan, vawiina kan Bill sawiho hi a famkim lohna lai deuh nia kan hriat, kan han sawilante pawh hi kan Sorkar lamin min lo chhinchhiah sak sela, tun aia tha zawk leh felfai zawka nakinah amendment lamahte pawhrawn kalpui leh a, tuna kan Bill sawiho laia belh a remchang lo a nih pawhin tih ka sawilang duh a ni. Pu Speaker, ka lawm e.

SPEAKER : Awle, Pu Lalchhandama Ralte leh Pu Liansuama kha in phar rual a, a senior zawk hi kan han Juhsak dawn em ni ? Pu Suama kha i lo sawm ang.

PU LIANSUAMA : Pu Deputy Speaker, ka lawm e. He kan Bill hi a thawm ka hriat atang khan ka lawm sa phawt a. Mizoramah Right to Information Dan kan lo hmang ta a, Right to Information Dan tifamkimtu tur chu he dan hi ni a ta bawk a, churang chuan, nupa nen tehkhin ila a sual awm love.

Right to Information dan te 4-na khan State Public Information Officer ten Department kalphungte, an hmalak turte, engkim an puang chhuak thin ang tih kan hmu a. Aizawl North-II bialtu khan a sawi tawh a, Session hmasaah khan Right to Information Act section 4 hi a nihna ang taka hman a ni em ? tih ka zawt a. "Ni e," tih a chhanna ka hmu a. Mahse, ka han luhkhung chiang leh deuh a, Assembly-a zawhna mai bakah khan, Department tam takah hian RTI dan section 4-na hmanga hmalak tawhte ka han dil a, min pe theilo an la tam khawp a ni. Chutihruah chuanin department thenkhatten tha takin an lo zawm tawh mek a ni. Chu Right to Information danah chuan Sorkarin (tunah pawh budget session kan lo zo dawn tep a) heng a hmalak tur Sorkarin a chhawp chhuah pawisa, wawiin te, hmanni tea kan pass-a hma an lakna tur kha an rawn tarchhuak ang a, churang chuan he Sorkar hianin tupawh inthlan lehah lo Sorkar ta sela, he dan hmanga hma an lak hi chuan kan ramah hi chuan thianghlimna tam tak kan hmu tawh ang a. Tun Session-a langsar angreng tak mai Agriculture Department-in Farmer Information System an ti nge ni ? vaibelchhe 59 lai work order an lo pe ngawt, tiang chi zawng zawngte kha a rawn veng vek tawh dawn niin a hriat a. He dan hi a tha ngawtin ka hria.

Section 5-naah hian he dan hi hman a nih atang chuan tumahin tender ko lovin hna an thawk tawh lovang, an ti hmiah mai a. Hengte hi a tha em em a. Section 6 te, Section 7 te, tender approcuring authority din tur a nih chungchang thute, accepting authority te, tender inviting authority te, bulletin officer te, mi pakhat mai ni lo, commttee-te pawh Sorkar hian a ruat zel dawn a ni a, a famkim thawkhat hlein ka hria a.

Tin, chu chang chu a ni lova, Sorkarin he dan a hman hnuah, pawisa lote lo awm ni ta se, penal provision a awmte hi a famkim ngawtin ka hria. A dawt dawtin han sawi ta ila, Sorkar apiang hian hmingchhiat hi hlawh a awl khawp a, Ruling party apiang hian hmingchhiat hi hlawh a awl thin khawp mai. Mahse, chumi phenah chuan tender lova hna tam tak leh supply tam tak hi department level-ah hian a lian nasa em em a ni. Chung zawng zawng chu he dan hian an veng mai turte kan ngaihtuah hianin dan tha tak a ni. A putlul hun a hi a tlai deuh hret a nih pawhin a tha hrim hrimin ka hria a.

Tin, chu lovah chuan Sorkar a lungawi tawk lo emaw, midang a hotute, Minister-te pawh an lo lungawi lo deuh a nih chuan, section 15 - 18-na han thlir chuan famkim takin file koh let dan turte engkim a chuang thlap mai a. Dan tha tak a nih dawn hi kati a ni. Tin, Pu Deputy Speaker, a tender department khat atan ram pum huap a nih chuan Deputy Secretary level aia hniam lo Bulletin Officer a ni ang a, District chauh a nih chuan, Deputy Commissioner-te pawh hman an ni ang tih section 7-naah kan hmu a, kan District Magistrate, kan D.C.-te hi an awl ta khawp mai a. Hetianga hman tangkai leh theih hi an tan pawh a lawmawm dawnin ka hria a. Section 8,17 leh 18 kan en chuan Power to obtain information, power to call for records tihte kan hmu a. Hengte hi thil thar a ni.

Tuna kan Dan neih mek lai hi kan tawng khawp tawh lova, PWDC code-te, PWD manual-te leh Sorkar atanga order tam tak a awm a, mahse, Assembly-a Dan siam ngatina min han hung hi chuan a tha dawn mange aw, kati. Chuvang chuan, he Transparency in Public Procurement Bill hi tu tan pawh a lawmawm lam vek a ni. Nichina a hmasa lama kan sawi tawh ang khan, kan ramah hian tunlai phei chu chanchinbu leh TV lamte kan han thlir a, kan ngaihthlak chuan, corruption chugnchang hi an sawi hluar hle mai a, a takna chinte pawh a awm ang a, hriat chian loh vangte pawh a ni ang a. Heng zawng zawng laka Sorkarin hmai a pihna turte pawh a ni vein ka hria a, Dan tha tak tur a ni.

Tin, Pu Deputy Speaker, hemina a ken tel tura lo beisei ka nei a, Rules-te pawhin chu chu a larawn thuam famkim ang a. Contractor Registered ni lovin hming hawha kan thawk nasa lutukte pawh hi contractor, a hming neitu hrem dawn ila, a tak takah chuan, a thawk lotu han hrem ngawt kha a buaithlak khawp mai a. Tin, mahni hming nilo, mi hming hawh an nih avang khan hnate pawh, supply thilte pawh a lo phuai deuh nge nge a, mahse, he dan kan neiha, Rules ten an thuam famkim hunah chuan kan ramah hian construction work a ni emaw, repair work a ni emaw, supply emaw procurement chi hrang hrangah mi ram state-te aia tha zawk mahin kan lo kal thei dawn ta a niin ka hria a. He Dan hi Dan tha tak, tihmakmawh a ni a. A hma leh a tlai chungchang thuah chuanin, nia, tuna term tawp dawn tep lama han pholan chauh chu tihte a awm a. Ni e, chuti a nih chuan, a hma zawng zawng pawh khan, keinite ngei pawh hi Sorkarah hun rei tak kan lo awm a, kan lo ti lem hlei lova, chuvang chuanin a tlai leh a hma lamah ni lovin, a thuin a ken han en hian kan ramin a mamawh tawh a, a tha ve hrim hrimin ka hria.

Tin, Right to Information Dan nena sawi kawp a remchan deuh avangin nichinah khan kan sawi nual tawh tho a. He kumtharah hi chuanin kan Sorkar lam hotute pawh hian Department tinte, SPOO ten hma an la chak lo lutuk hi chu a ngaimawh awm a. Chawhma lama kan ngaihthlak tawh ang khan Right to Information Dan a lo piang atang hian thil hi a inthup ta zawk mah mah emaw ni chu aw tih mai theih a awmte hi chu a tha lo ve hrim hrim a ni.

Chuvang chuan he dan kan nei a, tin, a rules a siam chung hi rei lo se tha bawkin ka hria a. Chungte chu ka'n sawi a.

Tin, a tawpberna atan chuan Vigilance Department Bill ni lovin Finance Department Bill ni sela chuan a tha zawk awm mange aw kati a. Department allocation hnathawh tur allocation dang dang hi chu Sorkarin a ruahman theih mai a ni a. A chhan chu Finance hian expenditure leh thil sanction engkim control-tu an ni a, Vigilance atanga he dan hi enkawl ai chuan Finance atanga enkawl ni seng chuan hun lokal zelah a effective zawkin ka ring. Sawi tur dang neuh neuh chu la awm mahsela, chu chu ka'n duhtawk mai ang a. Lungrual taka he Bill hi pass chi a ni tih ka'n sawi ve a ni e. Ka lawm e.

PU LALCHHANDAMA RALTE :

Pu Deputy Speaker, ka lawm e. Vawiina kan bill ngaihtuah hi sawi rei vak pawh ngailoin an han sawi dan tlangpuiah khan a tha kan ti tlang a. Kei pawh hun tawi te han hman duh ka ni a. Hmanniah pawh ka sawi tawh ang khan dan siamtu kan nih anga kan ram kan hnam tana tha tur hetiang anga House-ah Legislator ten kan han sawiho thei tura chhawp chhuah a lo ni hi a changtu Minister-te leh Department lam official-te pawh an fakawmin ka hria a. A hmasain chu chu ka'n sawi duh a.

Tupawh Sorkar ila, kan kal zelna turah he thil hi thil tha a nih avangin thahnem ngaih thuah kan han inau fiam vel nachungin helai hi a tha hlein ka hria a. A lehlam zawnga han ngaihtuah phei chuan kumin inthlan kumte a ni a, Sorkar kan tum vek mai si a. He Mizoram Transparency in Public Procurement bill han sawihoah pawh a tlai tawh lutuk kan ti nge, hei hi chuti khati tihte pawh han awm mahse, a tu a te pawh lo Sorkar dawn ila, kan tana thil tha helaia lo pass lawk hi a tul avangin kan in support a tulin ka hria a. Tin, keini la Sorkar chhunzawm zel tur tante phei chuan hetia kan han invalh lawk pawh hi a tha hle a ni tih kha Pu Zira te kha, Pu Deputy Speaker, kan hrilh lawk duh hrim hrim a. Tin, hei tuna kan han ngaihthlak ang leh kan hriat tawh angin Department hrangte hianin an mamawhte an procure thin a. Hengah hianin dan mumal tlawhchhante kan nei tawk lo thin a. Nichina a sawi ang khan, executive order leh chi hrang hrang hmangete, tin, DPAB te SPAB te through-in selection-te an han ti thin a ni a. Hengah hianin thil fel tawk lo leh engemaw kim hlel deuh thil tam tak a awm fo thin tihte kan hria a, tuna kan House-ah ngei pawh, i vei lama thute pawhin an han sawi tam tak kha supplier-te thil supply chungchante eng eng emaw felhlel a awm a ni lawm ni tih ang chite pawh a awm deuh kha. He House-te pawh mipui ten an thlir laia kan inhniaina tamna ber pawh kha a awm thin a, he dan hi mumal taka kan nei a nih chuanin thil fel zawk, langtlang zawk a awm thei dawn niin ka hmu a, chu chu ka'n sawi duh a.

Tin, a piahlahmah hian Department-a thawktu Officer-te ngei pawhin Departmental thila thil engemaw an procure thin pawh kha helaiah hian a ceiling-te rawn siamin thil tam tak a rawn ti a. Department official-ten Sorkar lam Ministry-a an pute hriat loh pawh thil tam tak an tih thin pawh a veng a, hei hi public tan leh Sorkar tan a save side hlein ka hria a, chu chu ka'n sawi tel duh bawk a. Tin, helaia dan leh dun a han sawiahte pawh khanin section 5-ahte pawh khan procuring authority mumal tak a awm chungchangahte advertise ngei ngei a ngaih chungchangahte authority-ah khan member awm dan turah a technical mi bakah mithiam academician emawm, NGO te pawh awm theih dan tur Rules kan tih chhoh hunah chuan a awm ang a. Ran/Hnam tana him turah ka ngai a.

Tin, short supply awm nasa thinte, tender a niha a sample an pek angte a dik ngei em ? chutiang ngei chu an pe em ? tih ang chuite hi a lo receive hunah monitoring lam hi tihchak a ngai hle dawn a ni. Dan tha tak pawh nei mah ila, tupawh Sorkar sela, a implement lai hi a pawimawh lai a ni a. Nakinah Rules duamchhuah leh hunah pawh chung chu pawimawh ka tih lai a ni a.

Tin, tukinah pawh kan sawi Member thenkhatte thahnemngaihna chungchangahtan Rules siamin hunah procurement tihchhoh hunahte a theih chin chinah chuan kan State Revenue a hlawk zawk theihna turin VAT clearance certificate nei ngeite chauhin tender an chhan theih dan turte pawh hi siamin tel a tulin ka hria. VAT pe lo/chawi lo ten eng eng emaw an ti thin a, open tender-te a lo ni a, kan han tender a, chanchinbu hrang hrangah state dang atangte pawhin an rawn chhang thin a, khawi company/firm ten emaw an rawn chhang a, an state-ah chuan VAT pe mahse, kan state sum tam tak an lachhuak a, an haw ringawt mai a, VAT pe loin, Mizoram Sorkar hnuiaia kan mamawh kan procure tur reng reng chhan tur awm chi qualifying pakhat atan VAT clearance an nei ngei ngei tur a ni tih hi Rules-ah kan telh a tha hle a. Hei hian tu Sorkar pawh lokal zel se, langtlang Sorkar kan sawi fo thin hi a taka a lo chan theihna tur kawng niin ka hria. RTI kan sawi thin a, RTI hmangin thil tam tak kan chhui a, kan ti thei kan ti a, Sorkar file zep ruk lohin en theihin a awm kan ti a, mahse, a management-ah thil tam zawk, public money kan hmanralna tur ang chite tha zawka hman a nih theihna tur, a venna/damdawi kan siamin hi a tha kati takzet a ni.

He dan kan siamin ka ngaihpawimawh lai chu quotation kan call/tender kan koh laia a sample kan pekte, kan mamawh zat kha an pe reng em ? A Vigilance kha a hnu zel atan khanin supply-tute emaw tender chhangtu kan pe ta a, official-a lo dawngsawngtute nen khan short supply a awm thei thin fo ang chite, helai monitoring tihchak zual a tul tih ka sawi uar duh leh, tin, chumi piahlahmah chuanin VAT clearance nei chauh tena an chhan theihna tura procurement kan mamawh reng rengte an tih theihna tur hi nakinah Rules-ah hian min ngaihpawimawh sak thei hram se tih a kha thahnemngai takin ka'n sawi belh duh a ni a.

He Bill tha tak, 'The Mizoram Transparency and Public Procurement, 2008 hi House hian lungrual taka kan pass hi mipui tan, kan rawngbawlna kal zel tur atan thil tha niin ka hria a, ka thlawp a ni tih ka sawi duh a ni e. ka lawm e.

PU SAILOTHANGA SAILO : Pu Deputy Speaker, ka lawm e. Vawiina kan Bill, 'The Mizoram Transparency Procurement Bill, 2008' hi a pawimawh khawp mai a, ka hmaa Member zahawm tak ten an sawi ang deuh khan, kuminah MLA

inthlan a ni dawn a, an Sorkar dawnin a lang tawh si lova, chuvangin Sorkar turte zalen taka an awm hi an thik awm deuh a, he Bill hi pass tura rawn putluh hi ang kati a. Pu Deputy Speaker, a chhung thu hi a tha, a tha khawp mai a, sawisel tur awmin ka hre lova, chuvangin kan Sorkarin he Bill tha tak an rawn pulut hi lawmthu ka'n sawi a, Pu Deputy Speaker, Pathian leh kan ram tan tih hre rengin he Bill pawimawh tak, Sorkarin a rawn pulut hi Sorkar chungah lawmthu ka sawi duh a. Tichuan, Pu Deputy Speaker, he kan Bill-in a tum, he kan Bill chhung ami, keimaha langsar tak, pawimawh ka tih em em, ka'n sawi duh chu, tender leh quotation chungchangah hian a ni a. sorkarin tender leh quotation a ko fo thin a, helaiah hian Sorkar a fimkhur tawh loh avangin Sorkarin pawisa tam tak tul lovah a chawi belh fo thin a, tun Mizoram Sorkarah pawh he thil hi a thleng mek a, a thleng tawh a, chuvangin, a thlen zel loh nan Sorkar hi tender leh quotation chungchang nasa lehzuala fimkhur turin kan han inchah ve duh a.

A bikin non-Mizo te hi chu fng deuh an ni a. engemaw agreement han sign dawn hian Sakhi thingchung han lawn ang deuh hian an ni hi chu rilru an nai a. Chuvangin Agreement sign tur reng reng hi vawi 4/5 non-Mizo, hnamdang hi chuan an chhiar a, an chhiar chhuak thlap a, chulaiah an tana thalo tur awm ang kha chu peih takin an sawisel a, khatiang te te khan thil hi an bei peih a. Keini kan Mizo zingah chuan, a! hei ka Pu, agreement sign tur a awm an ti a, chhiar mang lo hian kan han sign liam puat thin a. Amaherawhchu, hnamdang hi chu an fimkhur hle a ni. Chuvangin, Sorkar hi fimkhur takin agreement sign tur chungchangah hian hma la se tih kha uar takin ka'n sawi duh ni selangin.

Tichuan, Pu Deputy Speaker, ka'n sawi leh duh chu. Supply a ni emaw, contract a ni emaw, a bikin P.W.D. ahte hna tam tak a awm a, Sorkarin mi leh sate duhsak nan, tuamhlawm nan an pe thin a, kan lawmpui a. Amaherawhchu, hna lian tak tak, nuai 300 te, a aia tam te a lo ni a, a dik chiah chuan, ka tawng tu huatthu suhah, heng hna han thawk tur hi chuan mihausa thawmhnaw a ni ka'n ti teh ang, ngaih loh lamah lo ngai lo sela. Mihausa thawh chi a nih avang hian han ti ila, amaherawhchu, kan hotuten in duhsak a, in pe a, tikhan, an han hralh a, an sawi thin angin 3% te Sorkarin a lo khawn a, hna an zawh hnuah 70% te emaw te an lo khawn leh a, a contractor khan hlawh a lo duh

ve bawk si, a hming hawh khan pek a lo duh ve bawk si, khatiang avang khan hna hi a chhiat phah a ni a. Chuvangin, hna pek dan hi Pu Deputy Speaker, fimkhur hi a tul hle mai a. Vawinah pawh kan hna chhiatna bul ber hi chu, sum nei manglo, puk chawpin ti teh ang, tena kan thawh ve, a! kan thawk a nih pawhin rinawm takin thawk ila, a tha a ni mai a. Amaherawhchu, nei leh nei lovin kan va thawk a, mi pawisa kan va puk a, a pung awmin, Sorkarin, sawi ang khan, tikhan, a lo khawn bawk si nen. Khang zawng zawng belh khawm khan kan hmai a chhe thin ta a ni a, Sorkar hi fimkhur a ngai khawpin ka hria a.

Tin, bungraw supply chungchangah pawh hian quotation emaw, tender emaw Sorkarin a ko ta a, sample-te emaw Sorkarin a lo dil ta a, kha sample an pek ang chiah chiah supply tura tih an nih rualin tam tak hian sub-standard hi pek fo a ni thin a, hengahte pawh hian tun hnuah chuan Sorkar hi fimkhur lehzuat turin ka'n han ngen ve ni selangin.

Tin, Pu Deputy Speaker, pawimawh em em mai chu, Mode of Payment leh Mode of Transport chungchang pawh hi a ni. Helai hi a nihna ang takin Sorkar hian kalpui sela kan duh a. Tin, comparison chungchang hi a theih hram chuan tenderer emaw quotationer emaw a tam thei ang ber inthlak fo selangin, mi pahnih khat maia comparison han siam hi a fuh lo fo a. Tin, FOR hi ngaih pawimawh a tha bawkin ka ring a, tin, mamawh miah loh bungrua kan lei thin hi a tul lovin, pawisa tam tak kan khawhral thin a. Hei pawh hi a theih hram chuan tih tawh loh nise kan duh a. Pu Deputy Speaker, he thilah hian sawi tur tam tak a awm ang a. He Bill a rawn pulut hi a lawmawm kati a, amaherawhchu, 2000 kumahte lo ti daih tawh ila, a hma lamahte khan pawisa hi nasa takin kan save tur a ni a. Term tawp dawn lamah tianga kan han tih erawh hi chu a fuh chiah lovin ka hria.

Chuvangin, he kan Bill pawimawh tak hi Pu Deputy Speaker, pass ngei hi a tha kati a, sawi dawn chuan sawi tur tam tak a awm ang a, ka'n repeat leh duh chu, quotation-ah leh tender chungchangah Sorkar fimkhur sela, an mahni rawn beilet lehna tur lai thu kha ngun taka/uluk takin tih fo ni selangin. Tin, sample an pek ang ngei a pe turin Sorkar hian khauh takin ti bawk sela. Innamnul mai mai kan ti a, chuvangin a bik takin, Police-ah pawh hei hi uniform supply chungchangah sub-standard an sample-a an pek loh avangin Police Department hian harsatna tam tak a tawh niin kan lo hria a. Sub-standard nasa takin an pek avang hian Police-ah pawh harsatna a awm a ni.

Chuvangin, Pu Deputy Speaker, kan la chin vak loh, kan la chin zel tur ni a lang chu, supplier-in emaw contractor-in emaw bungrua an supply tawh chuan Sorkarin a lo receive tawh a, 'a tha e' in good condition-in a lo receive tawh a nih chuan, engvang pawhin payment hi an delay tur a ni hauh lova, payment hi delay a nih chuan, Sorkar hi khin thianga ni. Kan ramah hian kan la ching lova, kan Bill kum 2/3 tang tawhte a awm fo thin. Heng hi miin Law Court-ah an la kalpui lo mai mai a ni a. Tunah hei Transparent takin thil kan ti chho a, tin, RTI Act-te hmangin bill rei tak tak/pending hi Sorkar khin

theih a ni. Chuvangin, miin bungrua a pek tawh chuan, Sorkarin a recive tawh chuan a rang thei anga bill-te pawh Sorkarin pe thin se ka duh a.

Pu Deputy Speaker, a tawp ber atan chuan, he kan bill hi a tha khawp mai a, sawisel tur a vang a, a puluttu Sorkar hnenah leh a mimal hnenah hian lawmthu ka'n sawi a. He bill hmang chho zel tur leh fimkhur taka Sorkar kal turin ka'n han sawiin ka'n han ngen ni rawh se, ka lawm e.

(Deputy Speaker : Pu R. Lalzirliana hi sawm veleh phawt mai ang aw.)

PU R. LALZIRLIANA : Pu Deputy Speaker, ka lawm e. Hei kan thiante khan an sawi a, thudik tak tak vuk mai kha an sawi a. Thu tha tak tak Ruling MLA te pawh khan he Dan hmanga kan kal dan tur corruption do theih dan turte an han sawi chhuak a, a lawmawm kati a. Hemi hi Dan a lo chana, Rules-te han peih meuh hunah chuan heng kan hotute ho hian an ngaithla ngun viauin ka hria. In thusawite pawh kha an lo chhinchhiah vek a ni. Pu Rinate ho, Pu Mama te ho hian tha takin an rawn kengkawh turah ngai ila, a tha ang e.

Ka'n sawi duh hmasa chu, Treasury Bench lam atanga he 'The Mizoram Transparency in Public Procurement Bill, 2008' hi an rawn siam tak tak a nih ngai chuan, an thluak hmanga an rawn tichhuak a nih ngai chuan, thil chiang taka lo lang ka rin dan chuan, kan Speaker leh Deputy Speaker leh MLA pahnih/khat chu mitha an awm ve a ni. Dina duh tak tak an awm a ni. Chung ho pressure atanga lo chhuak chu a nih ka ring a. Pu Deputy Speaker, tunhma kum 9 vela an kal dan zawng zawng kha mipui huap lo lutuk, dan tlawhchhan tur mumal pawh neilo a, hetia han kal ngawt mai a, tender-te an han ti vak vak a, tender lohin an ti a, khatiang ang kham pawl kha he Sorkara Treasury Bench-ah pawh hian an awm a. Chung pressure avanga rawn chhuak chu a nih ka ring a. Engpawh nise, an kal dan kha hei aia tha deuh zawk chuan kal i tum ve ang u tih an lo pawmpuite pawh ni fahmiang, an hotute hian, a lawmawm khawpin ka hria.

Tin, chulo lehah chuan, he dan hi ka rin dan tak tak chuan, Official-te hian inthlan a hnai tawh a, kan Sorkar hi hlau tawh chuang lovin kan ram hi hetah thalaite leh mipui hrim hrim, Kohhran atangin kan dik lohna a nasa lutuk tawh a, chuvangin tumah hlau lovin he Sorkar hotute pawh hi rawn chuang lovin, he dan hi an rawn siam chhuak tawp mai a, an ni tan lo pawm loh kha chu tunlaih transparency kan duh e, kan ti a. Helaiah kan hmui hmawr chuan kan sawi a, thilung chuan hlat hle mahsela, an tan lo pawm loha he Bill rawn putluh loh kha a har tawh tlat mai a ni. Chuvangin kan Official-te hian hei Vigilance atanga an rawn ti te hi a inhmeah kati a, kei chuan. Thil an hrechiang ve a, engmah hlauh nei lovin he dan tha tak mai hi an rawn siam chhuak hi a

lawmawm hlein ka hria a. Hetiang hian kan sorkar hnathawkte pawh hi huai zel turin ka han chah duh a ni. Chutah chuan, a chhunga thil awm vel hi a that viau rual hian tuna hetiang dan tlawhchhan mumal kan neih loh laia kan tih reng, kan practise rawn awm ve ta lo ang chite hi kan Official lam hian an palzam chhovang tih hi ka hlau angreng viau a. Hei tender leh quotation han koh leh, pawm leh pawm loh chungchang velahte hian, miin tender an kova, an han chhang a, quotation an han hawng a, khangah khan a sample an rawn keng tur a ni, a sample ang chiah kha an supply tak tak dawnah pawh an rawn keng tur a ni, tihte kha chu awm ve ta sela chu tha kati khawp mai a.

A chhan chu tun hnaiah pawh kan hria a, Health Department-ah te hnamdang supplier-in sample chu a pe ngei mai a, amaherawhchu, a sample ang kha a pelo nge ni ka hre lova, khangah te khan he dan hi awm tawh sela chu vawiin nia a kaikuang lo zawk, lehlamah chuan kan zu haw ta zawk lek lek mai a, kha hnamdang supplier khan thil chhe tak a supply chuan helaia a lo dawngtu Minister-te kha kan kawh rawn ang a, kan vaw zawk tur niawm tak a ni a, chutiang ni lova, a lo pawmtute leh helaia insiamremnate kha kan ngam zawng zawng kan han ti vak maite hi chu zahthlak tak a ni. An sample rawn ken ang chiah kha an lo receive tur a ni ringawt, Sorkar hnathawkte hian tender hawn a nihin a chhangtute an awm ve laiin dan angin kan neih, mahse, dan angin an awm tlat lo mai a, a rate dik tak kha an puang tur a ni a. Rate an puan si loh chuan kan lo practice ang thil tha tak kha he dan hian a paih ta zawk emaw ni chu aw a tih theih a. Helai hi transparency kan duh a nih chuan he dan hian chu chu a tibo mai ang tih chu ka hlau khawp. Chutihrualin a procuring-te pawh engkim mai hi uluk taka minute hi a ngai, chutilo chu vawiinah hian kan vorker-te, politician, Minister leh MLA te zuk hrem tak tak hleihtheih loh laiah hrem loh tur zawk official hi kan hrem fo mai dawn a ni awm mange aw tiin ngaihtuahna min neih tir a. Official-te an lo inven vena tur thil kan siam sak a ngai tih hi ka hmuh dan a ni. Chuta Chiang em em chu, vawiinah hian he dan hi lo nei tawh ila chuan, New Capital Complex-a building chhe em em, enquiry commission an din a, chu chuan report an thelut tawh a, kha kha chu thudang nise, tender an ko a, a 2-na, 3-na thildang pawh tam tak a awm a. Khatla lungrem chimte kha han ngaihtuah ta ila, he dan tender thlan dan chungchang leh tender a ni ngei ngei tur, a tilo chu hrem tur tihte kha lo awm chu nise Official hi vawiinah hian chhuichhuah an ngai miah lo ang. A nihna takah chuan, Department work kan ti a, purely Departmental a nilo reng reng, diktak chuan nise an department khan tha takin cement proportion dik takin hna chak rum rum lovin an thawk ang a, kha hna kha a tha em tur a ni. Mahse, a work agency kan ti nge ni, kan han thlang ta a, duhsak zawng kan han thlang a, kan duhsak zawng kan han thlang a, helaiah hian a tak a ni nge nilo chu ka hre lova. TV-ah khan fakselna hunah khan ka en ve zawk a, ka en lai tak chuan Mamit Pavilion chim remtupa bawk kha he Khatla lung remtupa hi a ni sawhbeh tih kha a lo inziak kuau mai a, an rawn puang a. A tak tak a nih leh nih loh ka hre lova, mahse, huaisen taka khatianga an tih ngam chuan a ni mai awm mang e kati a. Khatianga a lo ni tak tak te a nih pheih chuan, khatianga ang mitling lo, mithalo, contract thawk lo tur kha hi dan hi awm tawh se chuan an thlang thei miah lovang. Chutianga chuan,

Bawngkawn lungrem chim te. helai pawh mi thihna a ni a, a pawh em em a ni. Khangah khan kan chhui tak chu, Official-te an ni tlat. a tihirtu chu Minister hi a ni vek a ni. a mawhphurtu tur chu. Chuvangin engvangin nge official kan chhui kan chhui. Khatla mitlinglo leh hnathawk tlaklo contractor eligible lo, registered contractor pawh nilo kha kan zu thlan a, hei hi thawh tir rawh u, kan tih avang khan a lawm hna hi a chhiat em em. Pu Deputy Speaker, chuvangin, chutiang ang venna tura he Bill an rawn chhawpchuak hrim hrim hi a lawmawm kati a, mihring hi famkimlo vek kan ni a, tunhmain kan lo diklo a, chungah chuan kan diklohnate inhria a, inlamleta hetiang ang tih tum tak tak kan nih chuan a lawmawm kati. Amaherawhchu, 2002 – 2003 vela Bill kan pass tawh pawh kha vawiinah hian Act kan pass tawh a. Rules pawh awmlo a hman theih loh implement loh hi a la awm thluah a ni. Chuvang chuan hei pawh hi nakinah muangchanga hetiang dan tha kan lo nei hi chu keini chuan rawn implement vat kan tum ang. Pu Deputy Speaker, ka lawm e.

PU K. LALRINLIANA

: Pu Deputy Speaker, ka lawm e. Hei 'The Mizoram Transparency in Public Procurement Bill, 2008' putluh a ni hi a lawmawm hlein ka hria a. Sawitute zawng zawng deuhthawin hetiang dan/bill putluh a ni hi a

lawmawm kan tih thu kan sawi tlang deuh vek a. Hei hi a lawmawm hlein keipawh ka hria, sawi tam lova pass mai hi a tha mai lawm ni. Tin, sawi pawh sawi ve lo mai ila tih kan ngaihtuah a. Amaherawhchu, thil pakhat sawi ve ka duh a, hetiang dan kan la neilo chung hian tunhma kum 9 kal ta te khan contract hna kan inpek chungchangah supply a ni emaw, thildang dangah tender-a hna kan pek chungchangah te pawh dan lova kan kal avanga inkhinna hi ka hre lo angreng khawp mai a. Chuvang chuan, hetiang dan kan la neilo chung pawha tha taka kan lokal thei thin kha a ropui hlein ka hria a. Sorkar neituten ram an hmangaih zia a tilang chiang hle mai a. Tunah hian dan kan neih theihna tur atana Bill putluh a ni chho zel hi, inthlan lo awm leh tura kan Sorkar hunah pawh chak takin kan kengkawh chho dawn a ni.

Tunkum chung ngei pawh hian chak taka kan kengkawh chhoh hi ka beisei khawp mai a, an lo siam tlai lutuk a ni, Sorkar tawp dawnah in pulut a, min han ti a. Ka ngaihtuah a, tunhma hun kalta 1989 atanga 1997 inkar te pawh khan pulut tlai titute pawh khan an lo siam lo kha mak kati angreng a. Engpawh nise, khatah khan tumah inpuh thei kan ni lova, siam lohvin a awm zo tawh a, vawiinniah hetiang anga Bill putluh a ni hi tha kan ti tlang theuh a. Chuvang chuan hei hi kan ram himna tur, kan hnam damna tur pakhat a nih avangin he Bill hi pass ngei thei ila thain ka hria a.

A dik tak chuan, contractor-ten chawhma lamah pawh zawhna leh chhanna hunah te pawh khanin VAT chungchangah kan han sawikai zauh zauhah khan hna inpek chungchangah te hian contractor-in tute emaw

hnenah a lo hlan chhawng a, tribal-in non-tribal hnenah a lova hlan chhawng a, chhiah an awl phah a ni tih ang chite sawi a awm kha. Hengte pawh hi vawiinah a tikiam chho dawn niin ka hria a. A dik tak chuan heng kawngah hian miin hna a hmuh a, Sorkar hriatpuina lova a hralh chuan a thawktu kha midang nimahse hei hian a thawk a i timah ila, ka thawh a ni, hei hi chu ka enkawl tir a, ka rawih a ni a tih tlat chuan tihngaihna a vang em em a ni.

Tin, tender chhan thua pawh hian a dik angrengin ka hria a, thenkhat hian mi hming hawh a chhan te hi an ching niin ka hria a. Khang kawngah pawh khan a pe theitu tur, a tenderer-te pawhin uluk zawkin an ngaihtuah thei tawh ang a. Chutiang chuan a nihna ang takin a thawk theitu tur diktak ten an thawk thei tawh ang.

Tin, materials supply tur ang chi pawh a tha zawk supply a ni chho tawh ang a, nichinah Saitual bialtu zahawm takin a sawi tawh ang khan, materials thalo supply chungchangah pawh fimkhur takin ziah belh nise, tih pawh a rawn sawi tel a. Mahse, nakinah a Rules-ah te la duanchhuah ni turah ka ngai a. Chutiang zawngin thil tha zawk piang chhuak thei turin supply chungchangah pawh materials-ah duh ang leh tlo turte supply a lo nih phah ang a. Chumi bakah department-in hna a neih ang chi tender loh chuan pek theih a lo ni tawh lo ang a, tha zawkin ruahmanna felfai takin kalpui a ni chho turah ka ngai a. Hetiang ang bill putluh a ni thei hi a lawmawmin ka hria a, pass ngei thei ila tih ka sawi duh a ni e. Ka lawm e.

PU LALHMINGTHANGA : Pu Speakr, hei Mizoram Transparency in Public Procurement Bill, 2008 vawiina introduce-a a awm a, helaia kan discuss thei hi, hun lokal zel tur atana rahbi tangkai tak tur a ni tih a hriat a. Tin, a Bill kalhmang pawh hi a tha viau a ni, a kimchang angreng hle a, mahse, experience kan lo neih tawh thenkhat atangin duhthawh thilah eng eng emaw a kimlo lai leh belh ngai deuh, nakinah a Rules siamtu turte tan pawha hriat tur sawi a pawimawhin ka hria a.

Pakhatnaah chuan, hemi kan provision pakhat clause-4 exception to applicability tihlai takah hian fimkhur ngai tak a awm a. Phek 3-na, Explanation-a F-na-ah khan DGS and D Rate contract thu a rawn sawi tel a, Mizoram Sorkarah hian hei kum engemaw zat kan kal tawh hnuah DGS and D rate, contract-a thil kan lei ho reng reng hi quotation pawh chhuah loh, tin, a rate pawh koh loh, a rate hman nghal mai a ni ta a. A tlangpuiin heta pawisa kan hman thin hi kan enchian chuan, suspence accounts ami a ni deuh zel a, stock suspense amite, chuan PWD Godown-ahte Works Department deuh PHE Godown-ah te leh P & E Department Godown-ah te tunhma lama inspection-te an neih khan excessive purchase leh thil tul lemlo un-necessary purchase hi a nasa em em mai a ni. Thawkkhat laite phei kha chu tuboh ringawt pawh hi kum 100 daih lei tawh a awm

awm a sin mawle tihte a awm a. Tin, GI Pipe lamte pawh, chutiingin Iron Rod lamte pawh, khami lai tak zuk control-na tura provision hi a tel lova, excepti9on-ah kan la dah leh ta cheu si a, hemi hi chu amend leh a nih loh chuanin tun la laah pass hmaa dahrem leh chi a ni dawn si lova, a Rules siamtu delegated legislation titute tal khan khalam kha lo ngaihtuah ta sela a tha awm mange tih ka rilruah a awm pawt a.

Tin, a dang leha chuanin quality control provision hi duh angin a tello leh tlat mai a, heta a dan kan siam pawr pawrah hi chuanin tender/quotation ko ngei ngei tur a ni a, a excepting authority an awm ang a, a scrutiny committee an awm ang a, a tendering committee an awm ang a tih kha a rawn kal pur pur mai a ni. Amaherawhchu, kan buaipui ber thin lai hi a chhungrila a kaikuang tak tak zuk pin dawn na tur lai provision taka hi tahhianin duh ang chuan a tha taw lo tlat a ni. Chu chu corruption tih leh thildang kan sawi lai tak chumi kawngka inhawng zim tur zawnga ngaihtuahna a famkim lo deuh niin ka hria. Ka hmalama sawitu Aizawl North-II bialtu khanin a rawn sawi kha hemi goods delivery clause a kha material delivery clause hi a rawn ngaihpawimawh hi kha tak a kha a awm mumal lova.

Tin, a payment chungchang thu kha a awm mumal lo leh ta a ni. Chumi pahnih chu sawi tawh mah nise, ka'n sawinawn leh duh a. Khami rual khan kha khan quality control pawh a ken tel a ngai a, kan buaina ber thin lai a hi quotation-te pawh an ko thin e, tin, a sample-ah chuan a rawn quote-tute pawn quality tha deulte an rawn pe thin e, thil chi hrang hrangah a niang, Agriculture lamah seed purchase-ah te pawh a niang, tin, Police Uniform lamahte pawh a niang, a dang materials thilah te pawh a niang. Tin, works department-a iron rod leh thildang engemaw complicated tools and plants te pawh a niang, mahse, entirnan, Medical Department-ah surgery leh medicine lamte pawh a niang, mahselangin, a delivery takah khan a quantity dik takah leh quality khatilaia excepting athority ten an pawm ang chi kha an ti em tih laia hi a corruption, a kaikuang awmna lai tak kha chu a ni ta thin a. Chumi lai, a tawmkuk, a provision va luhchhuahna tur hi a awmlo deuh hlek a, hei hi amendment siam leh theih hunah te chuan telh hi a tha khawpin a rinawm a ni.

Tin, Review Committee hi hetah hian a province siam a nilo leh a, Review Committee hrim hrim hi awm ta sela, chumiah chuan official mai ni tawh lovin, kan provision hrang hranga, entirnan, Tendering Authority-te, a Scrutiny Committee, Accepting Authority, heng ho zawng zawng kha a official viau mai a, mahse, Review Committee-ah chuan kum khatah vawili han thutkhawma public representative-te pawn hetah hian sample case hrang hrang han ching chhuaka, ngaihnan, he House-ah ngei pawh laid ve leh theihna tur ang chite kawng zawng provision hi awm thei sela chuan a tha leh khawpin a rinawm a ni. Tin, penalty clause han en hian a zuk che thuk lo viau mai a, whoever contravenes the provisions of this Acts or the rules made there under shall be punishable with imprisonment for a term which may extend to three year and with fine which may

extend to five thousand rupees, helai provision-te at contravene-a thawkte chu hetiang hian hrem theih a ni ang a tih rual hian, a pawl ber lai, a material supply-a corruption rawn practice-tu leh money transaction-a a tisualtu, ram pawisawi thin lai zawk a te penalise tur hi hei hian a huam tello tlat mai a ni. Chuvangin helai a procedure han laid down et et laite rawn bawhchhia kha chu hrem theih a ni ang a tih lai khan, a ei mawih tu tak tak, a sulrul a zuk hremna tur laia kha a rawn tello deuh tlat mai a. Chuvangin penalty clause-te pawh hi remchang a awm hunah chuan heng aia thuk zawka, a huam famkim zawka siam a that hmei khawpin a lang a, chung ho chu hetia han thlir a, kimchanglo deuha han lang chu a ni ta a. Chuvangin Pu Dy. Speaker, dan kan neih ngai loh han nei chho tur leh hun lokal zel atan tu Sorkar pawh lo ding selangin rahbi tha tak rawn siam chhotu tur a nih avang hian lawmawm kati a. Mahse, duhthawhna atang leh thil tha zawk leh problem liana kan ngaih kan han sawi kan han sawi kha zuk take care-na atan chuan hei aia kimchang leh hei aia la belh leh tur provision la awmin ka hria a, chu chu ka'n sawichhuak ve duh a ni e. Hei hi dan pass chakawm tak pawh a ni a, Pu Deputy Speaker, ka lawm e.

DEPUTY SPEAKER : Tunge han sawi ve leh ang? Pu Lalduhoma.

PU LALDUHOMA : Pu Dy. Speaker, tunhma lama Delhi-ah te kan zin thin khan, vai ram tihrehawmtu chu Taxi Driver ten min bum thin kha a ni. Airport atangin min han phur a, Rs. 100/- chawina turah Rs. 200 te Rs. 300/- te chawi a ngai a, kawngkualah min hruai thin a, chu corruption tireh tur chuan Driver-te kha camping-ah i luh tir vek ang u, an ti lova, i ban vek ang u, a thar i la ang u, pawh an ti lova. A system hi i thlak ang u, an ti zawk a ni.

Tichuan, Rail Station-ah te, Airport-ah te, pre-paid Taxi service an siam ta a, chuta tang chuan Taxi chuan man kha Driver hnenah an pe ngai ta lova, chumi chinah chuan Driver-te kha keini aia petrol sen tlem duh zawk leh thlen hlan nghakhlel zawk an lo ni ta vek a. Short cut thei ang berah min hruai a, hmana min hruai kual ching leh mi bum chingte khan an ching ta lo. A mihring chu an la ngai reng, an thinlung pawh a la ngai reng, la tih theih se tih an la duh reng. Mahse, a tih theih ta loh, a mihring thlak vang a nilo, a system an thlak vang a ni.

Kan ram harsatna hi Chief Minister thlakthlenga tihreh chi a nilo, ruling party thlakthlenga dam chi kan nilo, a kalphung, a system thlaka dam chi kan ni. Chuvangin, kalphung thar tih hi tawngkam mawi mai a ni lova, awmze neia kan auchhuahpui a ni. Kan ram harsatna lian ber pakhat chu corruption a ni. Tu Sorkarna hnuaiyah pawh hian bu khat mai a nilo, bu engemaw zat chhiara chhiar fe tham hlemhletna hi, a buin chhuah tur a awm vek.

Chumi ata kan fihlimna tur chuan system tha kan mamawh a, a kalphung thaa kan kai hunah chuan miin a ti duh tawh dawn lo a ni lova, ti duh reng chung a tih theih lohna Sorkar system hi kan siam a ngai zawk a ni. Chung corruption dona atan chuan measures chi hrang hrang a awm a, kan ngaihpawimawh chu RTI te a ni a. hetah kan rawn pulut a, an duh lova, min phar thlak sak a, tihluhnain India Sorkarin a rawn tihluh tir a, tha vak lo kan han nei ve tawh a. Chumi hnuah chuan, municipal kan mamawh kan ti a, Bill kan pulut leh a, an duh leh lova, min pharthlak sak leh a, loh theih lohna kan bill kan siam kha a tha zawk daih, tuna in siam, hman pawh in hreh ngawih ngawih, leh in term chhunga hman pawh in tum loh, kan chian em em hi, chu aia Aizawl Development Authority duh zawka, theihtawpa hma la in ni a, kan hre vek. Tukin zingah pawh khan, Chair kha a rawn address lo tlat a, keimah mi rawn address atin a ni. Pu Deputy Speaker, hau deuh teh, a rawn ti hmasa a nih kha. Tichuan, loh theih loh nain tihluhnain chu dan chu hreh tak chungin an lo pass ve leh a, kan pass-pui zel alawm, keini chuan, kan sawisei hlei nem, chutah Fiscal Responsibility Budget Management Act hi kan mamawh kan ti leh a, kan pulut leh a, an duh lo leh a, tihluhnain an rawn nawr lui a, an pass leh a, Parliament ta ang hetah kan pulut a, Parliament ta ang nilo, a hming mai mai, kan kalphung tidanglam chuang lo, tunah hian he dan hi kan nei a, awmzia a nei phak lo, a serh thian mai mai. Chutiang chuan tuna kan chai Transparency in Public Procurement chungchang pawh hi i nei ve ang u, kan tih kha hmanah kum engemaw zat liam tawhah khan he House-ah hian kan pulut tawh. Chumi duh lo chuan vawinah hian an rawn pulut leh ta si a ni. Chu chu a nia, thil tha hi kan duh tak tak nge, enggemaw game hi kan khel mai mai tih hi kei chu ka rilruah hian a lian khawp mai a ni a, kan hmang hman tawh dawn chuan lova, hei hi chu Sorkar thar rawn hman tur a ni a, Sorkar thar hunah chuan Arsi symbol, zan hi a lo ral tawh ang a, khua a lo var tawh ang a, Dan tha i lo chhawp lawk teh ang, an ti nia ka hriat avangin ka lawm tho tho a ni. Davida khan Temple a sa duh lo a nilo, Pu Deputy Speaker, a sa chak em em, mahse, Pathianin a chak chiah lo lakhawm rawh, i sa thei lovang, nang zawng thisen chhuah hmang i ni, a ti tlat. Vawinah hian khua a var huna Sorkar tha, corruption dona tura system tha hmanga kan dona tur a lo pian theihna tura he kan Sorkarin inruahmanna a lo nei ve hi lawmawm kati a, chak tha tak pakhat chu an rawn chhawp hi lawmawm kati hrim hrim a ni.

Tichuan, a execution-ah hian, tukin zingah VAT chungchang kan chai a, VAT Act hi tunge kengkawh ang kan tih chuan, Taxation Department-in a ni. Mahse, Taxation changtu Minister chuan, "Department hovin Tax clearance neilote an lo pe zel a, in register lote an lo pe zel a," a ti nawi ta mai mai si a. Kha VAT Act hnuaiia action laa, lungin thlenga khung theitu Department khan a implementation-a khati mai maia a ne ne ral chuan kha dan khan kan ramah awmzia a nei chuang lovang. A neih loh zia pawh kha chen kan sawi tawh a, kan hre vek. Chuvang chuan, tunah pawh hian he kan dan pass leh tur hi Vigilance Department-in a rawn kenkawh tur a ni a, Department hovin tender lohin an lo ti leh mai alawm, an ti leh mai mai ang tihte pawh a hlauhawmin ka hria. Kum 3 thlenga lungina khung theitu kha he Department hi a nih avangin a implementation-ah hian tih tak tak a ngai ani.

Tin, Pu Deputy Speaker, he dan hi a kimchang dawnlo khawp mai, hei hi a pawl kati, a bul tan nan a tha kati a, amaherawhchu, a kimlo hi pawl kati. Mahni irawm chhuak niio, exam Hall-a mi entawna pass-te hi chuan thiamna tak tak an nei ve thei lo a nih hi, mi sawi azara han tih ve hi chuan a pawimawh lai hi a lo awm lo leh tlat thin. Hei PAC ah hian kan chai tam ber chu, he thil hi a ni. Procurement reng rengah agreement atang hian a rawn thalo sa ringawt mai a, agreement reng reng kan ram kal tawh a agreement kan zuk study hian Sorkar kan hek zawk zel, a supplier benefit zawk zel hian agreement hi an lo sign a ni. Chuvang chuan, agreement-te hi zuk enpui a ngai a, rate-te hi zuk enpui a ngai a, tin, an thil supply hun chhung tur, a schedule-te hi enpui a ngai a, a hun chhunga an supply loh chuan engtia tih tur nge tih provision zawng zawng neih a ngai a. A quality control a ngai a, advance-te an lo la a, interest-te a nei a nih chuan chung recovery zawng zawngte chu a ngai a, advance pawh pek theih chin aia tam duhsak zawngte an lo pe fo tawh thin a. Chung bawhchhia chu hrem tur a ni a, hremna mumal tawh hi an la awmlo reng reng. A chhan chu, Sorkar dinglai ten an duhsak zawng zupplier-te an nih zel avangin kan Department-te an che ngam thinlo a ni tih a chiang em em a ni. Chuvang chuan, tuna kan pass turah hi chuan tender-a chhuah vek tur a ni, a endiktuin a endik ang tih ringawt a ni. An tender anga, agreement hleihluak takin tu emaw duhsak panin an ti leh ang a, a hun chhungah an supply hmanlo leh ang a, sub-standard an supply leh ang a, a nilo lo khan an induhsak leh ang a, khang zawng zawng problem awm theihna lai kha he dan hian a address fuh lo hrim hrir, a theih tlat, kan mamawh tak corruption tihbona tur hi a zuk tlinglo tlat a ni.

Dit tak chuan, mamawh loh pui pui lei a tam em em. kan ngaihlak tawh ang khan, kan hriat leh kan khawihpui ve ngeiah pawh hman deuh khan nuai 20 man an han lilam tak mai mai a, Rs. 15,000/- vel lek pawisa an hmuhchhuah a ni, chung ang chu a takin official-in kan lo ching ve tawh, PAC atangin. Kan ram sum leh pai hi tikhan a luangral a, Department-ina kan mamawh e tia requirement an place ni miah silo, tumahin an mamawh lohte tute emaw sum siamna mai maia lei vak vak reng a, kudam, thil tangkailo leh ram mamawh loh thila hnawhkhah tel tulte a tam lutuk. Tunah erawh chuan a lo ziaawm leh ta hret hret a, diktakin Ekin kal thei tih ang chi kan sawi fo, ramin a mamawh miah loh Department pawhin engatan maha a chhawr loh lo procure ngawt ang hote chungah khan action kan la tur a ni dawn lawm ni? He dan kan pass turah hian chu provision chu a awm chuanglo reng reng, mamawh miah loh pawh kha an tender chuan a tawh a ni mai dawn a nih hi. Chuvangin heng zawng zawng hi a la kimlo lai a ni a, SPAB te kan nei a, Departmental level-ah kan nei bawh a, chungte pawh chu a dik chiah chuan, thu lo tawp ten thu angin back-date tein an sign mai mai tih kan hre reng a ni. Hetiang tih hi a tam lutuk, khatiang zawnga a kal lohna tur khan kan inven a ngai nasa em em tawh a. Kan ram hi kum tam tak chhung hetiang supply thila induhsakna hleihluak avanga sum leh paia supplier-ten min ei vak vak hi a tam lutuk tawh, kan bill hian P.W.D.-a contract hnathawh a huam lo lehngal, procurement chungchang chauh a huap a ni, chutah pawh a pawimawh zual lai a kha thil fello leh Sorkar sum rawk a nih thinna lai tak tak a kha a zuk tel chuang silo hi a pawina lai tak niin ka hria a. A Rules lamah tal a theih chin chin a rawn tel

theih chuan a lawmawm khawp ang a. A Act-a chuang lo na pui hi chu a Rules atanga cover vek chu a har chin a awm ka ring a. Engpawh nise, a bul tanna atan, an ngaihtuah vang vang a, ni lo chhuak tur an lo hmuah thiam ve dan tawk a nih chuan lawm takin kan pass-pui ang a, nakinah khawvar engah a fello laite kan la rawn thuam chhawm zel ang a, kan ram tan system tha, corruption kan dona tur atana kalphung tha, zawm chak lo deuh pawhin loh theih loha a zawm a, tha taka hna a thawhna tur system a nih avangin lawmawm kati tho tho a. Chuvang chuan, hlim takin pass tlang ve phawt ila, a tul ang angin kan siamtha chhawm zel ang chu tih hi ka'n sawi ve duh dan a ni e, ka lawm e.

PU LALTHLEGLIANA : Pu Speaker, ka lawm e. Vawiina kan bill hi a pawimawh hle mai a, mipa diktak chuan nupui a nei tur a ni a. Chutiang deuh chuan RTI a lo pian hi chuan The Mizoram Transparency in Public Procurement Bill hi kan neih ve ngei ngei a tulin ka hria a. A Rules lam la siam a ni lova, a dan tlangpui, a bill hi siam a ni a, a Rules-in a kimlo lai chu engkim a la rawn tikim ang a, a engamah hma a thil kan han sawi danah hian a mak thei angreng thin kati a. Hei, nichinte khan Khawzawl bialtu MLA zahawm tak khan a bill chhung luhchilh chuang lovin, tha ti thovin, a hma pawh khan a man a sawi tawh thin kha a ni a. Sorkar sapatal dante, chawm bawk, hawp bawka duh tawka sum leh pai lengdarha che angte khan sorkar min han puh a. Hetiang hi a tlangpuiin a tha a, tunhma Sorkar lokal tawhte, Sorkar pakhatah phei kha chuan curfew tam ziate, mipui chep ziate kha kan hmu a. Thil tak tak tih a awm lo a ni. Sorkar pakhat lehah chuan, Pastor Chhawna sawi angin, Zoramah hian kutphah a lo lang a, kut chu khingkhath a ni a, chu chuan a dawm loh tur a lo dawm a, Zoram mipuite kan buai zo ta a, kawr tet ha ten ruk ruk tur an hmu lova, suit ha hovin an ru ta zawk a tih kha a thleng dik em em a ni. Kawng tinrengah sualna khurpui tihte, corruption kawngkhar tihte, a bu chhawpui pawh kha kawl tam tak in la awm ang a.

Engpawh nise, Khawzawl bialtuin khati taka a han tihah kha chuan, kan chenna a zir hian kan miziate hi a dang zo ta a ni kati a. Nula fel tak KTP tak pawh hi a pasal a diklo a, a inchi ah rei viau chuan nungchang thalo takin a zui duh khawp a ni. A piansual thui theih khawp a ni. Party ropui tak atangin a te zawngin an kal a, an han ban lehngal a, he Session chhung ngei pawh hian Pute thutpui theiloin recess room hranah an thu a, heng angte hi, hetiang ang ngaihtuahna hmunkhat hi 40 rual awm ta sela, kan ram ro han rel ta sela, a mah Pu Laltina'n "kan chhungkua chu kan pa deng deng khawp a, chaw ei dawn hian kuttum a leng huai huai" a tih ang kha an nih duk hmel khawp mai. Mikhirh, pahnih chauh thutdun pawh thu dun hlei:hei lo kha an ni a, chung chuan an sawi awm tawk te te an rawn sawi niin ka hria. A pu ber pawh khan ni chhuah hunahte a han ti a, lehlamah chuan ni hi a chhuak reng mai a, hei, ni rawn chhuak an lo nghah tur hi amah Pastor Chhawna khan a sawi dan chuan khata hruaitu a nih a lo chhuah hnuah pawh khan Arsi neitute kha an la ni zel a, a ti a

ni, ni zel dawn a ni. Tin, Pathian malsawm hman loha mihring awm hi a awm ve a, tunah hian, tunah khan MLA zahawm tak rawn sawitu kha malsawm hman chu nisela Congress sorkar lai khan a Minister tawh em em ang a. MNE, a kalsan apiang hi kan sorkar zel si a, a lehpekah an ni chhuah nghah hi a rei hmel khawp mai. Chutiang mi, hriatthiam harsa chu a ni.

Hei, tunah pawh system tha kan mamawh tihte an sawi a, thil hre teuh mai, pass sang thei chuang miah lote hi awm a ni a, hetiang hi hmuntinah hian kan awm hrim hrim. Keini Sorkar hi chuan in tih duh loh zawnz zawnz hi han ti ila, Pu Deputy Speaker, i vei lam amite, term engemaw zat an lo Sorkar tawh a ni. Khatih lai khan municipal council-te pawh kha sawirik a awm thin a, an tih duh loh, hei, kan ti zel mai a, lehlamahte chuan ka ngaih a tha lo lek lek a. Aizawl-ah MLA 11 awm tur bawk, Municipal Council han awm tur bawk nen chuan General kha kan intawk sil luai luai mai dawn te pawhin a lang a, an lo fing zawk emaw ni kati rum rum a. Mahse, a tha turah ka ngai a. Engpawh nisela, in tih ngam loh zel hi kan ti a, RTI te pawh ti hian kan tichho a, kan Sorkar lai ngeiin kan ti ang tiin duh duh an zawt a, hunin min daih lova tunah pawh. Hemi transparency bill hi ti hian a rawn kal chho leh a, a sawitu tam takin an han sawi danah pawh khan, Kawnpui bialtu zahawm tak khan uluk takin in hmang ang chu, an ti a. Uruk takin kan hmang chho turah ka ngai a. A lehpekah pawh keini chuan he Transparency Bill hi kan lo pass a nih chuan, a nih ang takin, tha takin kan hmang chho mai dawn a ni. Tin, keini chuan, kan ti mai zel a nih hi, engkim mai hi.

Tin, a tak takin a chhe lai khawimawh laiah tihsualte pawh a awm ang, fello pawh a awm ang. Lehlamah chuan, thil tha deuh mai Ruling Party-ina an han passed rup mai hi chuan Pu Deputy Speaker, i vei lama mi tan chuan dunkhawp mai hi awl tak a ni. Aieng chungchange pawh kha a zahve tal min lei sak rawh an han ti a, Khawhai bialtupa kha thahnem a ngai khawp mai a, a zatve tal a theih lawng maw an ti a. Kan Puiin "a vaiin kan lei ang" a tih kha chuan kan kun lup mai a, Pate vui haw tur ang lup mai kha kan pu a. Khatiang kha a ni a, hei, tunhnai mai a ni a, tunah miin an cho chur chur a, an lei zel mai chu a ni a. Tam chungchange pawh khatiang khan kan ti mai zel a, pawisa chu kan dah zel ang a ti a, a thlamuan thlak em em a ni.

Chuvangin, heng thil tha Sorkarin a ruahmante, a bik takin official-ho rawn chhawp chhuah a nilo maw? in tih ngam loh an rawn ti a nilo maw? han tihte kha chu sorkar kalphung reng reng hrelo kha kan ang lutuk a. Engemaw pulbic-ah hian kan va intar deuh nge ni, mipui pawh hi an mawl tawh lo a nia. Hetiang em em hi chu thil awm thei pawh hi a nilo hrim hrim a. Chuvangin, vawinah hian ngaihtuahna puitling tak neiin kan ram tana thil tha tur ngaihtuahin RTI te hi a lo pian takah chuan hemi Mizoram Transparency Public Procurement Bill hi chu tihmakmawhah ngaiin Sorkarin a rawn chhawp chho dawn a. A lehpekah pawh kan sorkar dawn tih hre rengin thlasari (7) lek kan hmabak tawhah hian lehlam talbuai dan leh insawmkhawm dante, an han intawksir vel dan han hmuh hian mipuiin a thlakna tur an la hmu bawk hek lova, tin, keini lam chuan chiang

saah, kuta sava fu, thinglera sava fu ni lovin, kuta sava fuah hei hi chu kan ngai deuh a ni. Chumi hrereng chung chuan heng bill hi Zoram tan a tha e, lehlamah kan rek na deuh pawh nise, i pass mai ang tiin an rawn chhawpchuah hi pass ngei turin ka insawm duh a ni. Ka lawm e.

PU LALRINLIANA SAILO : Pu Deputy Speaker, ka lawm e. Vawiina kan Bill sawikhawm, Mizoram Transparency in Public Procurement Bill, 2008 hi a lawmawm hlein ka hria a. hetiang bill pass tura sawi theia ka awm hi ka lawm hle a ni. Hun hmasa lamah Khawzawl bialtute, tin, Phuldungsei bialtute pawhin an vei hle a. Amaherawhchu, hnawlte leh tihtlak a ni thin a. Amaherawhchu, tunah hian hei, kan han ti dawn a ni a, engle khawle a tha hrim hrim ka tih rualin a tangkai tur ang erawh chuan a tangkai dawn lo ta niin ka hria a. Ka tehkhin ber chu, 1972/1973 chho vel nge ni chiah ka hre ta lova, East Lungdar khuain vanduaina an tawh a, a kan hrep hnuah khan, a tuk te, a tuk lehte khanin mei laka fimkhur tur tih an au loh loh reng mai a. Chutiang nen chuan danglamna a awm lo reng reng. A pawl, a pawl zo tawh a, kan rama sum leh pawl lo luang lut zawng zawng han thlir hian, a nih tur ang ni tawh lova, tun anga hei kan han tichho hi a uiawm hlein ka hria a. Chuvang chu a nih ka ring a, mi zawng zawng hian Bazar-ah va kal ila, a nih loh leh khawthlangah kal ila, in Session dawn a, he Sorkar hi hau hrep rawh u, tih a ni vek ringawt mai a ni. A engle ni hauhna tur kan hre chuang lo a ni maithei a. Kal leh ila, in hauna lo lutuk an ti leh ringawt zel a. Chutiang Sorkar chu a ni a.

Tin, RTI nen han sawi pawl loh theih loh a ni a. RTI te hi kan sawi tawh a, a nawra nawr thluk, centrl-in a, a nawr a, an rawn nawr thluk a ni a, hei, tawngkam mawilo nilo seng, Bihar-te pheih khu chu, keini aia ram tawp zawk ti mai ila, tawngkam mawilo nilo se, ram fello tur zawka ngaih te chuan khawlaiah RTI hi Telephone pawha hmuh theih tura ruahmanna an siam tawh kha a ni a. Chutiang chu a ni a, hei ka ti a, kan hun kal tawhah te khan a uiawm mange aw, kanti a. Rural Development-ah vawkte kan han supply a, a penalty kha a awm leh miah lo a ni, a thi vek a, kan hria a. Vawkte a sangtel kha a thi a, nuai sawm tam kha a ral a nia. Chumi dik loh, khami material dik lo, entirman, material procurement reng reng paw kha a diklo deuh hlek supply-a, penalty awm thinlo te kha a uiawm hle a ni. Ka hmaa mite sawi angin, Vety-ah PAC angtein kan zu kal a, incubator-te kha demand reng reng lohin, Department-in kan mamawh e, tih ni reng reng lo khan an lei tawp mai a, register-ah pawh an lo dah lo reng reng a ni. Chutiangte chu kan zu hmuchhuak a.

Tin, hei BADB pawh an han tender a, an mi leh sa duhzawng ten an chhang lo nge ni, an re-tender leh ringawt mai a.

Penalty chungchangah hian Pu Deputy Speaker, luh lawk ka duh a. Penalty hi hei ai hian uar hret se tha kati a. Entirman.

zu zuar ho pawhin penalty aiah hian midang an tan tir mai a ni. Tin, pawisa tlemtein penalty anpe a, na pawh an tilo. Chutiang deuh chuan hei tunah pawh Rs. 5,000/- tih a ni a, thil tisuat duhte kha chuan pawiti lovin an chawi leh duh mai ang, kan moral hi siamthat a ngai tawh khawp a.

Tin, page No. 2-naah hian ka hriatthiam loh vang nge ni exceptions to applicability tihah hian hei hma kan lo sawn chho zel a, security thilahte emaw, loh theih loha exception-a thil tihte a lo ngai a, chu chu a chiang tawk lo deuh kati a. Entirman, a hukpuia tender open loh chite pawh security thilah Governor a ni emaw, Chief Minister a ni emaw, a awm ve fo dawn a. A material emaw, a thawktu turahte pawh, chungte chu ven a thain ka hria a, ka chhiar fuh thiam lo nge ni ka hre lova, chu chu pawimawh kati a.

Tin, pawl ka tih em em chu, hetiang hi kan siam dawn chu a ni a, a uiawm ka tih thuah khan sawi ka duh chu, Kau Tlabungte hmannah kan sawi tawh a, thildangah kan cho lo e. thiam thilah te, finnaah te, amaherawhchu, a chhe zawnga mi va khin emaw, a chhe zawng ni lovin a tha zawngin ka cho e, ka tih kha kan Chief Minister zahawm tak pawh dawt leh thudik ni lova tawngkam thiamna avang ringawt maia mite va heka, mipui hmaa tawngkam thiam zawk ang chi kha a ven theihin ka ring a. Diktak chuan, office sawn vek tawh a, final bill lak vek tawh a, a thawktu te pawhina a bill an hmuh mang loh kara vawi 700 chuang, 800 dawn mai a han exceed tawp mai te kha, heng dante hi chu lo piang tawh se chuanin a ven theihin ka ring a. Tin, chuti chuan, Department tam tak a awm a, hei thu kan inchuh a, kan hria a, Health Department-ah te pawh khatiang kha a ni a, a pawl tak meuh meuh a ni. Tuna anga nawr luihna, barh luih, barh luih Sorkar tih ang deuh hleka, barh luih hetiang ang bill tha, a that chu a tha a, kan lawm khawp mai, barh luih a ni ah kan ngai a.

Tin, hei a rawn puluttu zahawm tak Department, Home-te pawh kha kan hria a, alcolizer, zu in leh in loh enna lehkha, cheng nuai 1 sing 9 sang 2 a ni ringawt mai a, thil pakhat te kha. Company kan zawt thin a, hei zawh chhuah hleih theih lohte an ni chhova, tin, hemi angle post, thir ban. Rs. 6300/- a supply a, kumhnih hnua Rs. 630/- a an tla tawp maite kha, heng dan te hi lo piang tawh nise chuan aw, Mizoram tan hian sum hi kan va safe hnem dawn em, a tam mai department hrang hrangah khatiang kha a ni a. Amaherawhchu, tunah hian hun a rawn inher dawn a, Chhawna inlarna ka rin ve pakhat chu. Chhim lam atanga eng lokal tur, ni chhuak chu kati em lo ang a, hi ka dawn vena in ka hria, hemi lookeast-te, helai kawng kan tihte, electric eng nen, chung hunah chuan hlim tak takin kutin kan in chibai sup sup mai ang a, mite an hlim tawh ang a, chu chu kan nghak a, chu chu khawvar dik takah kan ngai deuh hlek zawk a.

Tuna kan bill pass tur hi a tha kati a, hun lokal turah pawh Sorkar tha siamna tura vengtu tha tak a nih ka ring a ni. Tin, system tih hi kan sawi duh a, India ramah khawvela democracy hian ber leh system tha ber India rama awm kan ni a, a system hi chu a tha a, a mihing a te execute-

tute hi a pawimawh a ni ringawt mai a ni. Dan pawh hi a titute an that loh chuan a thalo a ni mai, dan tha leh system tha lutuk hnuai a awm mihringte hi kan pianthara, thinlung taka kan rawn tan leh keimahnin an chung a kan thawh a ngai a ni tih kha ka'n sawi duh a ni e. Pu Deputy Speaker, ka lawm e.

DEPUTY SPEAKER : Awle, Pu R. Khawpuithanga i lo sawm ve leh ang.

PU R. KHAWPUITHANGA : Pu Deputy Speaker, ka lawm e. Pu Deputy Speaker, tuna Sorkar dinglai hian Dan, Act tam tak a siam tawh a, Amendment tam tak a siam tawh baw a, Rules phei chu sawi sen loh a siam tawh a ni. Hetianga Dan siam tam Sorkar hi an la awmlo a ni ti ila, kan sawi soal tamin ka ring lova. Vawinah ngei pawh hian pakhat Amendment a ni a, pakhat Act-a kal tur a ni baw a. Chuvangin, Dan siam kawngah hian Sorkar dinglai hian hna ropui tak Mizoram tan a thawk a, chu chu system tha kan neih theihna tur a ni. System tha nei tur chuan Dam siam tam a ngai a, chuvangin, vawina mite ngei pawh hi chumi atana tangkai em em tur, i veilama mite khan rawtna tam tak an siam tawh thin a, chumi tihlawhtlinna zing ami pakhat chu a ni. Chuvangin, Opposition-a awm lai pawhin a tangkai thei ang zawnga sawisel ringawt ni lova. Dan leh Dun thate siam hi a tul thin a. Tunhma pawhin kan mi hmasaten hetiang hian an lo ti a, Sorkar hmasa lamahte pawh, chutiang chuan Act lokal ta te pawh a awm a ni. Chuvangin, mimalina rawtna an lo siam, a lo tla a nih pawhin, a hlawhtlinna lokal zel atan khan rahbi a ni tho tho a, chuvangin, hetiang deuh hlekin tunhmaa lo lutte pawh kha a hlawhtling, a thlawhchham lovah kan ngaih sak a, thil hi rawtna a lokal hian vawikhata tihlawhtlin a ni mai lem lova, amaherawhchu, nakinah hunina a rawn kalpuia. tihlawhtlin leh a lo nih takte hi a awm thin a ni.

Sorkar thilah pawh ni lovin, NGO ah pawh. Kohhranah pawh hie hi thil tam tak a ni tho tho a ni. Chuvangin, Agenda-te kan ti a. Kohhranahte pawh nikum hmasa lama rawtna tlate kha a lokal thar leh a, tichuan, ngaihtuah thar leh a ni a, a lo tlu ta nge nge a. Khatiangte kha a ni a. Khata a tluk loh khan, entirnan, Synod khawmpuiahte pawh, kha Synod kha a van fello em, miten an ti ngai chuang reng reng lo, a hunin a rawn ken arg zel khan thil a lokal mai zawk a ni a. Tuntum Sorkarah hian thil thar dan kan han neih zingahte hian he Transparency in Public Procurement for works etc., khatiang ang atante khan hei hi dan tha deuh mai a ni. Tin, Youth Commission-te hi Act-ah chantir theih turin thil la awm ngailo Mizoramah siam tum a lo ni baw a. Municipality dante pawh khi tun Sorkarin a siam a ni a. Tichuan, lungrual takin House-ah kan pass a nih kha. Tin, chubakah, V/C dan chungchang thute pawh a la famkim lo lai awm mahse, dik tak chuan, nominated seat mahni Sorkar tan pawha chhiat theihna ni si, he Sorkarin an siam ngam ngat maite kha Mizoram tana tha a nih avanga mahni tana pawl tur

pawh chhechhama tiam ngam ti ang deuh khan, chutiang dan Mizoram atana tha siam ngam Sorkar kan nei hi Mizoram tan a ni tih hi ka'n sawi duh a.

Tin, tuna kan bill-ah hian hei kan han hmu a, thenkhatin kan han sawi thenkhatah khanin a kimlo a ni tihte kha a dikna laite pawh a awm ang. Amaherawhchu, section 18-te kha en hmaih lo ila, thain ka hria a. Governor hian a tul a tih hun hunah hianin transparency a awm tak tak em ? tih enfiah turin a duh duh kha a ko thei tlat mai a ni. Chuvang chuan, a kimlo lai apiang kha Governor-in kan rama hruaitu, Head-in hei hi engati nge ? a tih theih tur dan han siam ngamte hi a ropui a nia. Chuvang chuan, a chhe zawng hlir emaw, kimlo awma kan han tihte kha a ni lemlo tih kha ka'n sawi duh a ni a. Hei hi chhiar chiang ila a tha ngawt ang. tin, a famkim lo kan han tih thenkhatah khan a review ang deuh hlek kha a penalty tih kha section 23-ah khan a awm a. Penalty tihte pawh hi ni e, vawikhatah chuan kan duhtawk lo a ni mai thei a. Amaherawhchu, hei hi a hlawhtlin loh chuan amendment-te pawh a lo kal leh ang a, chutah chuanin a aia na zawkte pawh 'hemi hi kan zawm thalo' a nih chuan a tihte pawh he House hian a la ti leh turah ka ngai a.

Tin, heta lang kimlo a tenawi ang chite pawh Rules-ah a lo la kal dawn a ni a. Chuvang chuan, he Sorkarin Transparency a duhna avanga corruption-te a bo theihna tur atana 'Transparency in Procurement Bill' tih hi Sorkar dinglai tan chuan tih loha liam tir mai hi thenkhat tan chuan chakawm thei tak a ni. Tunhmaa Sorkar lo ding tawh pawhin hei hi an hrelo pawhin ka ring lo a, mahse, an la ti ngai reng renglo a ni. Chuvang chuan, hei thla engemaw zat lai a la awm tho a, khami chhungah pawh khan hei a pawl tur ang a nih chuan he Sorkar dinglai tan hian a pawl pha hrim hrim. Nimahselang, Mizoram tan a tha a nih avangin vawiinah hian pass tura an rawn chhawp chhuah hi a ropui hlein ka hria a, chuvang chuan, Pu Deputy Speaker, i veilama mite khan lawmawm an ti a, ngaihthlak pawh nuam an ti a, vawiinah hian lungual takin kan ram tana thaah chuan thil tha chu kan lo duh tlang a ni tih pawh hi a hriat a.

Tin, a thenah chuan, Sorkar hnathawktute an lo lang ve a. Sorkar hnathawkte hi eiru leh thilsual tia kan han puh mai hi kan Officer liante kan hmuh dan hi chu a felloin ka hria. Hei hi chu kan sim tlan a tha a, an tel lovin hna a thawh theih loh. Chuvangin Sorkar hnathawkte hi hetiang buaipuitu zawk hi an ni a, chuvangin, an tel lovin kan kal thei reng reng lo, kan kut kete an ni. Eiru tur ringawt leh bawlhhlawh tur ringawta kan han chan chhuah hi chu a zahthlak pawhin ka hria a. Chuvangin an thiam lohna laiah chuan kan zihhau thei a lawm, tute pawhin. Chuvangin, hetiang kawngte pawh hian misual tur leh thalo tur ringawt, mipuite phehi hi chuanin politician reng reng hi eiru tur ringawt, lo sorkar leh pawh nise hei ang tho tih tura keimahni kan inchhuahna mai mai a ni. Chuvang chuan, thil thalo lo chhuak hi a dik tak chuan keimahni roreltu leh politician-te atangin a ni fo zawk a, kan fimkhur pawh thain ka'n ring a, chu chu ka'n sawi duh a ni. Pass ngei ka han rawtpui a ni e, ka lawm e.

DEPUTY SPEAKER : Sawi tur dang hi kan la awm em ? Kan awm tawh lo a nih chuan, hei vawiinah Member ten dan siam hna ngawrh takin kan bei tlang a ni a. Tikhan, kan sawihonate kan duhtawk dawn mai ang a, tunah chuan bill neitu kan Minister zahawm tak Pu Tawnluia. sawifiah ngai awm ang angte rawn sawifiah a, rawn wind-up nghal a, pass pawh rawn dil nghal mai turin i lo sawm ang u.

**PU TAWNLUIA
MINISTER** : Pu Deputy Speaker, ka lawm e. Hei vawiinah 'The Mizoram Transparency in Public Procurement Bill, 2008' nilengin Member zahawm tak tak ten taima takin kan sawiho a, a tlangpuiin a sawitu zawng zawng khan a thalo ti kan awm lova, a tha a, hei hi a tul a ni, kan ti vek a. Kha kha ka lawmna a ni. tin, hemi a text-ah pawh khan a tlangpui han en khan a tha thawkhat viau a ni tih kan sawilang theuh a. Tin, Pu Speaker, he Bill hi kan joint Legislature Party Member zahawm tak tak ten uluk taka an lo draft ve a, Department-te nena chutianga en chhoh chu a ni a. Diktak chuan, a Bill hi a tlem na vang vangin a saptawng leh a kalphung, arrangement pawh hi a fuh hlein ka hria a. Chutiang chuan he Bill hi kan uluk a, tiang chuan vawiinah pawh sawitu zawng zawng ten a support zawngin kan sawi vek a, ka duhthawhna avanga a kimlo lai leh siamthat ngai lai deuh awm niawma tarlante pawh kha thil tul leh pawimawh vek an ni a. A tlangpuiah chuan khang kha Rules lamah siam theihin a zeh theih dawna rinna ka nei a. Tichuan, sawitu hrang hrangte han sawiah khan a tlangpui thuin quality control ti mai ila, kan supply material quality kha a tha a i tih engtingge kan assure ang ? tihte, tin, a hnate, tender a nih pawhin, construction a nih pawhin a hna a tha em ? Engtingge kan ensure theih ang ? tihte, tin, a hun chungin an rawn pelut thei angem ? tih chungchangahte. Tin, a thlan dan tur takah pawh khan fimkhur a ngaih thte kha kan sawi tlangpui a. Khang kha a Rules lam atang pawhin en theih turah ngai ta ila, a tha ang a. Tin, Pu Deputy Speaker, hei kan dan hman lai hi a awm ve a, Department tinah Officer-ten anmahni thuneihna chin, financial power an nei thim them a, tiang chuan, department-a tuna kan dan neih neuh neuh ho hi he dan hian a khaikhawm turah ngai ila. He dan chungah pawh hian District Council leh Board lampangte pawhina anmahnia han tih theih tur chin Rs. 50,000/- hnuailam a nih chuan chutiang chuan tih a ni ang a. Nuai khat a nih chuan chutiang tihte pawh kha a awm a. Tiang chuan a enkawltu bik siamin Traders Scrutiny Committee-ina an en tur a ni.

Tin, Department-ah chuan Deputy Secretary chin, District huam chinah Deputy Commissioner tihte bithliah vek a ni a. Chuvangin, tender hrim hrim pawh kha tunah chuan kan dan dinglaih hian dan kan bawhchhia a ni hnan lova, mahse, kan dan denglai Department-ina kan neih fir fer, kan kenkawh aia tha zawk hian a khaikhawm turin kan dan hman hi inang ta vek se tihte pawhin sawi ta ila. Department tina an hna te te kawnkawh tur hrang

hrangte kha tunah hian an ruahman a ni a, a lawmawm hle a. Thil tha hi chu a tha reng mai a, chuvangin a hun lampangah khan he hlutna hi a nep chuang lo a. Tuna kan dan dinglaih chuan a pawisa senso tur a tam chuan Department Purchase Board, Advisory Board kan nei a, State Purchase Advisory Board-te kan nei leh a. Work Department-ah te phei chuan SDO te, E.E. te, S.E., C.E. in an dispose theih chin a awm thluah thluah ta a. Khatah pawh khan kan Rules-ah khan engtingge a in corporate dan tur pawh la zirchian a ngai ang a. Manual angte pawhin kan kal a ni a. Chung zawng zawng han dahkhawmin kan la en ang a, bungrua mamawh lo lei vak vak mai tih kha tunhma kha chuan a lar a, tun MNF Ministry a lo din hmasak, term hmasa atang khan tunhmaa stock suspense kan tih works department, PWD, Power, P & E, P.H.E. ah te bungrua lo lei khawlina atana pawisa dah thin, khanglai budget kha kan en chuan cheng nuai 500 te stock suspense-ah dah a ni thin a. Hei hi bungrua lo leikhawl teuh hian tullo te lei khawlina chance a awm, i enchiang ang kan ti a, kan Ministry hmasa atang khan ka enkawl department P.H.E.-ah nuai 50 kan dah ve ve a, chu pawh chu kan hman dawnin finance concurance hemi atan bik hian a ni e, kanti a, kan la a ni. P.W.D.-ah nuai 100 an la dah thinin ka hria a, chu ringawt pawh chuan a control nasa em em a, mamawh lo lei kha nasa takin a control a, P.H.E.-ah hi chuan an mamawh hi Division-ah tlem te tein an lei a, Pipe hi chu a hlawmin manufacturer-ah a tih loh theih loh na chin a awm a, kha kha corruption/thil diklo awm theihna remchang tak mai kan Sorkar pawhin kan han din tirh atanga mipui duhsaknaa thuneihna kan han chelh khan hma kan lo lak ve pakhat a ni tih kha han sawi ka duh a.

Tichuan, unnecessary material chhek khawl kha tunah chuan a sawitu tam tak khan kan recognise niin ka hria a, a tlem ta viau a, a lawmawm khawp mai. Stock suspense-ah nuai 500 te a awm chuan nuai 10 man lo pe mai ta chu nuai 20 man tih kha chunglam atang khan a awlsam a, khatiang a awm kha chuan anni khan lei tur an dap kha a ngai thin a, chu chu sual vang pawh nilo khan engemaw thlemtu kha a lo awm awlsam em em a. Chuvangin, tunah hian a tlangpuiah kha chuan tullo lei hi chu a tlem ta viau a. Hemi dan kan hman chinah phei chuan khatiang kha a awmlo hle ang tih kha a beisei theih a ni. Committee hrang hrangin tender chhuahtu, scrutiny-tu leh a tlangtu tur pawh kha a committee a hran theuh chuan a in check viauin a lang a. Khang kha han implement mai a chakawm em em mai a ni a. Tin, lehlamah exception a awm nual a, khangah pawh khan DGS and D rate contract pawh kha India ramah dan hi a awm a, kan sawi fo a, tuna kan ngaihthlakah pawh khan kan enghelh chu quality control hi a ni. Miinrawn supply ta sela, a rate hi chu engpawh nise, a quality a that loh chuan pawisa tul lovah kan sengso thlawn thin a, a pawia a.

Hei keini Police-ah pawh hian a procedure hi a thui lutuk kati a, Police Uniform kan tender hian kan han ti mai a, smote pawh kha a Khaki tam deuh leh a green tam deuh te a lo awm a, a tial danah te. a kikawi danah pawh kha a lo danglam tam em em a, a puan pawh a lo in that hleih khawp mai a, uluk a ngai em em mai a, kan Handloom lampangte pawh kan ti thin a, preferential show purchase rules-in kan ti dawn thio a, quality-in kan zawh loh changte a lo awm a. Chuvangin procurement hi fimkhur a ngai a, hetiang

tak hian tun hunah hian kan department-te hian dan siam ila, Legislation meuh atang lo zawnngin tuna kan dan dinglai neih neuh neuh atanga han in control leh thil han tih hi a buaithlakna chin a awm e, tiin hetiangin ruahman chhoh a ni a.

Pu Deputy Speaker, kan hria a, tunah chuan separation of judiciary-te pawh Sorkarin a implement mek zel a, Dan leh Dunahte thil kan duh ang takin la fihlim lutuk lo mahse, 90% ang hi chu judiciary hi a seperate tawh a ni. Chuvangin, High Court rawn lo chuan engemaw thil danghte hian Sorkarin kan ti tawh lo reng reng a ni a, Sorkar hian thil tha leh pawimawh hi chu a tul chuan kan hmachhawn a, kan titawp mai zel a ni a. Heng RTI Act pawh kan hmang a, diktak chuan, hengte hi tunah hian kan zir chho a, chutiangin kan hmang tangkai chho mek a ni a. Tunah hian hei Mizoram Transparency in Procurement Bill hi kan siam leh takah hian kan Sorkar hian thil tha a duh a, thil tha tih theihna turin system pawh hetiang hian siam a tum zel a ni. Hei hi kan zavai atan a ni tih a chiangin ka hria a. Vawinah kan sawi hrang hrang atang khan thil tam tek kan sawi chungin, ka chhinchhiahin a tlangpuiah chuan khatiang ang zawnngin khan a khaikhawm theih mai pawhin ka hria a ni.

Chipchiar lutukin kal lo ila a thain ka ring a. Contractor hming hawh tihte, binami tihte kha opposition-te chuan kha tawngkamte kha an hmang a. Kan Mizo sumdawngtute tun dinhmunah hian kan fimkhur pawh a ngai a, chung karah chuanin heng dan hian a take-care zel turah te pawh ngai ila. Vawinah hian he dan sawituten a tha e, kanti vek niin ka hria, a la famkimlo deuh zel tel ni sela, a main act a rem loh pawhin a rules-ah heng hi thun ni sela tih angin kan sawi theuh a, a lawmawm takzet a ni.

Pu Deputy Speaker, tunah hi chuan ka bill rawn putlul, 'Mizoram Transparency in Public Procurement Bill, 2008' hi he House zahawm tak hian min pass sak ka rawn dil a ni e.

DEPUTY SPEAKER

: Awle, Bill neituin sawifiah ngaite sawifiahin pass a rawn dil ta a, House ngaihkan kan la ang a. Dan angin main body of the bill hi clause by clause-in kan la ang a, clause 3 leh 4 provision not to apply to certain cases leh exception to applicability hi pass remti apiangin 'remti' ti rawh ule. Remti lo chuan 'remti lo' tiru le. Hei hi Bill a tel a ni. Clause 5 atanga clause 18-na thleng regulation of procurement hi pass remti apiangin 'remti' ti rawh u le, remti lo chuan 'remti lo' ti rawh ule. Hei hi Bill a tel a ni. Clause 19 atanga 26-na Miscellaneous hi pass remti apiangin 'remti' ti rawh ule, remti lo chuan 'remti lo' tiru le. Hei hi Bill-a tel a ni. Awle, tunah chuan Preamble and enacting formula clause (1) leh (2) short title and definition-te hi pass remti apiangin 'remti' tiru le, remti loin 'remti lo' tiru le. Awle, House-in Preamble and Acting Formula clause (1) leh (2) short title leh definition-te hi House-in a pass ta a ni, hei hi Bill-a tel a ni.

Awle, tikhan 'The Mizoram Transparency in Public Procurement Bill, 2008' chu House-in lungrual takin a pass ta a ni.

Awle, vawiin atana kan business kan zo ta a, kan chawl rih ang a, naktuk 1st April, 2008 zing dar 10:30-ah kan thukhawm leh dawn nia.

Sitting is adjourned at 4:50 P.M.